

KU FUNUNGURIWA

KA XIKWEMBU

 A hi yimiseni xisweswi xinkadyana loko ha ha korhamisa tinhloko ta hina hi khongela.

² Hosi ya hina leyi yi Sasekeke, hakunene ha wu khensa namunthla nkateko lowu hi nga na wona wa kuva hi hlengeletana kun'we ehenhla ka misava ku nga se fika ku Vuya ka Hosi. Leswaku hi nga ha kambela timbilu ta hina namunthla, hi Rito ra Wena, kutani hi vona loko hi ri eRipfumelweni, leswaku hi nga ha ti lulamisela, leswaku, eka awara ya ku Humelela ka Yena. Leswaku hi va hilaha Matsalwa ya nge teri swi tava ha kona, "Hi vutliwa kun'we, ni lava va nga etlela, kutani hi hlangana na Hosi empfhukeni, hi tshama na Yona hilaha ku nga heriki."

³ Ha Ku khensa hikokwalaho ka Moya wa ntiyiso wa Xikreste lowu wa ha riki kona emisaveni, exikarhini ka vanhu, lava va ha pfumelaka eka Wena na Rito ra Wena. Swingaleswi hi kombela minkateko ya Wena ehenhleni ka hina namunthla, leswaku U ta nisela mpfula eka un'wana na un'wana wa hina loyi a nga na xilaveko, leswaku hi nga ha cheletiwa hi Rito, leswaku hi nga ha kulela eka switirhi leswi swi nga ta tirhisiwa hi mavoko ya Wena, eka siku leri ro hetelela. Ha swi kombela leswi hi Vito ra Hosi Yesu Kreste, Murisi wa hina lonkulu, loyi hi n'wi languteleke leswaku a humelela. Amen.

Mi nga tshamisa.

⁴ Nakona ndzi lava ku vula leswaku ndza kholwa leswaku lowu i nkateko wa kahle eka mixo lowu wa kuva lahwani nakambe. Kutani hi khomeleni kuva hi pfumala ndhawu leyi yi ringaneleke yo tshama kona. Kutani hi ta ringeta, vusiku bya namunthla, leswaku hi va na xikhongelo xa vavabyi; namunthla, mixo lowu, swi ta tika nyana.

⁵ Kutani—kutani ndzi ya eku ri kandziyiseni Hungu leri namunthla. Ndzi...Hosi yi tikomba yi tirhana na mina ha swona, oho, nhweti kumbe tinhweti timbirhi leti ti nga hundza, kutani i nkarhi wo leha. Nakona a ndzi na nkarhi wo huma eka tinhlengeletano, hikuva hi wu pfumelela wu va na timinetse ta makume nharhu, makume mune wa timinetse ta xikhongelo. Kutani hi...Hikokwalaho ka vanhu lava va lavaka ku ya emintirhweni na swin'wana, ndzi vone swi antswa leswaku ndzi komisa Mahungu ya mina. Nakona a va na nkarhi wo huma lahaya loko va ri kandziyisa, swingaleswi a ndzi ehleketa leswaku ndzi ta yima ku kondza ndzi fika etabernakeleni

lahawani kutani ndzi ri kandziyisa kusuka kwala. Kutani ri lehile nyana, nakona ndza switiva leswaku mi lo yima, kutani ndzi—ndzi ta hatlisa hilaha ndzi nga ta kota ha kona. Kutani, sweswi, mi ngaka mi nga ndzi karhati loko mi ntshamisisa switulu swa n'wina, kumbe swin'wana, sweswo—sweswo swi tava swi ri kahle eka mina hikuva leri i siku ra nkoka ra kuva hi endla minkandziyiso ley.

⁶ Kutani hi na swiviko swa kahle leswi swi humaka eka leswi Hosi yi nga swi endla ensin'wini, kambe hakanyingi hi nga ha nyika swotala swa swona vusiku lebyi loko hi nga ri nyika nkarhi wo hlaya, hi va na nkarhi wo hlaya lowu hi nga wu nyikaka.

⁷ Kutani ha tshembha leswaku Hosi yi ta katekisa un'wana na un'wana wa n'wina. Ndza switiva leswaku timbilu ta n'wina ti tele hi ntsako, ti langutele ku Vuya ka Hosi. Na ya mina, yi le ku tlulatluleni, ku vona swilo loko swi humelela hi ndlela leyi swi nga xiswona. Ni—ni ku ti karhata ka tiko, na xiyimo lexi kereke yi nga eka xona, ni ku vona tisayini ta ku Vuya ka Yena, havumbirhi enyameni nale ximoyeni, ni ku tiva leswaku nkarhi lowu wa ku Humelela ka Yena wu fikile, ntsena wu tata timbilu ta hina hi ntsako hi ku tiva leswaku hi ta ncinciwa eka rin'wana ra masiku. Hi ya eku ncinciweni kusuka eka swivumbiwa leswi hi nga eka swona.

⁸ Sweswi, ndza pfumela, loko ndzi swi twisia, va khwecete eka tqihingho kun'wana, leswaku Hungu leri ri ya ePhoenix nale—nale ka swiphemu swo hambana, hi riqhingho. Kutani sweswi ha tshembha leswaku loko sweswo swi ri tano... a ndzi switivi; ntsena ndzi byeriwe sweswo loko ndzi nga se nghena. Kutani—kutani vanhu hinkwavo lava nga ehandle lahaya va le ku tipheneni hi rihanyo ra kahle na—na ku Kwetsima ka Hosi ehenhleni ka vona.

⁹ Kutani sweswi—sweswi hi ta pfula Rito ra Hosi. Kutani lexi xi endlaka leswaku hi va lahwani hinkwerhu i kuva hi ta tiphina ni ku xiyaxiya leswi hi nga eka... A hi—a hi tanga lahwani kutani hi ta... Ku hava na un'we loyi a swi tiva leswaku munhu un'wana na un'wana u ta va a tshame laha ku hisaka hi ndlela ley, kumbe ntsena kuva na miehleketo ya ku tiva leswi hi telaka swona lahwani. Hi kona lahwani hi xikgomelo xin'we, xa kuva, "hi famba ekusuhi na Xikwembu." Hi swona hinkwaswo hi nga swi endlaka, i ku va hi pfumela Hosi Yesu leswaku u na hina. Kutani hi kona lahwani ku—ku famba ekusuhi na Yena.

¹⁰ Sweswi ku hisa loku ka ndzi tikela nyana. Ndzi matoloverile mahiselo ya lawa yo oma lahaya eTucson, laha ku nga... Mberha ley i nga lahwani sweswi; ku hisa loku ku nga lahaya ku hisa kutlula loku, kambe ku omile. Mberha ya hina nkarhi wun'wana yi va makume mbirhi eka phesente yin'we, kumbexani, swin'wana swo kotisa sweswo, ntsena hakanyingi

swi fana niku hanya endzeni ka tende ra oksejeni. Kambe lahawani wu na—na—na ndzhongho eka wona, nakona wu mi endla mi va na matwele “yo tshikeleleka,” tani hilaha hi tolreveleke ku swi vurisa xiswona. Swingaleswi swa mi tikela, swingaleswi ndza switiva sweswo, na n’wina vamanana mi nga na swihlangi leswi ntsongo na n’wina vanhu lava mi nga yima kunene, lavakulu ni lavantsongo, kutani mi vekiwa kun’we tani hilaha mi nga xiswona. Kutani sweswi ha—ha tshembha leswaku Xikwembu xi ta mi hakela hi rifumo hikokwalaho ka ku tinyikela ka n’wina.

¹¹ Ndza switwisia leswaku Makwerhu Roy Borders u kona kun’wana lahawani. Ndzi n’wi twile loko a tivisa, kambe ndza pfumela leswaku swi nga ha endlekta a nga nghenanga. Hi swona. Hi yena mininjhore wa tinhlengeletano.

¹² Swingaleswi nakambe hi lava ku tivisa leswaku un’wana loyi a hi tolrevele kuva na yena u fambile ku ya va na Hosi mixo lowu, wanuna, Makwerhu Jackson wo huma eSturgis, Michigan. Ku hava na un’we loyi a tivaka hilaha a nga fambisa xiswona kumbe leswi swi nga endlekisa xiswona. Ntsena a ri kahle, kutani u lo na swipfuketani...ndzi pfumela leswaku va lo n’wi kuma a lovile, kumbe swin’wana. A ndzi—ndzi kalanga ndzi kuma vuxokoxoko bya swona hi xitalo. Nakona hi khensa Xikwembu swinene hi Makwerhu Jackson hi laha a ri Mukreste hakona. A ndzi n’wi vonanga malembe yo tala, kambe a tshama exikarhini ka hina nakona a ri un’wana wa hina. Xikwembu a xi wisisi moyo wa yena wo saseka! Mafambelo yo kotisa ya lawa, hi pfumela leswaku kumbexani sweswo hi swin’wana, leswaku a wu ri nkarhi wa yena wo famba. Hosi a yi kalanga yi hi tshinya ha swona, kumbe yena ha rona, u lo tifambela ntsena. Yaleyo i ndlela leyi yi ngava xiswona. Kutani ndzi lava ku foyinela nsati wa yena hi ku hatlisa hilaha ndzi nga ta kota ha kona, kutani ni n’wi byela ku vaviseka ka hina. Kutani hinkwerhu hi lava ku khensa Xikwembu hikokwalaho ka vutomi bya yena lebyo saseka bya Xikreste, ni leswi a swivula lahawani emisaveni, kutani ngopfu-ngopfu hina eka nhlengeletano leyi ya kwala ndhawini ya leyi.

¹³ Sweswi vusiku lebyi, ndzi tivisile leswaku ku tava na xikhongelo xa vavabyi vusiku lebyi, kutani ndzi ta vulavula swotala hi vavabyi vusiku lebyi.

¹⁴ Kambe eka lowu nkarhi, a hi nghenenii hi kongoma eRitweni sweswi, hikuva ku tele nakona ka hisa. Hi ta namba hi kongoma eRitweni. Ndzi lava ku hlaya tindhawu timbirhi ta Matsalwa mixo lowu, hi ku lehisa, leswaku swi ta kota ku ndzi nyika masungulo nyana eka leswi ndzi lavaka ku swivula.

¹⁵ Kutani, sweswi, ndzi navela leswaku va nga yi khoma thepi, Makwerhu Sothmann na vona, va nga se yi xavisa, loko swi nga

koteka, kutani ndzi—ndzi tsakela ku yi yingisela yi nga se... hangalasiwa yi yisiwa evanhwini.

¹⁶ Sweswi eka... Ndzi lava ku hlaya eka Vafilipiya, kuavanyisa ka vu2, 1 ku fika eka 8; na Vakorinto va Vumbirhi 3, hi sungula hi 6, kutani hi hlaya eka kuavanyisa ka vu4 ka Vakorinto va Vumbirhi, leswaku hi kuma masungulo. Sweswi eka Vafilipiya, kuavanyisa ka vu2, ndzi ta yi hlaya kusungula.

Hi naga se hlaya, a hi khongeleni.

¹⁷ Hosi Yesu, Rito ra Wena ri Ntiyiso. Kutani eka awara leyи ya mikitsikitsi leyи hi hanyaka eka yona, tiko ri pfukela rin'wana, ya mintungu, ku ningnika ka misava eka tindhawu to tala, timbilu ta vanhu ta hluleka, ta chava, ha ri vona voko leri ri tsalaka ekhumbhini. Sweswi, sweswo swi le ka rifuwo ra ntumbuluko, leswaku misava hinkwayo yi fanele ku swi vona leswi. Kambe sweswi ku na rifuwo ra ximoya, nakona, kutani hi vona leswikulu leswi swi humelelaka, kutani hi lava ku vulavula hi swona namuntlha.

¹⁸ Katekisa Rito ra Wena etimbilwini ta hina. Ha switiva leswaku kuhava munhu eTilweni kumbe emisaveni loyi a faneleke hi ku teka Buku leyи, ku ntshuxa Swilemo, kumbe ku Yi languta, hambi swi ritano. Kambe ku na Un'we loyi a humelelaka, Xinyimpfana lexi nga dlayiwa, lexi nga na ngati, lexi xi taka xi ta teka Buku, kutani xi ringaneriwile niku kota ku Yi pfula. O Xinyimpfana xa Xikwembu, pfula Rito ra Wena ri nghena etimbilwini ta hina namuntlha, ku ta chavelela. Hi malandza ya Wena. Hi rivaleli swidyocho swa hina, Hosi. Kutani nchumu wun'wana na wun'wana lowu wu nga ta sivela Rito leswaku ri ya emahlweni hi matimba lamakulu ni minkucetelo namuntlha leyи yi nga evuton'wini bya hina, wu susi, Hosi, xin'wana na xin'wana lexi xi sivelaka, leswaku hi nga hava na mpfumelelo lowu wu hetisekeke eka minkateko hinkwayo leyи hi nga tshembhisiwa yona hi Rito ra Wena. Ha swi kombela hi Vito ra Yesu. Amen.

¹⁹ Vafilipiya 2.

Hikwalaho, kungaku loko ku chavezela ku ri kona ka Kreste, ni loko rirhandzu ri ri kona leri tiyisaka timbilu, niku hlangana ka Moya, niku tsetselelana ni tintswalo,

Hetisani ku tsaka ka mina, mi va niku twanana lokunene, ni rirhandzu rin'we, ni moya wun'we, niku anakanya ku—ku n'we.

Mi nga endli nchumu hi ku kanetana, hambi kuri hi ku tidzunisa ka swa hava, kambe un'wana ni un'wana, hi ku titsongahata ka yena, a anakanye leswaku van'wana va n'wi tlula hi vunene.

Un'wana ni un'wana a nga tshuki a hlayisa leswi nga swa yena ntsena, kambe a hlayise ni swa van'wana.

Mi va niku anakanya loku ngi ku ri ka Yesu Kreste:

Loyi hambi a ri ni xivumbeko xa Xikwembu, a nga anakanya ku tiyisa kufana ka yena na Xikwembu:

Kambe u titshangurile hi ku teka xiyimo xa nandza, a tiendla la fanaka ni vanhu:

Kutani loko a kumiwe a fana ni munhu, a titsongahata, a va a tiendla la yingisaka ku yisa ku feni, ni le ku feni ka xihambano.

²⁰ Sweswi loko hi nga pfula eka Vakorinto va Vumbirhi, kuavanyisa ka vu3, hi ta sungula hi vhese ya vu6, kutani hi swi hlaya leswi ku ya fika eka ya vu18, ni ku rhelela ehansi eka xiphemu xa kuavanyisa ka vu4.

Kambe matimba ya hina ma huma ka Xikwembu, xi nga xona lexi hi nyikeke matimba ya ku tirhela ntwanano lowutshwa, wu nga ri wa letere, kambe wu ri wa moyo: hikuva letere, rona ra dlaya, kambe moyo wa hanyisa.

Kambe loko mintirho ya rifu leyi tsariweke hi maletere lama vatliweke maribyeni, yi ri niku vonakala lokukulu, hi mukhuva wolowo vana va Israel va tsandzekile ku languta Muxe, hikwalaho ka ku vangama ka mombo wa yena; kasi a kuri ku vangama loku ngi kuri niku hela:

Ntirho wa moyo wu ni ku kwetsima loku tlurisaka ngopfu?

Hikuva leswi mintirho ya ku avanyisiwa a yi ri niku kwetsima lokukulu, mintirho ya leswo lulama yi ta tlurisa hi ku kwetsima loku hlamariska.

Kunene, leswi ngi swi ri ku kwetsima eku rhangeni, a swa ha ri na ku kwetsima, loko swi xaxametiwa niku kwetsima loku hundzisaka ngopfu.

Hikuva leswi nga ta hela, loko swi ri ni ku kwetsima, ngopfu-ngopfu ku ta... kwetsima leswi nga ta tshama.

Hikwalaho-ke, leswi hi nga ni ku langutela loko tano hi boheka hi vukulu...hi vulavula hi ku tshembha lokukulu.

Kutani a hi endli ku kota Muxe la nga tifihla emahlweni hi xisirhelelo, leswaku vana va Israel va nga tshuki va languta makumu ya leswi helaka.

Kambe ku anakanya ka bona ku nonohwisiwile: hikuva ku fika sweswi, loko va hlaya timhaka ta ntwanano wa khale, xisirhelelo lexo xa ha tshamile, xi nga suki, hikuva xi nga susiwa hi Kreste ntsena.

Kambe, ni sweswi, loko ku hlayiwa timhaka ta Muxe, xisirhelelo xa ha sirhelela timbilu ta bona.

Kambe siku va nga ta hundzukela eka Hosi, xisirhelelo xi ta susiwa.

Hosi i Moya; kutani Moya wa Hosi... laha Moya wu nga kona, ku ntshuxeka ku kona.

Hina hinkwerhu lava hlalelaka hi xivonivoni ku kwetsima ka Hosi, hi mahlo lama nga sirheleriwangiki, hi hundzukile xifaniso xi ri xin'we na yena, hi ku kwetsima loku yisaka eku kwetsimeni, ku nga hi Moya wa Hosi.

Hikwalaho, leswi hi nga ni ntirho wolowo hi tintswalo leti hi ti nyikiweke, a hi heli mbilu;

Kambe hi lahle xilo lexi fihliwaka, lex a tingana, a hi fambi hi mano, a hi pfanganyeti rito ra Xikwembu; kambe, hiku veka rivaleni entiyiso, hi tiendlela ku yimeriwa etimpfalweni ta vanhu hinkwavo, emahlweni ka Xikwembu.

Kambe, ku ngaku loko Evhangeli ya hina yi fihliwile, yi fihleriwa lava lovaka:

²¹ I ngaku Hosi yi nga engetela minkateko ya Yona eku hlayiweni ka Rito ra Yona!

²² Sweswi, dyondzo ya mina mixo lowu, ndza tshembha leswaku Xikwembu xi ta swi paluxa leswi. Kutani nkarhi wun'wana na wun'wana, loko n'wina mi nga ta teka tithepi mi ti yingisela, nakona ndza tshembha nik u kholwa leswaku—leswaku mi tava ni matwisiselo ya ximoya ya leswi Xikwembu xi swi ringetaka ku swi nghenisa eka Kereke handle ka ku swivula ehandle. Wa vona? I nchumu, nkarhi wun'wana, hi fanele ku vula swilo hi ndlela ya ku swi nga ha kandziyeriwa, swi fanele ku tisa van'wana lava va nga ta humela ehandle, van'wana va hanya, kutani van'wana va ya—ya—ya hlengeletana kun'wana. Kambe sweswo swi endliwa hi xikongomelo. Swi fanele ku endliwa hi ndlela yaley.

²³ Swi nga endleka ku ri na un'wana loyi a nge, “U vula leswaku Xikwembu xi ta endla sweswo hi xikongomelo?” Hakunene Xi swi endlile. Xa ha swi endla na sweswi.

²⁴ U teri siku rin'wana, loko A tava A rhendzeriwile hi magidigidi, A ku, “Handle kaloko mi nga dya Nyama ya N'wana wa Xikwembu, kumbe N'wana wa munhu, nik u nwa Ngati ya Yena, a mi na Vutomi eka n'wina.”

²⁵ Xi ngava xi ri xitatimendhe xa njhani lexi miehleketaka leswaku dokodela wa mirhi kumbe muongori, kumbe munhu un'wana na un'wana loyi a nga dyondza a nga ehleketa hi xitatimendhe xo kotisa xexo, eka Wanuna loyi a ri na ministri wo kotisa lowu A ri na wona? Hikokwalaho ka yini, a nga ku, “Dyanani nyama? Sweswo i vukhema! Ku nwa ngati ya munhu? I vuvhemphaya! Hi marito yan'wana, U hi lava leswaku hi

vamakhema na tivhemphaya.” Kutani vayingiseri hinkwawo va famba va hambana na Yena.

²⁶ Kutani a kuri na nhlangano wa vafundhisi lava a vari na Yena, va makume nkombo, lava va nga hlawuriwa. Kutani U hundzulukele eka vona, kutani A ku, “Xana mi ta ehleketa yini loko mi ta vona N’wana wa munhu loko a tlhandlukela ehenhla laha A humaka kona xana?” Sweswi, A nga swi hlamuselanga sweswo. A nga swi hlamuselanga leswaku *njhani*; Paul u swi endlile sweswo endzhaku. Ntsena u lo Swi vula. Wa vona? Kutani loko leswi, A ku, “Mi ta ku yini,” eka vafundhisi lava, “loko mi vona N’wana wa munhu a tlhandlukela ehenhla laha A humaka kona xana?”

²⁷ A swi kanakanisi leswaku vanhu va vona va teri, “Sweswi, wa nga yima nyana. Oho, hi dya na Yena. Hi njovela na Yena. Hi etlela na Yena. Hi—hi tiva laha A nga tswaleriwela kona. Hi vonile na ntehe lowu A—A phutseriwa ha wona. Ni hilaha Wanuna loyi... Loku i ku vulavula loku ku tikaka.”

²⁸ Kutani Bibebe yi teri, “A va ha fambanga na yena nakambe.” Va N’wi siyile.

²⁹ Kutani A sala ni lava va khume mbirhi. U hlawurile va khume mbirhi, kutani un’wana wa vona a ri javulosi, U vule tano. Swingaleswi A hundzulukela eka vona.

Nakona ku hava na un’we loyi a nga hlamuselaka leswi A nga swi vula. “Xana a va ta dya njhani Nyama ya Yena ni ku nwa Ngati ya Yena xana? Nakona U xikise ku yini ehansi, loko A tswaleriwe kona kwala emisaveni?” Wa vona? A va nga Ri twisisi.

Kutani A hundzulukela eka vaapostola, kutani A ku, “Mi lava ku famba na n’wina xana?”

³⁰ Kwalaho hilaha Muapostola Petro a endleke xitatimente lexikulu xa ku, “Hosi, xana hi taya eka mani?” Wa vona? “Hikuva ha enetiseka. Ha switiva hakunene leswaku Wena, nakona Wena ntsena, u na Rito ra Vutomi ra awara leyi.” Wa vona? “Nakona ha enela ha sweswo.” Wa vona, a va nga ta swikota ku Ri hlamusela. Vona...

A wu nge swikoti ku hlamusela ripfumelo. Ro va swin’wana leswi u swi pfumelaka, nakona swi tiyile laha ku pfumalekaka leswi swi nga tekaka ndhawu ya swona.

Swingaleswi, a va ri tiva Rito leri ri nga tsariwa ra nguva yaleyo a va hanya eka yona, hi nguva ya Mesiya, leswaku hakunene Yena wa ringanelu eka ndhawu yaleyo. Nakona xana va nga tlhelela njhani endzhaku eka ku titimela ka vona, tikereke ta ximfumo leti va humaka eka tona xana? Va ku, “Xana hi taya kwihi?” Wa vona? “Hi swi amukerile hi ku hetiseka leswaku U na Rito ra Vutomi.” Wa vona? Nakona a va—va nga ta Ri hlamusela, kambe a va Ri pfumela. Wa vona?

³¹ Kutani Yesu u teri loko a hlakula nhova ya ntshungu wa Yena, wa vona, ku fikela laha A hlengaletaka ntlawa wa yena kun'we. Kutani lava va humaka eka vanhu lava, vona, a kova ntsena khume n'we wa vona lava a va swi twisisa leswaku Yena a ri Mani. A va swi tiva leswaku A ri Xikwembu, nakona Xikwembu ntsena. Sweswi, i . . .

³² Dyondzo ya mina mixo lowu i ya ku paluxa, kumbe, ku funungula Xikwembu xexo.

³³ Xikwembu minkarhi hinkwayo, eka nguva yin'wana na yin'wana, xi ti tumbetile endzhaku ka xifunengeto, eka tinguva hinkwato, kambe a Xi ri Xikwembu nkarhi hinkwawo. Wa vona? Kambe Xi tshame xi ti tumbetile xona N'winyi eka misava, kutani xi tipaluxa xona hi Xoxe eka Vahlawuriwa va Xona, tani hi vaapostola hi siku lero. Sweswi, xexo a kuri Xikwembu xi vulavulaka ha Kreste.

³⁴ Sweswi, munhu minkarhi hinkwayo, a wu ri ntumbuluko wa munhu, a ehleketa ku xi vona (hi nyama) Xikwembu xexo. Minkarhi hinkwayo a lava ku Xi vona. Munhu u endlile swivumbiwa leswi swi langutekisaka ku kotisa Xona. A va ehleketa hi . . . Makula ya gandzela dyambu. Kutani—kutani hi kuma leswaku, eAfrika, kuna swivumbeko swo hambanana swa swiharhi, ni kuya emahlweni. Na le e . . . timhandzini ta ntumbuluko eAlaska, na—na swivumbeko swo hambanana leswi va ehleketa leswaku Xikwembu xi le ndzeni ka swona. Tani hi laha Paul a vuleke lahaya eAthens hi nkarhi walowo, exigangeni xa Mars, a va byela leswaku va na ripfumelo-hava eka Xikwembu lexi xi nga tivikiki, leswaku, va swi tivile leswaku A ri kona kwalahaya kambe hambi swi ri tano a va N'wi tivanga.

³⁵ Kutani hi kuma leswaku hambi kuri endzhaku tani hi Yobo. Yobo a switiva leswaku a kuri na Xikwembu. A swi tiva. A kuri hava xivumbiwa xa—xa—xa ximunhu, eka miehleketo ya vona leyi nga tshamiseka, kambe leswi a va switiva a kuri leswaku ku fanele ku ri na Xin'wana kun'wana. Kutani, sweswi, Yobo u lave ku vulavula na Xona.

Kutani ndzi mi lava leswaku mi lemuka xivumbeko lexi Xikwembu xi nga xi hlawula leswaku xi ta vulavula na Yobo xi ri eka xona. Xikwembu a xi ti funengetile loko Xi vulavula na Yobo. A Xi ti funengetile eka xihuuhuri, xi xikela ehansi hi xihuuhuri. Ma pfumela leswaku Xikwembu xa ha ta hi xihuuhuri xi nga ha ta laha mi nga ta xivona? [Nhlengeletano yi ku, "Amen."—Muhleri.]

³⁶ Ku na votala lava va nga tshama lahwani, nhlayo yo tala, lava a va ri na hina siku rin'wana loko Xi tata xi ri eka xihuuhuri. Va hi byerile siku ri nga se fika, Makwerhu Banks Woods na vona, loko Xi teri, "Rhawalela ribye leri, u ri hoxa emoyeni, kutani i ku, 'HI LESWI HOSI YI SWI VULAKA! U ta swivona.'" Kutani ndzi rhwalerile ribye, ehenhla ka ntshava,

ndzi ri hoxa ehenhla emoyeni, kutani...hikuva, ku enhlela ehansi, ku sungurile xihuhuri, wa vona, ku kukula ka xona.

³⁷ U fanele ku endla swin'wana leswaku xin'wana xi ta kota ku swi landzelela. Yesu u tekile xiphemu xa xinkwa a xi phema, kutani a xi andzisa xi tala kusuka eka xiphemu xexo xin'we. U tekile mati, a ma chela eka xikotlola. Eliya u tekile munyu, a wu chela emiteni; a tsema nhonga, a yi hoxa ematini. Hi swin'wana swa xikombiso.

Kutani loko ndzi rhwalerile ribye leri niku ri hoxa emoyeni, kutani loko ri vuya ehansi ku sungula xihuhuri.

³⁸ Siku leri ri tlhandlamaka, hikokwalaho ka yini, a kuri na muvuri wa rito loyi a ri na hina eka rendzo ro hlota. A yimile ekusuhi, kutani a ku eka mina, "Xana Hosi yi swi humesisa xileswi swivono, Makwerhu Branham?"

³⁹ Ndzi ku, "Ina, kambe hi ntolovelu ndzi ta lahawani ku ta wisa." Kutani xikan'we-kan'we xivono xi ta.

⁴⁰ Kutani Makwerhu Borders, ndzi ehleketa leswaku u le handle sweswi, a ri kona. Makwerhu Banks Wood, ndza ehleketa, nakona, oho, votala a va ri ehenhla kwalahaya, nhungu kumbe khume. Kutani Makwerhu Banks Wood a swi hlalerile leswi. Kona entshaveni, ku tsemekanya kwalahaya, hakunene, kwalomu ka hafu ya mayile laha Tintsumi ta nkombo ti nga humelela, laha ndzi nga suka lahawani ni ya lahaya ni yela swona, laha ti nga vuya ti ta vula...hi Swilemo swa Nkombo. Ntsena kwalomu ka hafu ya mayile kusuka kwalahaya.

⁴¹ Kutani hi siku leri tlhandlamaka, loko leswi swa ha ya emahlweni, hikokwalaho ka yini, ku...Ndzi teri eka makwerhu, makwerhu loyi, ndzi ku, "U karhatiya hi yini, u na aleji etihlwени ra wena. Vadokodela va ringetile malembe yo hlaya ku ri yimisa kambe va hlulekile. Va teri u ya eku...yi ta dya tihlo ra wena ri suka." Kutani ndzi ku, "Kambe u nga vileli, Hosi Yesu u xiximile ripfumelo ra wena." Kutani a tshika xibalesa xa yena xi wa. Kutani ndzi ku, "manana wa wena," ntsena leswi a ri xiswona ni leswi swi nga hoxeka ha yena.

Kutani hiloko a ku, "Walowo i ntiyiso."

⁴² Makwerhu Roy Roberson kusuka kwala ekerekeni, u kona u yimile, ndza pfumela leswaku votala va n'wina ma n'wi tiva. Ha switiva leswaku i munhu wa khale eritweni, ni kuva a tiva leswi swi nga ta humelela, ndzi tlhandlekile voko ra mina ekatleni ra yena; ndzi ku, "Makwerhu Roberson, u tivonela, u langutisa, swin'wana swi lava ku humelela."

⁴³ Ndzi tlhelerile endzhaku ku ya laha a ndzi fanele ndzi yime kona, kutani ku humelela xihuhuri lexi humaka emoyeni, ku ya ehansi egojini, xi suka ehenhla, xexo a xi ri lexikulu ku kondza xi handzula matamba, nhungu kumbe khume ra ti inchi kuya endzeni, kusuka ehenhla ka ntshava, kutani xi ma hoxa

kuringana majarata ya madzana mambirhi. Ni ku phakata ka nharhu tani hi sweswo, kutani Rito ri ta ri huma eka xona. Wa vona?

⁴⁴ Kutani hinkwavo ka vona a va yimile kwalahaya. Makwerhu Banks, u kona kwala sweswi, u tile a ta ku, “Sweswo hi leswi a wu ndzi byela hi swona tolo xana?”

Ndzi ku, “Ina, nkulukumba, hi swona sweswo.”

A ku, “Sweswi, xana Ri te yini?”

⁴⁵ Ndzi ku, “Sweswi, sweswo i swa mina leswaku ndzi swi tiva, Makwerhu Banks, wa vona, hikuva a swi ri . . . A swi ta chavisa vanhu.”

⁴⁶ Kambe Xi yile emahlweni, xi humelerile ntsena swintsongo . . . xi ya en’walungwini. Swintsongo, endzhaku ka masiku mantsongo Xi bile elwandle, kutani mi swi vonile leswi swi nga humelela eFairbanks. A Xi ri xikombiso xa ku avanyisa. Sweswi hi kuma leswaku—leswaku Xikwembu xa ha . . . Ma swi vona, xi hoxa vanhu eka ku tshukisiwa. Kutani swingaleswi a va ri na . . . Sweswo a swi fanele ku humelela, wa vona. Ntsena a xi fanele ku humelela. Nchumu lowu wu faneleke ku humelela wu fanele ku humelela, hi ndlela yin’wana. Wa vona, wu ya eku humeeleni, hi ndlela yin’wana.

⁴⁷ Muxé nkarhi wun’wana u naverile ku vona Xikwembu, kutani Xikwembu xi n’wi byela ku yima ehenhla ka tambo. Kutani, etambeni, Muxé u yimile kutani a vona Xikwembu loko xi hundza, kutani nhlana wa Xona a wu languteka kukotisa wa munhu. Xikwembu a xi ri eka xihuhuri, nakona Xikwembu . . . loko Muxé a ha yimile etambeni.

⁴⁸ Ndza pfumela leswaku hinkwerhu mi xi vonile xifaniso lahaya siku rin’wana, hi ti seketerile hi tambo ro fana na lero. Kutani lahawani hi leri Rivoni lero, ku nga Ntsumi ya Hosi, kona kwalahaya Xi nga phakata kona. Yi yimile . . . Yi kona eka bodo ya bulletini lahaya sweswi, nakambe.

⁴⁹ Xiyisisani, Yehovha wa Testamente ya Khale i Yesu wa Testamente Leyintswa. Wa vona? Wa ha ri Xikwembu xexiya, ntsena o ti ncinka xivumbeko Yena.

⁵⁰ Sweswi, un’wana u teri siku rin’wana, mufundhis wa—wa—wa Baptist loyi a huma eTucson, “Xana u vula njhani loko—loko i ku Yesu na Xikwembu i Munhu un’we xana?”

⁵¹ Ndzi ku, “Kunene, swa olova loko ntsena u nga pfumelela ku anakanya ka wena ku famba, kutani u ehleketa hi Bibele ematshan’wini ya yona. I Swivumbiwa leswi swi nga swoxe. Xikwembu i Moya; Yesu i miri lowu a Xi ti tumbetile eka wona. Wa vona?” Ndzi ku, “Tani hi le kaya ra mina. Eka nsati wa mina, ndzi nuna wa yena. Kutani ndzi na xinhwenyetani lexintsongo, Rebekah, ndzi tatana wa yena. Nakona ndzi na xitukulwani, vito ra xona i Paul, ndzi kokwana wa xona. Ndzi nuna, tatana,

na kokwana. Kutani nsati wa mina a ngaka a nga ndzi vitani tatana kumbe kokwana; u ndzi vitana nuna wa yena a ri yexe. Na n'wana wa mina wa xisati a ngaka a nga ndzi vitani nuna wa yena kumbe kokwana; i n'wana wa mina. Wa vona? Kambe hambi swi ri tano vanhu lava va nharhu lava ka ha ri munhu un'we. Wa vona? Sweswo i Xikwembu; Tatana, N'wana, na Moya lowo Kwetsima, kova ntsena ku koxa loku ku hambaneke." Xikwembu i xin'we, Xikwembu lexi nga xin'we.

⁵² Xikwembu a xo ti ncinka xona hi Xoxe, xi ti ncinka xivumbeko xa Xona. Loko mi nga swi lemuka lahawani eka Vafilipiya, Xi teri, "Kambe u titshangurile hi ku teka xiyimo xa nandza, a teka *xivumbeko* xa vanhu."

⁵³ Sweswi, rito ra Xigriki lahaya ra *xivumbeko* xexo, a ndzi ri eku ri languteni siku hinkwaro ra tolo, ndzi ri karhi ndzi ehleketa leswaku ri njhani, ndzi kume leswaku, ku ta rito leri ri nge "en morphe." Ri peletiwa hi ndlela leyi e-n m-o-r-p-h-e. Loko hi languta hi Xigriki, ku kuma leswaku en morphe i yini...ndzi nga ha rivula hi ku hoxeka, hi xona xivangelo xa kuva ni ri peleta kunene, leswaku loko thepi yi ta humesiwa, vanhu va nga ha kota, vadyondzi va xikolo va nga kota, ku tiva leswi a—a ndzi swivula ha rona. Xona, loko en morphe, sweswo swivula leswaku Xa tincinca xona N'winyi. Xona, Xi xikele ehansi. Sweswi, rito ra Xigriki lahaya ri vula sweswo, leswaku, "Xin'wana lexi xi nga voniwiki, kambe xi ri kona, kutani xi ti ncincile laha tihlo ri nga swikotaka ku xi khoma." Wa vona?

⁵⁴ Tani hilaha Eliya a ri ha kona, eka Dothan. Wa vona, na—na nandza a ngaka a nga swikoti ku vona Tintsumi leti hinkwato ti nga kwalahaya, kutani Xikwembu ntsena xi lo tincinca; ku nga ri ku enhlisa Tintsumi ehansi, kambe Xi ncincile ku vona ka nandza. Kutani lahaya a kuri na tintshava leti a ti tele hi Tintsumi, na ndzilo, na tihanci ta ndzilo, na magolonyi ya ndzilo, hinkwaswo swi rhendzele muprofeta wa Xona. Wa vona, vona, Xa ti ncinka mavoniwelo. Nchu—nchumu khale wu ri kona kwalahaya.

⁵⁵ Swingaleswi, sweswo hi leswi ndzi ringetaka ku swivula, leswaku Xikwembu xexo minkarhi hinkwayo xi kona kwalahawani. Nchumu wun'we lowu Xi wu endlaka loko Xi va munhu, Xi ti ncinka maska ya Xona. Wa vona? Xona—Xona, en morphe leyi, Xa—Xa tincinca xona N'winyi leswaku Xi va leswi a xi ri xiswona kuya eka leswi Xi nga xiswona, kumbe maska ya Xona, nawu wun'wana.

⁵⁶ Ku kotisa eka drama leyikulu. Tani hilaha a ndzi vulavula hakona mixo lowu, maendlelo yo khoma leswi swa Shakespeare. I swa nkarhi wo leha. Kambe loko Shakespeare a tsala e—e—e drama, ku...hi King James wa le England, loko a... ximunhuhatwa xa Macbeth. Wa vona, Shakespeare a nga pfumeli eka valoyi; kambe eka ntlangu, kambe hosi a yi pfumela

eka valoyi, swingaleswi a fanele ku nghenisa valoyi. Wa vona? Kutani sweswi, hi ku endlela leswi, va ncincile vatlangi.

⁵⁷ Becky lahawani, *eCarmen*, va swi tlangile sweswo e—e xikolweni laha a nga ambala kona gaweni mavhiki mantsongo lawa ya nga hundza. Sweswi, swi nga ha endleka munhu un'we a t lange ka nharhu kumbe swiphemu swa mune. Hi ku endla sweswo, a—a ti ncinka maska ya yena. Nkarhi wun'wana loko a huma, u va ximunhuhatwa *lexi*; nkarhi lowu wu taka loko a huma, u ximunhuhatwa *xin'wana*. Kambe ka ha ri munhu un'we nkarhi hinkwawo.

⁵⁸ Kutani xexo i Xikwembu. Xa tincinca xona N'winyi kusuka—kusuka eka Langavi ra Ndzilo, xiva Munhu. Kutani xi ti ncinka hi Xoxe kusuka eka sweswo, xi tlhelela eka Moya nakambe, leswaku Xi ta kota ku tshama emunhwini. Xikwembu xi tirha emunhwini leswi hakunene Xi nga xiswona. Yesu Kreste, a kuri Xikwembu xi tirhaka eMunhwini, endzeni *ka* Munhu. Endzeni ka Munhu, sweswi hi leswi a Xi ri xiswona. Xi ti ncincile kusuka eka Langavi ra Ndzilo, kutani xi nghena endzeni; laha a kuri xifunengeto emananga, lexi xi nga tumbeta Xikwembu eka Israel. Muxe u vonile xivumbeko xa miri wa Xona, kambe hakunene a Xi ti tumbetile minkarhi hinkwayo endzhaku ka Langavi leri ra Ndzilo, laha a kuri Logos leyи yi nga suka eka Xikwembu.

⁵⁹ Sweswi ha swi kuma lahawani, sweswi kusukela eka Pentecost, Xikwembu a xa ha ri eku tirheni *endzeni* ka munhu, kumbe ku tirha... sweswi Xi le ku tirheni *hi* munhu. Wa vona? A Xi tirha *endzeni* ka Munhu ekusunguleni, ku nga Yesu. Sweswi Xi tirha *hi* munhu loyi Xi nga n'wi hlawulela xikongomelo lexi. Xikwembu, hi xivumbeko xa munhu, Xa tincinca xona N'winyi kusuka eka xivumbeko xa—xa...xa Xikwembu, ku ya eka xivumbeko xa munhu.

⁶⁰ Xi tile hi mavito ya nharhu, mavito ya nharhu ya vun'wana. Xi tile hi N'wana...hi vito ra N'wana wa—wa munhu, N'wana wa Davida, na N'wana wa Xikwembu; mavito ya nharhu ya vun'wana.

⁶¹ Sweswi, Xi sungurile xi ta ro sungula hi N'wana wa Da-... N'wana wa munhu, hikuva A ri Muprofeta. Sweswi, Yehovha hi Yexe u vitanile Ezekiel na vaprofeta, “n'wana wa munhu, xana u vona yini?” Yesu a nga kalanga a ti vula yena hi Yexe tani hi N'wana wa Xikwembu; U tivurile yena hi Yexe tani hi N'wana wa munhu, hikuva ma—ma Matsalwa ya ngaka ya nga tshoveki.

Ku hava lexi xi nga tshovekaka eka Matsalwa. Rito rin'wana na rin'wana ri fanele ri va tano. Yaleylo hi yona ndlela leyi ndzi yi pfumelaka. Yaleylo hi yona ndlela leyi Yi fanelaka kuva xiswona, ku ngari hi ku ndza yi pfumela, hikuva I Rito ra Xikwembu.

⁶² Sweswi loko mi nga swi xiyisia ekusunguleni, Rito rin'we, pheji yin'we eBibeleni, eka Genesa 1, hikuma leswaku

hinkwabyo... Vuvabyi hinkwabyo, maxangu hinkwawo, hinkwako ku pandza ka timbilu, ni hinkwaswo leswi swi nga tshama swi humelela eka ximunhu, swi te hikokwalaho ka munhu *un'we* kuva a nga pfumeli Rito *rin'we*, swi vange hinkwaswo leswi. Kwalaho i masungulo ya Bibele. Emakun'wini ya Bibele, Nhlavutelo 22, Xikwembu lexi xi fanaka xi teri, "Loyi a nga ta hunguta Rito *rin'we* eka Lawa, kumbe a engetela rito *rin'we* eka Yona." Wa vona, swi fanele swi va Rito hi Rito, ntsena hi ndlela leyi Yi nga xiswona.

⁶³ Swingaleswi, kutani, ntsena ku teka nchumu wu ntsanana tani hilaha ndzi ya ka... un'wana minkarhi hinkwayo u ya emahlwene na mina hikwalaho ka vavasati loko va boba misisi ya vona. Sweswi, eka mina, ntsena loko a ha endla sweswo, a ndzi na mhaka ni leswaku u kwetsime ku fika kwihi ni leswaku u tiva ku fika kwihi, u va a ha hoxile. U ambala swo koma na swiambalo leswi swo kotisa sweswo; a ndzi na mhaka na leswaku u endla yini, u yimbelela njhani, u chumayela kahle njhani, hambi a nga endla yini, i muxaka wihi wa vutomi lebyi a byi hanya, ka ha ri Rito *rin'we* lero ri nga tshoviwa. Wa vona? Wa vona, swi fanele swi va kuya hi Rito *rin'wana* na *rin'wana*. Ku ngari xivulwa; Rito, Rito *rin'we*! Swingaleswi, Bibele yi hava ku tolokeriwa kale xihundleni. Swi fanele kuri ku ya hi Rito na Rito, hi ndlela leyi Yi nga tsarisiwa xiswona. Hi fanele ku swi pfumela Sweswo.

⁶⁴ Nakona ku ngari ku Ri pfumela ntsena, kambe ku Ri hanya. Loko hi nga Ri hanya, swivula leswaku a hi Ri pfumeli; ho tivulela ntsena leswaku ha pfumela. Tani hi mina... Ku kongomisa endzhaku eka leswi ndzi nga swivula, vadyondzisiwa lava a va nga swikoti ku Ri hlamusela, kambe a va Ri pfumela, hi ndlela yin'wana, kutani va tivurile swidyocho swa vona kutani va swi tshika. Loko lavo tala va vona va fambela ekule na Rona, a va tshama na Rona! Va Ri pfumela! Yaleylo hi yona ndlela leyi hi yi endlaka. Yaleylo hi yona ndlela leyi mi fanelaka ku yi endla. Swi nga ri na mhaka ni leswaku un'wana u endla yini, ha Ri pfumela kutani hi endla ehenhleni ka Rona. Loko mi nga swi endla, swivula leswaku a mi Ri pfumeli.

⁶⁵ Sweswo xiyisisani sweswi tani hiloko Xi ta, a Xi fanele ku ta tani hi N'wana wa munhu, hikuva Matsalwa yo Kwetsima ya vule leswaku Xi tava tano, "Xikwembu xi ta va pfuxela Muprofeta." Swingaleswi Yena a nga ta ta hi ku ti vitana N'wana wa Xikwembu yena N'winyi, hikuva a ku ngari kona ku hela ka minkarhi. A ri N'wana wa munhu loko a profeta, ku hetisia, niku va paluxela swilo hinkwaswo leswi a nga swi endla, niku fananisa leswi Xona a xi ri xiswona. Swingaleswi Yena a ri emisaveni tani hi N'wana wa munhu.

⁶⁶ Langutani eka wansati yaloye wa Musamariya loyi a nga tsutsumela eka Yena, a fika a ku, "Wena N'wana Davida, ndzi twele vusiwana!" A nga kalanga a tlakusa hambi kuri ku tlakusa

nhloko ya Yena. A ngari na nfanelo yo N'wi vula N'wana wa Davida. A ri wa Matiko.

Swingaka swi nga endleki leswaku nhwana wa mina a ndzi vitana nuna wa yena; kumbe, nsati wa mina, tani hi n'wana wa mina wa nhwana. Hambi swi ri tano, hi yena n'wana wa mina wa n'wanhwana na nsati wa mina, i nhwana wa mina eka Evhangeli. Kambe, emisavemi, a nga na nfanelo yo—yo ndzi vitana tatana. Wa vona?

Sweswi xiyisisani, wansati loyi wa Matiko a ngari na nfanelo yo N'wi vitana N'wana wa Davida. Kambe bofu Bartimiya u swi endlile, wa vona, a ri Muyuda. Sweswi, U tile tani hi N'wana wa munhu.

⁶⁷ Mi fanele ku ma tiva marito lawa na swilo leswi. Langutani eka Hattie Wright hi nkarhi walowo, loko kuri ku Koka ka Vunharhu. Ma swi tsundzuka. Eka hinkwaswo, wansati yaloye u vule swa kahle. Mi fanele ku ri vula rito lero ra kahle, swa kahle eka Xikwembu.

⁶⁸ Xiyisisani sweswi, U tile ro sungula tani hi Muprefeta, nakona va N'wi vambile. Lava va nga va Yena va N'wi vambile. U tile tani hi N'wana wa munhu.

⁶⁹ Kutani endzhaku kaloko Moya lowo Kwetsima wu tile, A ri N'wana wa Xikwembu. Xikwembu i Moya. A ri Moya lowo Kwetsima, N'wana wa Xikwembu. U hanyile eka tinguva ta kereke tani hi N'wana wa Xikwembu.

⁷⁰ Sweswi, eka Miliniyamu, U tava a ri N'wana Davida, a tshamisile ehenhla ka Xiluvelo xa tatana wa Yena, Davida. Hi Yena N'wana wa Davida, sweswi.

⁷¹ Kutani, tsundzukani, exikarhi ka N'wana wa Xikwembu . . . Eka nguva ya kereke ya Laodekiya, va N'wi hlongorile. Kutani eka Luka, U teri U ta tipaluxa nakambe tani hi N'wana wa munhu, ku nga Muprefeta, a hetisisa hinkwaswo ka swona. Wa vona? Matsalwa ya boha kun'we hi ku hetiseka. N'wana wa munhu, N'wana wa Xikwembu, N'wana wa Davida. Xana a kuri yini? Ka ha ri Xikwembu xin'we nkarhi hinkwawo, ntsena xo ti ncinka xivumbeko xa Xona, en morphe. Ntsena Xo ti ncinka. I drama leyikulu eka Xona. Xi le ku yi tlangeni.

⁷² Xi tile tani hi N'wana wa munhu, ku nga Muprefeta. U swi endlile hakunene. Hambi ku ri wansati yaloye lontsongo eka vudyoho hinkwabyo bya yena, kwalahaya exihlobyen, u N'wi tivile. U teri, "Ha switiva leswaku Mesiya wa ta, loyi a vuriwaka Kreste, sweswo hi leswi A nga ta swi endla." Wa vona, u swi tivile hikuva a ri Mbewu leyi hlawuriweke. Kutani u . . .

Laha, votala va vona va nga Ri twisisangiki. A va ri hava leswi va nga swi tivaka. A va ri evudyohweni, ku sungula hi swona.

⁷³ Hikuva, mintirho ya Yena, A ti ncinca xivumbeko xa Yena. Swingaleswi U tile hi xivumbeko xa N'wana wa munhu.

Eka nguva ya marhifoma, Wesley, Lurher, naku rhelela ehansi, hi kuma leswaku a va swibohe kun'we, tani hilaha Vaisrael va swi endleke, ku fikela laha A humelelaka emasikwini ya makumu, eka nguva ya pentekostal, tani hi Moya lowo Kwetsima, va Ri arile. Va endle swo fana ni leswi swi nga endla hi Israel.

Nakona Yena u endla yini sweswi? U vuya tani hi N'wana wa munhu. Kutani swingaleswi, kusuka eka sweswo, N'wana wa Davida. Ma swi vona leswaku hi le kusuhi njhani? N'wana wa munhu, N'wana wa Davida, N'wana wa Xikwembu. U tipaluxile emasikwini yo hetelela tani hi N'wana wa munhu, kuya hi Malakiya 4, ni hinkwabyo vuprofeta lebyi fambelenaka na awara leyi. A ka ha ri naku tirhana na kereke endzhaku kaloko Yena... Va N'wi hlongorile; a va ehandle, a gongondza enyangweni. Mbewu yin'wana leyi yi nga hlawuriwa yi kona kwalahaya, hambi swi ri tano. U fanele a va fikelela.

⁷⁴ Kutani Xikwembu, eka munhu, xi tichulurile xona N'winyi. Joel 2:28, hi kuma leswaku, Xi teri, "Eminkarhini ya makumu, Ndzi ta chela, Moya wa Mina." Sweswi, loko mi nga xiyisia rito lahaya, rito ra Xigriki. Ndzi nga swivula hi ku hoxisa, kambe leri ndzi nga ta ri kuma...

⁷⁵ Mi ti vonela eka marito. Xitsonga nkarhi wun'wana xi na tihamuselo timbirhi. Ntsena tani hi rito leri nge, "xikwembu." Xikwembu xi tumbuluxile matilo na misava, Genesa 1. Kambe sweswi, eBibeleni, Yi teri, "Emasunguleni Elohim." Sweswi, Elohim, ra Xitsonga ri vula "xikwembu," kambe hi ntiyiso a ku ngari Elohim. Xin'wana na xin'wana xi nga hava xikwembu, eka rito xikwembu; mi nga ha endla xifaniso xa xikwembu; mi nga ha yi endla piyano yaleyo yi va xikwembu; mi nga ha endla xin'wana na xin'wana leswaku xi va xikwembu.

⁷⁶ Kambe a swi tano eka rito Elohim; Ri vula, "Loyi a hanyaka a ri yexe." Wa vona? Piyano yaleyo yi ngaka yi ngavi leyi yi hanyaka yi ri yoxe, ku hava xin'wana lexi xi nga hanyaka xi ri xoxe. Swingaleswi, rito Elohim, ri vula, "Loyi a tshamaka a ri kona." Xikwembu swi nga ha vula xin'wana na xin'wana. Ma ku vona ku hambana eka rito xana? [Nhlengeletano yi ku, "Amen."—Muhleri.]

⁷⁷ Sweswi, loko Ri ku lahwani leswaku Xi ti chulurile xona hi Xoxe, kumbe ku chela, sweswi, hi nga ha ehleketa xileswi, leswaku Xi "hlatile," rito ra Xitsonga ra ku chulula; kumbe ku chela loku ku humaka eka Xona, wa vona, swin'wana swi humile eka Xona leswi a swi hambanile kusuka eka Xona. Kambe rito kenos, hi Xigriki, a ri vuli leswaku Xi "hlatile," kumbe swin'wana... Voko ra Xona ri sukile, kumbe tihlo ra Xona ri sukile, munhu un'wana.

⁷⁸ Sweswo i ku, Xi tincincile xona N'winyi, Xi ti “cherile xona N'winyi eka swin'wana,” (Amen!), eka maska yin'wana, eka xivumbeko xin'wana. Ku ngari leswaku i munhu un'wana a nga huma eka Xona, loyi a vuriwaka Moya lowo Kwetsima, kambe A kuri Xona N'winyi. Ma swi kuma xana? [Nhlegetano yi ku, “Amen.”—Muhleri.] Xona N'winyi xi ti cherile xona N'winyi evanhwini. “Kreste loyi a nga eka n'wina!” Swi saseke njhani, swi kahle njhani, ku ehleketa hi, Xikwembu loko xi ti chela xona N'winyi eka ximunhu, eka mupfumeri. “Ku ti chela!” A kuri xiphemu xa drama ya Xona, ku endla sweswo.

Xikwembu, hinkwako ku hetiseka ka xona, hinkwabyo vukwembu bya Xikwembu a byi ri eka Munhu loyi, Yesu Kreste. A ri Xikwembu, nakona Xikwembu ntsena. Ku ngari munhu wa vunharhu kumbe munhu wa vumbirhi, kumbe munhu wo sungula; kambe i Munhu, Xikwembu xi ti funengeteke enyameni ya ximunhu.

⁷⁹ Timotiya wo Sungula 3:16, “Kunene xihundla xa vukhongeri hi lexikulu; hikuva X-i-k-w-e-m-b-u, Elohim” letere lerikulu X-i-k-w-e-m-b-u, endzeni ka Bibele. Yi swi kongomisa endzhaku, un'wana na un'wana. Yi kongomisa kona, eka yo sungula, Yi teri, “Elohim.” “Emasunguleni, Elohim.” Wa vona? “Kutani, Elohim, kunene xihundla xa Elohim hi lexikulu; hikuva Elohim u ti endle nyama, kutani hi N'wi khoma.” Elohim, a ti funengetile enyameni ya ximunhu! Yehovha lonkulu loyi a funengeteke xibakabaka hinkwaxo, nkarhi, na hinkwako, xi ti endle munhu. Hi N'wi khomile, Elohim. “Emasunguleni, Elohim. Nakona Elohim u ti endle nyama, a tshama exikarhi ka hina.”

⁸⁰ Yini? Leyi hi Yona ndlela ya Yena, swiphemu swa drama. Yaleyo hi yona ndlela leyi Xi nga ta yi tlangisa xiswona, ndlela ya Xona ya ku tipaluxa xona N'winyi eka hina tani hi munhu loyi a hambarneke. Hi va hundzi, nakona Xa swi tiva sweswo. Nakona ha twisia ntsena tani hi kuva hi ri vahundzi. Hi tiva ntsena tani hikuva hi ri vahundzi. Hi tiva ntsena tani hiloko switwi swa hina swi ta hi pfumelela ku swi tiva, kutani leswo tala swa swona hi fanele ku swi pfumela hi ripfumelo. Hi fanele kuvula leswaku ku na Xikwembu; hambi ha Xi vona, kumbe a hi xi voni, ha xi pfumela, hi ndlela yin'wana. Wa vona? Hambi xi kona kumbe a xi kona, ha xi pfumela hikuva Xikwembu xi vule tano.

⁸¹ Ku kotisa Abraham, a nga swikoti ku vona n'wana yaloye, a kuri hava swikombiso, a kuri hava vuyimani bya—bya Sarah, a kuri hava hambi kuri ku ya emasikwini kumbe swin'wana, kambe hambi swi ri tano Xikwembu xi vule tano. Ku tshembha hinkwako, hambi kuri xivelekelo xa yena—yena a xifile, na vutomi eka wanuna a byi nga hari kona, kutani xi—xi xinambyana xa vutomi bya yena a xi omile, na vutomi bya—bya wansati a byi omile eka yena. “Kambe hambi swi ri tano a nga dedelekanga eka xitshembhiso xa Xikwembu hi ku ka a nga pfumeli, kambe a tiya, a dzunisa, a ri karhi a switiva leswaku

Xikwembu xa swikota ku endla hinkwaswo leswi Xi nga swivula leswaku Xi ta swi endla.”

Ku na ndlela leyi hi fanelaka ku pfumela Rito lero namunthla. Xana swi ta endlekisa ku yini? A ndzi tivi. Xikwembu xi vule leswaku swi tava hi ndlela yaleyo, kutani sweswo swa swi tshamisisa.

⁸² Xana i mani Munhu loyi lonkulu loyi a nga voniwiki? Xana i mani Loyi Abraham a nga n'wi vona eka swivono? Ekuheteleleni, hambi leswi, A tikombiseke enyameni, n'wana a nga se fika. Xikwembu hi Xoxe xi tile eka Abraham hi xivumbeko xa munhu, hi nkarhi wa makumu. A tikombisa! U Xi vonile eka Layiti yintsongo nkarhi wun'wana; u Xi vonile eka swivono; u twile Rito ra Xona; tinhlavutelo to tala. Kambe ntsena ku nga se fika n'wana wa xitshebbiso, u Xi vonile hi xivumbeko xa munhu, kutani a vulavula na Xona, kutani a Xi phamela nyama na swo nwa. Wa vona? Xiyisisani, Xikwembu hi Xoxe xi ti funengetile enyameni ya ximunhu.

⁸³ Lexi i xiphemu xa ndlela ya Xona. Leyi hi yona ndlela leyi Xi tikombisaka hi yona xona hi Xoxe eka hina, ku kombissa Rito leri nga Heriki, Xikwembu, Yehovah a ti endla nyama. Ku kotisa eka Mukwetsimi Yohana 1, “Ekusunguleni a kuri na Rito, nakona Rito a ri ri na Xikwembu, kutani... Ekusunguleni a kuri na Elohim, nakona Elohim a ri... u vile Rito, nakona Rito a ri ri Elohim. Kutani Rito ri endliwile Elohim.” Wa vona? Ka ha ri nchumu wun'we, ntsena ku ti tlharhamula.

⁸⁴ Ku kotisa xihlawulekiso, wa vona, xi le ka Xikwembu. Xihlawulekiso i miehleketo ya n'wina. Xikwembu emasunguleni, lexi nga riki na Makumu, a Xi nga ri Xikwembu hambi swi ri tano. A Xi ri lexi nga riki na Makumu. A Xi nga ri Xikwembu; Xikwembu i xibye xo gandzela eka xona, kumbe swin'wana. Wa vona? Swingaleswi a Xi nga ri swona sweswo. A Xi ri Elohim, la nga riki na Makumu. Kambe endzeni ka Xona a kuri na miehleketo ya leswaku Xi lava kuva lexi xi khomekaka. Nakona xana Xi endlile yini? Kutani Xi vulavurile Rito, kutani Rito ri vile nhundzu. Hi xona hinkwaxo xifaniso xa kona, kusuka eka Genesa ku ya eka Nhlavutelo. A ku hoxekanga nchumu. I Elohim a ti endlaka nhundzu leswaku A ta kota ku khomeka, ku khumbheka. Nakona eka Miliniyamu, kuna Elohim a tshameke eXiluelweni, wa vona, hi swona sweswo, na ku fuma hinkwako ka Yena loku ku nga N'wi rhendzela, loku A ku hlawuleke ku nga se va na masungulo ya misava.

⁸⁵ Ku kotisa munhu loko a aka matliloko ya tibele kumbe a aka matliloko, muvumbi. Bele yin'wana na yin'wana yi fanele ku rila ku hambana na yin'wana. Hi swi tirhisiwa swo fana, kambe yiva yi tele ngopfu nsimbhi, yiva yi tele darata, yiva yi tele koporo, leswaku yi kota ku humesa “ku tllokola.”

⁸⁶ Yaleylo hi yona ndlela leyi Xikwembu xi nga yi endla. Xi tswarise loyi eka loyiwani, loyi eka loyiwani, loyiwani eka loyiwani, kufikela laha hakunene Xi kumaka leswi a Xi swi lava. Sweswo hi leswi Xi nga xikisa xiswona ehansi. Xikwembu xi ti funungula xona hi Xoxe eka Langavi ra Ndzilo ku ya ehansi eka vaprofeta, ku ya fika eka N'wana wa Xikwembu, laha, A ri Xikwembu. Wa vona, xa ha ri Xikwembu xin'we xi ti humesaka, kusuka eku hetisekeni ku ya eku hetisekeni, kusuka eku kwetsimeni kuya eku kwetsimeni. Yaleylo hi yona ndlela leyi Kereke yi fambisaka xiswona.

⁸⁷ Xiyisisani, kuya hi tinguva, a swi fana, ku ya hi vaprofeta va Xona, Xi ti paluxile xona N'winyi. Vona a va ngari vaprofeta hi ku hetiseka, a vari swikwembu. Xi vule tano. Hikuva, leswi a va swi vulavula a kuri Rito ra Xikwembu. A vari nyama leyi Xikwembu a xi ti tumbetile eka yona. A va ri swikwembu. Yesu u teri, hi Yexe, a ku, "Xana mi nga Ndzi sola njhani loko Ndzi vula leswaku Ndzi N'wana wa Xikwembu, ni nawu lowu wu nga wa n'wina wu vula leswaku lava Rito ra Hosi ri taka hi vona i swikwembu nyana?" Wa vona?

⁸⁸ Swingaleswi a kuri Xikwembu xi tivumbike emunhwini loyi a vuriwaka muprofeta. Wa vona? Kutani Rito ra Hosi ri ta eka munhu ya loyi, swingaleswi a nga ha ri muprofeta; muprofeta a ri xifunengeto, kambe Rito a ri ri Xikwembu. Rito ra munhu a ri ngevi na maendlelo ya lawa. Ma swi vona leswi ndzi swivulaka xana? Ri ngaka ri ngavi na maendlelo ya lawa. Kambe maendlelo a ya ri Xikwembu. Wa vona, A ri Rito ra Xikwembu hi xivumbeko xa munhu, loyi a vuriwaka "munhu."

Xiyisisani, a Xi kalanga xi ncinka ntumbuluko wa Xona, ntsena xivumbeko xa Xona. Vaheveru 13:8, yi teri, "Wa ha ri yena wa tolo, namuntlha, ni hilaha ku nga heriki." Swingaleswi A nga kali a ncinka ntumbuluko wa Yena loko Yena a ta. U tshama a ri Muprofeta yaloye, ku rhelela ehansi eka nguva, swa fana: u Rito, u Rito, u Rito. Wa vona? A ngaka a nga ncinci ntumbuluko wa Yena, kambe U tincinca xivumbeko xa Yena. Vaheberu 13:8, yi te, "Wa ha ri yena wa tolo, namuntlha, ni hilaha ku nga heriki." Xo ncinka maska ya Xona ntsena.

⁸⁹ Ku kotisa loko ndzi ncinka kusuka eka nuna, loko n'wana wa mina a tswariwile, kutani ndzi va tatana. Loko ntukulu wa mina a tswariwile, ndzi va kokwana. Wa vona? Kambe, mina a ndzi ncinci; kwalaho kuva—kuva ka ha ri mina. Wa vona? (Kutani kwalaho i Xikwembu.) Ntsena ndzo ncinka vu... Wa vona, ntsena swo ncinka xivumbeko xa wena. Wa vona?

Xiyisisani. Kutani ntumbuluko wu ncince jaha kuya eka wanuna, ku ya eka mukhalabya. Kutani hilaha mi nga kona, ma swi vona, ntsena mi ncinka xivumbeko xa n'wina.

⁹⁰ Sweswi, a wu nge swikoti ku vula nakulorhi lontsongo loyi a nga yima ehenhla lahawani, a ri na malembe ya khume ntsevu

hi vukhale, i ku i kokwana. A ngaka a ngavi yena. Xivumbeko xa yena xi fanele ku ncinciwa. Malembe ya ntsongo ya xi ncinka, kutani a va kokwani wa xinuna. Ma swi vona leswi ndzi swiviluka xana?

⁹¹ Kambe kuva ka ha ri Munhu un'we nkarhi hinkwawo, Munhu un'we, Xikwembu nkarhi hinkwawo. Hi ndlela leyi Xa tipaluxa xona N'winyi eka vanhu va Xona, hi ku endla leswi. Xiyisisani, ku ya hi nguva ya Langavi ra Ndzilo, Xi ti paluxile xona N'winyi eka vanhu va Xona. Hi nguva ya—ya Yesu, Xi ti paluxile xona N'winyi eka vanhu va Xona. Hi nguva ya Moya lowo Kwetsima, tani hi N'wana wa Xikwembu. N'wana wa Davida... Minkarhi hinkwayo xa tipaluxa xona N'winyi hi maendlelo ya lawa eka vanhu va Xona, ku endlela leswaku vanhu va Xi tiva. Xi ti funengetile endzhaku ka swin'wana, xiyisisani, hi ndlela yo fana, kumbe ntumbuluko wo fana, nkarhi hinkwawo.

⁹² Xikwembu xi ti funengetile endzeni ka Yesu, leswaku xi ta tirha ntirho wo kutsula exihambanweni. Xikwembu xi ngaka xi nga fi, tani hi Moya. Hi lexi Xi nga riki na Makumu. Kambe a Xi fanele ku ambala maska xi tlhela xi tlanga xiave xa ku fa. Xi file hakunene, kambe a Xi nga ta swikota ku swi endla eka xivumbeko xa Xona xa Xikwembu. A Xi fanele ku swi endla eka xivumbeko xa N'wana, tani hi N'wana wa munhu, emisaveni. Wa vona? A Xi fanele xi va xivumbeko xa N'wana. Kutani loko A vuya hi Pentekosta, A ri N'wana wa Xikwembu nakambe. Ma swi vona leswi ndzi swi vulaka? Ma yi kuma miehleketo leyi? A ri...

⁹³ A Xi fanele ku ta hi nyama ya ximunhu, ku...nakona ku ri hava munhu, ku ri hava ku tsakela ka timhaka ta masangu. Hikuva sweswo nakambe swa ha khorwisa xitatimente xa hina xa mbewu ya nyoka, wa vona, "timhaka ta masangu," hakunene i timhaka ta masangu. Ku ngari maapula; kambe timhaka ta masangu! Hi swona sweswo. Sweswo a swi fanele swi va tano. Tekelani enhlokweni lahwani, wa vona, hikuva munhu un'wana na un'wana wa kahle...Langutani vaprefeta lava endzhaku lahaya, kambe A fanele a tlula muprefeta. Wa vona? Hi ku endlela ku endla sweswo, A fanele a ta hi ku tswariwa hi wanhwana loyi a nga tiviki wanuna, ku kombisa leswaku ku tswala ka wanhwana ka khorwisa...A fanele a tswariwa hi ku tswariwa ka wanhwana, ku ta susa ndzhukano, ku nga Antidote. Ma swi vona leswi ndzi swiviluka xana? Swingaleswi, a swi fanele swi va hi timhaka ta masangu. U swi khorwisile hi ku ta Loku ku nga ka Yena; A nga tanga hi ku navela ka timhaka ta masangu, kambe hi ku tswariwa hi wanhwana loyi a nga tiviki wanuna. Kutani Xi tincincile maska ya Xona kusuka eka Yehovha kuya eka Yesu, hi ku endlela ku teka ntirho wo kutsula eka drama leyi A ri eku yi tlangeni, endzeni ka Xikwembu exihambanweni.

⁹⁴ Magriki ya lavile ku N'wi vona. Eka Mukwetsimi Yohana 12:20, votala va n'wina mi ndzi twile loko ndzi chumayela hi sweswo ndzi vula leswaku, "Vakulukumba, hi nga n'wi vona Yesu." Xana mi kale mi swi tekela enhlokweni sweswo xana?

⁹⁵ Sweswi, Magriki a vari va dyondzi, a vari vanhu va kahle. Nakona a vari ni—a vari ni—ni matitwele ya kahle eka Xikwembu, tani hilaha Paul a nga va chumayeleta exigangeni xa Mars. Kutani a va ri kona, va—va rhangerile—va rhangerile misava eka sayense na—na dyondzo, a va ri vanhu va kahle. Kambe a va gandzela niku pfumela eka vale hansi ni kuya emahlwени, tibuku ta vutshila na vutshila bya rilava-ntivo, ni kuya emahlwени.

⁹⁶ Kambe va—va—va kumeka va hakasiwa hi Wanuna Loyi a kotaka ku hanyisa vavabyi niku vula swilo leswi nga ta humelela, swi humelela. Kutani va kumeka va hakaseleka, swingaleswi va tile va ta N'wi vona. Sweswi, langutani hi vurhon'wana sweswi, swi nga mi hundzi leswi. Wa vona? Kutani va tile va ta ku eka Filipi, loyi a ri wa Bethsaida, "Nkulukumba, hi nga n'wi vona Yesu." Kutani Filipi na mudyondzisiwa un'wana va n'wi tisile eka Yesu, ku ta vona Yesu.

⁹⁷ Sweswi tekelani enhlokweni marito lawa Yesu a nga ya tlherisela eka vona, hikuva a vata va ta vona leswi Yena a nga Xiswona, kutani a va swi kotanga ku N'wi vona. Va vonile xivumbeko, kambe A ri endzeni ka tempele ya Yena. Xikwembu a xi ri endzeni ka tempele ya Xona, xi ti funungetile enyameni ya ximunhu. Xiyisisani marito lawa A nga ya vula, "Handle kaloko ndoho ya koroni yi nga wela ehansi, wa vona, yi fa, yi tshama yi ri yoxe." Wa vona? "Nkarhi wu fikile, na sweswi wu fikile laha N'wana wa munhu a nga ta dzunisiwa, wa vona, nakona U boheka ku hundza hikwala misaveni ya leyi. Kutani handle ka kuta ka nkarhi lowu, a mi nge swikoti ku Xi vona." Wa vona?

⁹⁸ Lahawani, hikokwalaho ka yini va nga swikoti ku vona Yesu? A ambarile maska. Xikwembu a xi ambarile maska. Magriki va lavile Xikwembu, kutani lahawani Xi ri kona, kambe a va nga swikoti ku Xi vona hikokwalaho ka xifunengeto. Kutani sweswo swa ha fana ni namunlhia, a va swikoti ku Xi vona hikokwalaho ka xifunengeto. Xi le xikandzeni xa vona. Magriki lava a va ambarile maska, kumbe Yesu a ambarile maska eka Magriki lava.

⁹⁹ Xiyisisani, U teri eka vona, "Handle ka loko ndoho leyi ya koroni yi wela ehansi emisaveni, yi tshama yi ri yoxe."

¹⁰⁰ Vona, a va nga swi twisisi leswaku njhani, hikokwalaho ka yini va nga swikoti ku N'wi vona. Lahaya a ku yimile munhu. Va tile va ta vona Xikwembu, kutani va vonile munhu. Wa vona? A va nga swikoti ku vona Xikwembu hikuva Xikwembu a xi ti funungetile eka vona. Sweswi hlayisani sweswo emiehlekeweni

ya n'wina, Xikwembu a xi tifunengetile endzeni ka munhu. Va nga ha ku, "Ku hava munhu loyi a nga endlaka mintirho ley handle kaloko ku ri Xikwembu. Ku hava munhu loyi a nga yi endlaka, nakona na hilaha lahawani ku nga yima munhu hambi swi ri tano mintirho ya Xikwembu yi kombisiwa ha Yena!" Wa vona, a va nga koti ku swi twisia leswaku Xikwembu xi ti funengetile.

¹⁰¹ Xi tifunengetile endzeni ka munhu, tani hilaha minkarhi hinkwayo a Xi tifunengetile. Kambe, A xi tifunengetile eka vona, a Xi ri endzeni ka tempele ya Xona ya ximunhu. Xikwembu a xi ri endzeni ka tempele ya ximunhu. Sweswi, mi ti vonela hakunene, sweswi wa ha ri Yena wa tolo, namuntlha, ni hilaha ku nga heriki. Wa vona? Xikwembu xi tifunengetile, xi ti tumbeta hi Xoxe eka misava, xi ti funengeta eka xivumbiwa xa ximunhu. Wa vona? Hi lexi Xikwembu! Magriki lava va ri, "Hi lava ku Xi vona."

¹⁰² Kutani Yesu a ku, "Ndoho ya koroni yi fanele ku wa yi fa." Mi fanele ku fa eka miehleketo ya n'wina hinkwayo. Mi fanele ku huma eka miehleketo ley i nga ya n'wina.

Tani hilaha vadyondzisiwa lava a va ri xiswona, a va nga swikoti ku hlamusela hi ku dya miri wa Yena ni—ni ku nwa Ngati ya Yena, kambe, wa vona, a va file eka swilo leswi. A va file eka Nawu, a va fele eka Kreste. A swi ngari na mhaka ni leswaku i yini, kumbe ku hlula loku a kuri eka Yena a ku languteka njhani, a va tshama va ri karhi va Ri pfumela hi ndlela yin'wana. Wa vona? Va nga ha swikota ku swi vona eka Munhu yaloye; Munhu loyi a dya, a nwa, a njobela, a etlela, hinkwaswo, u tswaleriwe kwala emisaveni, kutani a famba na vona, a vulavula na vona, a ambala mpahla ku kotisa hinkwavo ka vona, kambe yaloye a ri Xikwembu.

¹⁰³ Swingaleswi Magriki a va swi kotanga ku Xi vona, hikuva a Xi ti tumbetile eka vona, eka xivumbiwa xa ximunhu. Xiyisisani Rito ra Xona eka vona, "Handle kaloko ndoho ley i ya koroni yi nga wela emisaveni."

¹⁰⁴ Xikwembu xi ti funengetile eka xivumbeko xa munhu, xi ti tumbeta xona N'winyi eka ku vona ka vona. A va kota ku vona munhu ntsena. Kambe lava va nga Hlawuriwa khale va vonile Xikwembu. Un'wana u vonile munhu, loyi un'wana a vona Xikwembu. Wa vona? Nakona a kuri Xikwembu xi tifunengeteke eka xivumbiwa xa ximunhu, xi va endla havumbirhi ka vona leswaku va va kahle, kambe ripfumelo ra n'wina eka leswi mi nga swi voniki. Mi swi pfumelaka, hi ndlela yin'wana. Xikwembu xi tifunengetile eka xivumbiwa xa ximunhu. A Xi ri eka nyama yaleyo, nakona nyama yaleyo a yi ri xifunengeto xa Xona. Xifunengeto xi handzukile, wa vona, leswaku Xikwembu xi nga ha vonakarisiwa.

¹⁰⁵ Eka Testamente ya Khale, Xikwembu xi ti tumbetile loko Xa ha ri eka xitshamo xa Xona xa ndzivalelo; eka xitshamo xa ndzivalelo, hi xifunengeto. Eka Testamente ya Khale, Xikwembu a xi ri etempeleni ya Xona. Kambe vanhu va nghenile va ta gandzela tani hi leswi, kambe, tsundzukani, a kuri na nguvu (amen) leyi a yi tumbetile Xikwembu. A va switiva leswaku Xikwembu a xi ri kwalahaya. A va nga swikoti ku Xi vona. Langavi lero ra Ndzilo a ri kalanga ri humelela nakambe lahaya. Mi kale mi swi xiyisisa? Ku hava na nkarhi na wun'we eka Matsalwa, kusukela hi nkarhi lowu Langavi ra Ndzilo ri nga famba ri ya endzhaku ka nguvu yaleyo, leri Ri nga tshama ri kombisiwa nakambe, ku kondza laha Ri taka hi Yesu Kreste. Xikwembu a xi tifunengetile!

¹⁰⁶ Loko A tava a yimile emisaveni, A ku, “Ndzi huma eka Xikwembu nakona Ndzi ya eka Xikwembu.”

¹⁰⁷ Kutani Paul, (endzhaku ka rifu ra Yena, ku lahliwa, niku pfuka), endleleni ya yena yo ya eDamaska, a kuri na Langavi lero ra Ndzilo nakambe. Xana a ri Ri yini? Leri ri humaka endzhaku ka xifunengeto! Ku kwetsima a kuve eka Xikwembu!

¹⁰⁸ A ri endzhaku ka xifunengeto. Sweswi A ri endzhaku ka yini xana? Xifunengeto xa hlonge. Wa vona, “mazovo ya mintini,” endzhaku ka xifunengeto. Kutani loko xifunengeto xexo xi ta handzuka hi siku ra ku vambiwa, xifunengeto lexi A tifunengete hi xona xi handzukile hi siku ra ku vambiwa, xitshamo hinkwaxo xa ndzivalelo xi va erivaleni.

¹⁰⁹ Sweswi, Mayuda a va nga switwisisi hilaha Xikwembu xi nga va ka na tintswalo ehenhleni ka vadyohi, vanhu vo nyama vo kotisa hina. Kambe a va nga swikoti ku vona Loyi a rivalela, hikuva A tumberile. A ri endzhaku ka xitshamo xa ndzivalelo, hi le ndzeni, na madzovo ya mintini ya ncikinyhaka, ya Xifunengetile. Emahlweni . . .

¹¹⁰ Emahlweni, loko munhu un'wana na un'wana a famba endzhaku ka xifunengeto xexo, a kuri rifu ra xitshuketa. Amen. Oho, hi ta kuma dyondzo lahawani hi xinkadyana, wa vona, loko mi nga—loko mi nga Yi amukela. Ku famba endzhaku ka madzovo ya vona . . . Hambi ku ri un'wana wa vana va vaprista va swi ringetile ku swi endla nkarhi wun'wana, kutani u file. “Mi nga fambi endzhaku ka xifunengeto xexo.” Munhu loyi a famba endzhaku . . . Hikokwalaho ka yini? A ku ri hava ku kutsuriwa kwalaho, eka sweswo. Xi tumbetiwile. Xo va lexi nga tumbetiwa. Nakona xin'wana na xin'wana lexi xi nga *tumbetiwa* a hi xa ntiiyiso kwalaho, wa vona, ntsena lexi nga tumbetiwa. A kuri ku kutsuriwa . . . Xidyocho a xi funengetiwile, xi nga tshikiwanga . . . ku tshikiwa, kumbexani, a xi tshikiwanga. *Ku tshika i ku* “thala u hlongola.” Kutani ngati ya nyimpfu na ya timbuti a yi nga ta swikota ku swi endla sweswo, swingaleswi Yehovha a ti tumbetile endzhaku ka xifunengeto. Sweswi, endzhaku ka

xifunengeto lexi laha A ti tumbetile kona, ku nghena eka xona, wanuna a wa a fa, ku ringeta ku nghena eka Xona.

¹¹¹ Kambe kusukela hi Pentekosta, kusukela hi ku Vambiwa, loko nguvu yaleyo yi tava yi handzukile kusuka ehenhla kuya ehansi, eka rixaka lero... Yesu a ri Xikwembu xexo, xi ti funengeteke. Kutani loko A fa eXihambanweni, Xikwembu xi rhumerile ndzilo na rihat, kutani ri handzula nguvu yaleyo kusuka ehenhla kuya ehansi, leswaku hinkwaxo xitshamo xa ndzivalelo xivonakala erivaleni. Kambe a va ri mabofu ku Xi vona. Tani hilaha Muxé a nga vula lahawani, hambi leswi, kumbe... Paul u teri, loko a hlaya ha Muxé, “Loko Muxé a hlayiwile, hambi swi ri tano, nguvu yaleyo ya ha ri etimbilwini ta vona.” Oho, buti, sesi, sweswo hi leswi Vayuda va nga swi endla loko nguvu yi handzuka yi tisa Xikwembu xi vonakala erivaleni, xi nembelela exihambanweni. A ri erivaleni a voniwa hi mani na mani, kambe a va swi kotanga ku Xi vona.

¹¹² Xana swi ngava swi endleka leswaku na Vamatiko va ngava va endlile swo fana xana? O Xikwembu! Loko va tava va vile na tinguva ta kereke, ta N'wana wa Xikwembu; kambe sweswi loko xifunengeto xa tidinominexini leti na swin'wana, xifunengeto lexi xa ndzhavuko lexi hi nga na xona kusukela hi Pentekosta, loko mindzhavuko ya kereke yi tava yi handzukile, swilo leswi vanhu va nga swivula va ku, “Masiku ya masingita ya hundzile, na swilo leswi,” kutani Xikwembu xi susile xifunengeto xi suka eka Rona, kutani xi Ri tisa erivaleni, nakona va ha tilulamiserile ku Ri vamba nakambe, ntsena tani hi sweswo.

¹¹³ Xikwembu lexi xi tifununguleke, xivonakala erivaleni, a va fanele va Xi vonile loko xi yimile lahaya. Hambi leswi A tolrevelekile ngopfu, A ri munhu wa ntolovel. A va kotanga ku Xi vona. Wa vona, lahaya a ku yimile munhu. “Kunene,” va teri, “munhu loyi, U huma exikolweni xihi?” Kambe, tsundzukani, loko tlharhi lero ri ta tlhava miri wa Yena, Moya wa lowo wu N'wi siyile, tempele... switina swa gandzelo swi hundzuluka, kutani rihat, ri ba ehansi etempeleni ri handzula nguvu. Xana a kuri yini? A kuri Xikwembu xa vona xi nembelelaka eXihambanweni, nakona a va ri mabofu ngopfu ku swi vona.

¹¹⁴ Va N'wi tisa erivaleni, kutani hambi swi ri tano a va Xi voni! I mabofu. Xikwembu, xi tifunengetile endzeni ka xivumbiwa xa ximunhu!

¹¹⁵ Ma tsundzuka, U tlhelerile eka Paul endzhaku ka sweswo, na le ka Petro ekhotsweni, tani hi Langavi ra Ndzilo. Ma swi tsundzuka sweswo xana? [Nhlengeletano yi ku, “Amen.” — Muhler.]

¹¹⁶ Kambe emasikwini yo hetelela U fanele ku tlhela a vuya nakambe, kambe Langavi ra Ndzilo ri fanele ku vuyela endzhaku nakambe ku ta vonakarisa N'wana wa munhu, wa vona, ku kombisa Rito, ku nga ku Vonakala. Mindzhavuko, a yi ri tano,

yi ta suriwa yi suka. Ku hava lexi xi nga ta Ri karhata; swi ta endleka, hi ndlela yin'wana. Xikwembu ntsena xi ta handzula tidinominexini ta vona na mindzhavuko.

Xana i muxaka wihi wa Moya lowu A nga ta swi endla hi wona? Tani hilaha A swi endleke eka ndhawu yo sungula. Langutani leswi A swi endleke emasikwini ya Eliya, emasikwini ya Yohana. "Mi nga ehleketi leswaku eka n'wina 'mi na Abraham kuva tatana wa n'wina,' hikuva Xikwembu xa swikota hi maribye lawa ku pfuxa vana va ya eka Abraham." Wa vona? Mi nga ehleketi leswaku, "Hikuva, ndzi nghena *leyi* nakona ndzi nghena *liya*." Wa vona? Xikwembu xi handzula nguvu, wa vona, ku kombisa leswaku hi Xona Mani. Wa vona, langutani nguvu loko yi handzuriwa lahawani sweswi, ha swi kuma sweswi.

¹¹⁷ Sweswi, nakambe, loko munhu a famba eka nguvu yaleyo, a kuri rifu ra xitshuketa. Sweswi i rifu loko u ngayi eka Yona! Amen. Loko u nga handzuli nguvu yaleyo ya mindzhavuko, faya khumbhi lero ra dinominexini, mi ta vona Xikwembu ematimbeni ya Xona, i rifu. Laha nakambe ku nga rifu ku nghena kona, sweswi i rifu ku tshama ehandle. Hinkwaxo Xitshamo xa Ndzhivalelo xi tshamile erivaleni, un'wana na un'wana a nga Xi vona, nguvu yi handzukile. Ku kwetsima a kuve eka Xikwembu! Hinkwaxo xitshamo xa ndzhivalelo xi ta erivaleni eka mani na mani.

¹¹⁸ Hilaha Xikwembu xi nga va na tintswalo hakona eka vadyohi lava va nyameke tani hi hina, loko Xi ti tumbeta xona hi Xoxe, a kuri xihundla. Kutani sweswi Xi le rivaleni, kumbe laha xi vonakaka hikuhetiseka, xi ti paluxa hi Rito ra Xona. Xi Rito minkarhi hinkwayo, a xi ncinci, leswaku i Xikwembu. I Rito leri ri swi pfulaka sweswo. Loko vanhu lava a va tivile Rito ra Xikwembu hi siku lero loko Yesu a fa, a va tava va kotile ku vona Xitshamo xa Ndzhivalelo, a va tava va kotile ku vona leswi Yena a ri Xiswona.

¹¹⁹ "A ri Mani kwalaho xana? Hikokwalaho ka yini nguvu yi handzukile xana?" Tsundzukani, a kuri rifu ku nghena eka Xona. A kuri hava munhu loyi a ta kota ku Xi vona. Muxe u Xi vonile eka xivumbeko, a Xi ri eka xihu... a kuri ri—ri nhlana wa Munhu. Kunene, lahawani Xi kona, nhlana lowu humaka ngati, ka ha ri Munhu yaloye un'we! Xana a Xi ri yini? Xikwembu a xi lava kuva kombisa Xitshamo xa Ndzhivalelo. Xikwembu xi lavile kuva komba leswaku hi Xona Mani. Swingaleswi nguvu etempeleni, kusuka evokweni ra Xikwembu, ehenhla, yi handzukile kusuka ehenhla kuya fika ehansi, kutani ku vonakala Xikwembu xi ri erivaleni. A kuri Yesu Kreste a nembelelaka exihambanweni, Xitshamo xa Ndzhivalelo. Nakona a kuri yini? Vanhu a va ri mabofu swinene ku Xi vona.

¹²⁰ Sweswi swi vuyelerile nakambe, mindzhavuko ya vona! Njhani, kutani, hi Siku ra Pentekosta, Rito ri tile nakona a ri ri

hi xivumbeko xa “N’wana wa Xikwembu.” Kutani va sungurile ku xi kondletela eNicaea, eRhoma. Kutani, xo sungula, va yile va ya va Mamethodist, Baptist, Presbyterian, Mapentekostal, na kuya emahlweni. I mindzhavuko yo ti kondletela ku fikela laha munhu a nga ha ku tivi laha a nga yima kona.

Kambe, ku kwetsima a kuve eka Xikwembu, Xi tshembhisile emasikwini ya makumu leswi Xi nga ta swi endla. Xi ta kombisa Rito ra Xona erivaleni, ri pfuriwa emahlweni ka hina nakambe, wa vona, Ri pfuriwa.

¹²¹ Loko ntsena a va tivile Rito, a va tava va swi tivile leswaku Yesu a ri Mani. Loko munhu ntsena a lo tiva Rito ra Xikwembu, a tava a tivile awara leyи hi hanyaka eka yona ni leswi swi humelelaka. Ntsena va arile ku yingisela Rito lero. Mindzhavuko ya vona! I ncini swi endleke leswaku Mayuda lawa ya swi vona sweswo? Yini? A swi languteka tani hiloko hakunene va swi vonile, hikuva nchumu a wu handzukile wu pfulekile. Wu handzukile wu pfulekela xikongomelo.

¹²² Xana hikokwalaho ka yini mpfuxelelo lowu wu ya emahlweni? Xana wu nga humeleta njhani? Wu nga katekiseka njhani? A ndzi na mhaka ni leswaku i vangani lava va encenyetaka, kumbe swin’wana, sweswo a swi tano... Loko Muxa a huma, a kuri na ntshungu lowu a wu hlangananile wu nga famba na yena. Kambe sweswo swi endleriwe yini xana? I Yehovha hi Yexe a susaka xifunengeto xi suka eka Xikwembu, ku ta kombisa ku hambana exikarhi ka leswinene na leswi swi nga hoxeka. Laha ku nga, Methodist, Baptist, Presbyterian, kumbe hi yihi yi nga kahle? Rito ra Xikwembu hi rona ri nga kahle! “Rito ra munhu un’wana na un’wana a rive vunwa, kutani ra Mina ri va Ntiyiso.” Xikwembu a xi lavi toloki. Xa titolokela Xona N’winyi. Xa Ri kombisa, niku ri-... xi nyika nhlamuselo. Xikwembu xi ti funungula xona hi Xoxe. Oho, mina! Kona kwala exikarhi ka hina, ha ri vona voko ra Xona ri hi byela swilo leswi, xi endla swilo leswi.

¹²³ Hi khome swin’wana swa sweswo madyambu lawa, wa vona, swa leswaku hi ri hlalerisa ku yini voko ra Xikwembu, Ri endla yini, Ri ti phutsunula njhani rona hi roxe. Wa vona?

¹²⁴ Kutani vanhu va ku, “Oho, Sweswo i thyaka. Sweswo i ku taleriwa hi swihoxo lahaya. A ku na nchumu eka Sweswo. Sweswo i thyaka. Sweswo i Beelzebub. Sweswo i demona. Sweswo i ku bvumbha. Sweswo hi *leswi*.” Wa vona, swo fana leswi va swi vulaka ha Yena.

¹²⁵ O kereke, kutani loko thepi leyи yi nga ya ehandle, a mi swi voni, vavuri va Evhangeli, mi hanya kwihi xana? Xana a mi yi voni awara leyи hi hanyaka eka yona xana? Xikwembu, xa tikombisa xona hi Xoxe, xi tshama etlhelo... Langutani, Xi tekile nguvu ya tempele xi yi handzula yi va swiphemu, leswaku va nga ha kota ku vona Xikwembu erivaleni, nakona

a va pfalekile mahlo ku Xi vona. Kutani Xi endlile swo fana na namuntlha, xi veka Rito ra Xona ehandle emahlwени, leswi Xi nga swi tshembhisa. Xitshembhiso xin'wana na xin'wana eRitweni, xi vekiwe emahlwени ya hina, eka ku vonakala ka le rivaleni!

¹²⁶ Xana ma switiva leswi kereke ya Vamatiko leswi yi swi endlaka? Swo fana ni leswi kereke ya Mayuda yi nga swi endla, a yi ri bofu ku Ri vona. Hi swona hinkwaswo sweswo. A Ri ri etimbilwini ta vona ntsena tani hi siku lero.

¹²⁷ Xiyisisani, rifu, ku tshama ekule na Rona sweswi. Mi boheka kuya eka Rona hi nguvu ley, kumbe hi ngayi. Xana Xikwembu xi nga va na tintswalo njhani eka vona, kambe tsundzukani leswi a swi ri xiswona, leswaku Xikwembu xi le ku kombiseni leswi a swi ri endzhaku ka nguvu yaleyo. Langutani lexi a xi ri endzhaku ka nguvu, i Rito! Xana a yi funengete yini? Rito! Xana a kuri yini? A Ri ri endzeni ka areka. A Ri ri Rito leri a ri tumbetiwile hi nguvu. Wa vona? Nakona Yesu a ri Rito lero, nakona hi Yena Rito lero, na nguvu ya nyama ya Yena a Xi yi tumbetile.

¹²⁸ Kutani namuntlha nguvu ya mindzhavuko yi tumbetile Rito nakambe, va ku, "A Ri tano." Kambe Ri ri tano! Xikwembu xa mbhonyiela ha Rona, xi ti bulusela xona hi Xoxe xi huma xi vangama tani hi dyambu, emahlweni ka un'wana na un'wana, kutani va hlulekile ku Ri vona. Xikwembu, va na ni tintswalo eka hina.

¹²⁹ Hi ku fananisa, Muxe loko a vuya eka Vukona bya Xikwembu, na Rito ra Xikwembu ra nguva yaleyo. Sweswi langutani, hi le ka Eksoda 19. Swi nga mi hundzi leswi sweswi. Eksoda 19, Muxe a vuya eka Vukona bya Xikwembu, kumbe 20 na 21, 19:20 na 21. Muxe u ta a vuya eVukoneni bya Xikwembu. A ri eRitweni. Rito a ri tsariwile. Kutani yena, a ri eVukoneni bya Xikwembu, a ri na Rito, a ri na Rito ra nguva yaleyo. Ku na Rito ra nguva yin'wana na yin'wana. Kutani Muxe a humelela, xikandza xa yena xi ri karhi xi vangama swinene! Wa vona? Rito a ri ri eka yena, ri ti lulamiserile ku vonakarisiwa, ri nyikiwa vanhu.

¹³⁰ Rito ra ntiyiso, Xikwembu Xi ri tsarile, nakona a Ri ri na Muxe. Xiyisisani, a Ri ri na Muxe nakona a ti lulamiserile ku ri kombisa. A ri Rito eka vona, a ri Rito leri ri hanyaka, ri nga fiqliwa. A ti funengetile yena n'winyi, Muxe a fanele ku ti funengeta xikandza xa yena hi xifunengeto. Hikokwalaho ka yini? A ri Rito lero. Amen. Ku fikela laha Rito lero ri tivisiwaka, Muxe a fanele ku tifunengeta yena n'winyi. Amen!

Ma Ri vona xana? Laha Rito ri nga kona, Ri funengetiwile.

¹³¹ Muxe a ri na Rito. Sweswi tsundzukani, endzhaku kaloko Rito ri kombisiwile, Muxe a ri Muxe nakambe. Wa vona? Kambe loko Rito lero ri ri endzeni ka yena leswaku a ri humesa, a ri Xikwembu; kunene, a nga ha ri Muxe nakambe. A ri na Rito ra

Hosi ra nguva yaleyo. A kuri hava lexi a xi ta n'wi khumbha ku fikela loko sweswo swi herile; a ri na Rito lero. Swingaleswi, kutani, loko a ta, vanhu va hundzuluxile tinhloko ta vona; a va nga swi twisisi. A va ncincile. A ri nakulorhi loyi a hambaneke. U tile na Rito lero. "Kutani a ti funengeta hi xifunengeto," Bibele yi teri, "exikandzeni xa yena," hikuva a ri na Rito. Nakona a ri Rito eka vona.

¹³² Sweswi langutani, loko Mux... O makwerhu, laha kutava na ndzhukano. Kambe loko Mux... Tani hilaha Paul a vuleke lahwani eka Vakorinto va Vumbirhi, kuavanyisa ka vu3. Loko Mux a fanele hi ku tifunengeta xikandza xa yena hi muxaka walowo wa ku Kwetsima ehenhleni ka yena... wa vona, hikuva kwaloko a kuri ku kwetsima ka ntumbuluko, walowo a wu ri nawu wa ntumbuluko. Kutani loko Mux, a ri karhi a switiva leswaku nawu walowo wu fanele wu lovisiwa, kambe ku Kwetsima a kuri ka kahle laha ku nga pfala vanhu mahlo, swingaleswi a va fanele va funengeta xikandza xa yena. Hi swihi swin'wana swi nga vaka Rona? Vanhu lava va nga pfaleka mahlo hi ximoya! Ahaa. Ku kwetsima kwaloko a ku fanele ku hundza, kambe Luku ku Kwetsima ku ngaka ku nga hundzi. Wa vona? Mux a ri na milawu ya xinyama, ku avanyisiwa, a ku ri hava tintswalo, ku ri hava nchumu; ntsena a wo ku avanyisa. Kambe Luku a hi vulavula hakona... Kwaloko a ku na ku rivaleriwa, ko ku byela ntsena leswi u nga xiswona. Leswi swi ku nyika ndlela yo huma.

¹³³ Kutani loko Rito lero ri tava ri fununguriwile, oho, mina, xana ku tava ku ri xikandza Xo languteka njhani? Xi fanele ku funengetiwa. Xi fanele ku funengetiwa. Sweswi xiyisisani. Swingaleswi Moya wu funengetiwile etempeleni ya ximunhu, wa vona, U ta fanela ku vulavula marito ya ntumbuluko na xifunengeto xa ntumbuluko.

¹³⁴ Sweswi, Paul wa vulavula lahwani sweswi, kutani eka—eka maendlelo lawa, Rito ra Moya, "Hi tiministara, kambe ti ngari ta letere, na nawu; kambe tiministara to swikota ta Moya," leswaku Moya wu teka letere wu ri kombisa Rona.

¹³⁵ Walowo a wo va nawu, u ta fanela ku ya wu languta, i ku, "U nga tshuki u oswa. U nga tshuki u yiva. U nga tshuki u hemba. U nga tshuki u endla *leswi, sweswo*, kumbe *swin'wana*." Wa vona? U ta fanela ku swi languta sweswo.

¹³⁶ Kambe lowu i Moya lowu wu tako ehenhleni ka Rito ra xitshembhiso *ra* nguva leyi, kutani ri humeleta niku vonakala, ku ngari matafula mambirhi ya maribye, kambe Vukona bya Xikwembu lexi xi hanyak. Ku ngari miehleketo ya va le hansi leyi nga endla hi un'wana, kumbe *swin'wana* swa Houdini, salamus; kambe xitshembhiso xa Xikwembu lexi xi paluxiweke lexi xi kombisiweke emahlweni ka hina. Xana kungava ku

ri nguvu ya njhani leyi yi nga endzhaku xana? Ni ku—ku lahlekeriwa hi... .

¹³⁷ Wa vona, sweswo a swi ri kahle kufikela laha vanhu va nge, va teri loko va vona Yehovha a xikela ehansi hi Langavi leri ra Ndzilo, kutani a sungula ku ninginisa misava, ni—ni swilo leswi A swi endleke, na ntshava leyi a yi ri endzilweni. Kutani ni loko un'wana a ringeta kuya eka ntshava yaleyo, a lovisiwa. A yi ri kahle ku fikela laha Muxe a chavaka ku ninginika. Kutani, loko nkarhi walowo A ta ninginisa ntshava, eka lowu nkarhi U ta ninginisa matilo na misava.

¹³⁸ Xana Loku ku Kwetsima kona ke? Loko kwaloko ku funengetiwile hi xifunengeto xa ntumbuluko, lexi i xa... .ku funengetiwile hi xifunengelo xa ximoya. Swingaleswi mi nga ringeti ku languta eka xa ntumbuluko; faya u nghena eka Moya u vona leswaku u le kwihi, u vona awara leyi hi hanyaka eka yona.

¹³⁹ Xana Ra twala eka n'wina ke? Wa vona, i Xi funengeto xa ximoya lexi a xi ri eka vanhu, mi ri, “Ndzi Mumethodist. Ndzi kahle tani hi un'wana. Ndzi Mubaptist. Nakona ndzi Mupentekostal.” A mi swi tekeli enhlokweni, leswaku nchumu walowo i xifunengeto xa ndzhavuko? Xi mi tumbetela Xikwembu. Walowo i nchumu lowu wu mi endlaka leswaku mi nga tiphini... .

Oh, mi ri, “Ndzi huwelerile ndzi tlhela ndzi tlulela ehenhila nale hansi.”

¹⁴⁰ U teri, “Rito rin'wana na rin'wana!” Evha u pfumerile Rito rin'wana na rin'wana handle ka rin'we. Wa vona? I Rito leri ri hetisekeke ra Xikwembu, xitshembhiso xa awara leyi xi kombisiwile. Wa vona?

¹⁴¹ Xiyisisani sweswi tani hiloko ha haya emahlweni. Hi na swotala lahwani leswi hi nga ta vulavula hi swona, kambe ndzi na kwalomu ka mapheji ya makume mbirhi, kambe swi... .swa—swa tinotsi, kambe ntsena a ndzi—ndzi nge vulavuli hi swona hinkwaswo. Wa vona, ndzi ta hatlisa.

¹⁴² U ti funengetile hi xifunengeto xa ntumbuluko a nga se vulavula na Rito eka vanhu. Sweswi, Xikwembu xi fanele ku ti funengeta xona hi Xoxe, tani hilaha Xi tshembhiseke, enyameni ya xumunhu. Xikwembu! Ma swi kuma xana? [Nhlengeletano yiku, “Amen.”—Muhleri.] Xikwembu a xi fanele ku tifunengeta xona hi Xoxe enyameni ya ximunhu, kutani xi va funengeta hi xifunengeto xa ximoya eka vona, (va ku, “Kunene, ndzi *loyi* nakona ndzi *yaloye*”), hi ku endlela ku vulavula na vanhu. Laha xifunengeto xexo, laha ku nga xifunengeto xa ndzhavuko, xi handzukile, kutani... .sweswo hi leswi va swi vulaka leswaku, “Hikokwalaho ka yini, masiku ya masingita ya hundzile.”

¹⁴³ Munhu un'wana u teri eka mina siku rin'wana, xi—xi chumayeli lexintsongo xa Baptist lahaya, u tile eka mina, Makwerhu Green, hiloko a ku, “Makwerhu Branham, hi lexi xilo

xin'we ntsena lexi ndzi nga xikhoma xo lwisana na wena." U teri, "U ringeta ku endla vanhu . . ." A kuri ehansi eRamada Inn, loko hi tava hi vile na nhlengeletano kwalahaya. A ku, "U le ku ringeten i ka ku endla leswaku vanhu va pfumela eka nguva ya vuapostola, va hanya namuntlha ku kotisa loko va ri eka nguva ya xiapostola." A ku, "Nguva ya xiapostola yi hundzile na vaapostola."

Ndzi ku, "Swi endlekile?"

"Ina."

Ndzi ku, "A ri mani xivulavuri hi nguva ya xiapostola xana?"

A ku, "Vaapostola va khume mbirhi eka kamara ra le henhla."

¹⁴⁴ Ndzi ku, "Swingaleswi swivula leswaku Paul a humile" Ndzi ku, "Xivulavuri a ri Petro. Nakona Petro u teri, hi Siku ra Pentekosta, loko va tava va vonile hinkwaswo leswi a swi ya emahlweni, ni ku tirha ka Moya lowo Kwetsima, u teri, 'Xitshebbiso xi le ka n'wina, nale ka vana va n'wina, ni lava va nga ekule na swona, hambi votala lava Hosi Xikwembu xa hina xi nga ta va vitana.' Loko Xa ha vitana, swivula leswaku Leswi swi fanaka swi kona kwala. Xana yi hundze rini nguva ya xiapostola? Nguva ya xiapostola yi hundza loko Xikwembu xi hundzile ku vitana." A nga ha vulanga nchumu u lo ti tekela xidloko xa yena a tifambela.

¹⁴⁵ Swi teka Rito ku swi endla. I Rito. Yesu u byerile Sathani leswaku, "Ku tsariwile." Wa vona? Sweswo hi swona, "Ku tsariwile."

¹⁴⁶ Ndzi ku, "Petro u vule leswaku swi ngaka swi nga hundzi. Tani hilaha votala lava Hosi yi nga ta va vitana, Mikateko ley i ya vona. Sweswi mi ri, 'U yimile.' Rini?"

"Ku hava lexi xi vavisaka xi nga endliwa?"

Ndzi ku, "Ee, nkulukumba, ku hava na swintsongo. Yana emahlweni." Aha. Kona kwalaho. Wa vona?

¹⁴⁷ Petro u teri i swa un'wana na un'wana loyi Xikwembu xi nga n'wi vitana, u ta amukela Mikateko yo fana ya xiapostola. Lero—lero i Rito ra Hosi. Wa vona?

¹⁴⁸ Sweswi xifunengeto xa ntumbuluko. Xikwembu, xi nga Rito, xi ti funengetile enyameni ya ximunhu. Xana a kuri yini? Xikwembu a xi tifunengetile eka Muxe. Xikwembu a xi ri endzeni ka Muxe, xi tifunengetile, nakona Vukona bya Xikwembu a byi ri eka yena. A hetisekile hi Rito lero endzeni ka yena tani hi sweswo, ku fikela laha a tifunengetaka xikandza. Nakona a ri muprofeta loyi a tiyisisiweke loyi a tlharhamuleke Rito nikuva byela, "U nga tshuki u! U nga tshuki! Nakona u nga tshuki u!" Wa vona?

¹⁴⁹ Ku nyika Rito ra Yena eka rixaka lero, U tifunengetile yena hi Yexe eka xivumbiwa xa yumunhu, kumbe Rito ri nga hava ri va pfarile mahlo hambi kuri vona lava va nga vitaniwa. Wa vona? Hambi vanhu lava a va ri kwalahaya, a va nga ta swikota ku swi yimela leswaku va ta swivona. Eka—eka Eksoda hi kuma leswaku, va teri, “A ku vulavuli Muxe, ku ngari Xikwembu.” Ma swi vona leswaku hikokwalaho ka yini Langavi ra Ndzilo ri nga humeleli ngopfu? Wa vona?

¹⁵⁰ Xikwembu xi teri, “Ndzi—Ndzi—Ndzi ta swi endla sweswo. Ndzi ta va pfuxela Muprofeta.” Amen! “Ndzi tava pfuxela un’wana.” Nakona Xi tise sweswiya. “Ndzi ta pfuxa, nakona Xi tava, xi ri Rito.”

¹⁵¹ Xi teri, “Loko va lava ku vona leswaku Rito i yini . . .” Xi ku, “Sweswi, Muxe, Ndzi humelerile eka wena halahaya eka xihlahla lexi xi pfurhaka.” Xi ku, “Ndzi ta xikela ehansi kutani ndzi vekela ndzilo etshaveni.” Kutani, “Va ta swivona leswaku u va byerile ntiyiso. Ndzi ta humelela lahwani hi—hi—ndlela yin’we yo pfurha. Ndzi ta humelela lahwani niku khorwisa vanhu, Ndzi ta tiyisisa ministri wa wena.” Sweswo hi leswi Xi nga byela Muxe lahwani, marito yo tala swonghasi.

¹⁵² Xiyisisani, Xi teri, “Sweswi Ndzi ya eku—Ndzi ya eku ku kwetsimiseni emahlweni ka vanhu.” Xi ku, “Sweswi, u va byela leswaku Ndzi hlanganile na wena eka xihlahla lexi xi pfurhaka; sweswi Ndzi ta enhlela ehansi, hi Ndzilo wa luwa, nakona Ndzi ta pfumelela vanhu leswaku va swi vona leswaku a wu hembi ha Rona.” U nga ha Ri lavisisa hi xisayense, hambi, loko mi swi lava. Wa vona? “Ndzi ta ta ndzi enhlela ehansi ndzi fika ndzi va pfumelela ku switiva.”

¹⁵³ Kutani loko Xi sungula ku twakarisa tindlati, loko Yehovha a sungula ku twakarisa tindlati, vanhu va ku, “Ee! Ee! Ee! U nga n’wi pfumeleli Yehovha a vulavula; hi ta—hi ta fa.”

¹⁵⁴ Wa vona, U fanele kuva a tifunengetile, swingaleswi Xikwembu xi tifunengetile xona hi Xoxe eka Muxe kutani xi nyika Muxe Rito. Kutani Muxe a xikela ehansi a fika a vulavula Rito ra Hosi, a tifunengetile xikandza xa yena. A hi swona sweswo? Yehovha a tifunengeta endzeni ka xivumbeko xa muprofeta, leswaku swi tava leswi hetisekeke . . . Nakona Xikwembu Xi teri a xi nge he pfuki xi vulavurile na vona nakambe hi ndlela yaleyo. Xi ta vulavula na vona hi muprofeta. Yaleyo yi tava yi ri ndlela yi ri yoxe leyi Xi nga ta vulavula hi yona kuya emahlweni. Hi yona ndlela yiri yoxe leyi Xi nga tshama xi vulavula. Hiswona sweswo. A kuna ndlela yin’wana. A Xi hembi.

¹⁵⁵ Xiyisisani, i Muxe ntsena loyi a ri na Rito. Sweswi, a ku ngari na ntlawu lowu wu—wu nga enhlela ehansi, a va ngari ntsena Vafarisi, kumbe Vasaduki, kumbe kuri hava mu—mu mukhuva yin’wana kumbe xivongo. A kuri Muxe! Xi kumile wanuna

un'we. A Xi nga ta swikota ku kuma vambirhi kumbe vanharhu va miehleketo yo hambanana. Xi teka wanuna un'we. Muxe a ri na Rito, kutani Muxe a ri yexe. Yoshuwa a nga vanga na Rona. Ku hava loyi a ri na Rona. Amen! Yoshuwa a ri—ri generali; Yoshuwa a ri murhangeri wa vuthu; Yoshuwa a ri mupfumeri, Mukreste. Kambe Muxe a ri muprofeta! Rito a ri nga ta ta hi Yoshuwa; a Ri fanele ku ta hi Muxe. A ri yena muprofeta lonkulu wa awara. Xiyisisani, Rito a ri kalanga ri ta eka Yoshuwa ku fikela laha Muxe a fambaka. Ee, nkulukumba. Xikwembu xi tirhana na un'we hi nkarhi. Xikwembu i xin'we. Wa vona? Sweswi, i Muxe ntsena loyi a ri na Rito, ku ngari ntlawia.

¹⁵⁶ Langutani, Xikwembu xi tshinyile munhu un'wana na un'wana leswaku a nga ringeti ku landzelela Muxe eka xifunengeto xexo; vaencenetyi. Wa vona? Wansati, wanuna, muprista, hambi i mani, u mukhongeli wa njhani, i munhu wa njhani, u xixima ku fika kwihi, a va ri njhani; Xi tshinyile leswaku, ‘Tshikani Muxe a ta a ri yexe! Kutani ku ngaku loko munhu un'wana, hambi ku ri xiharhi, xi yi khumbha, a xi boheka ku fela kwalahaya.’ A ku nga yimi nchumu emahlweni ka nguvu yaleyo. Nguvu yaleyo i ya munhu un'we ntsena. Hungu lero i rin'we. Wa vona? Etempeleni, wanuna un'we a nghena kan'we hi lembe, la nga na ntoto a tlhela a va a lulamerile ku nghena kona; ku ngari ku humesa Rito, kambe ku nyikela ngati. Hambi kuri ku famba endzeni kwalahaya emahlweni ka Yona, un'we ntsena. Munhu un'wana a fa. Wa vona?

¹⁵⁷ Sweswi va fa eximoyeni. Leyi i nguvu ya ximoya. Wa vona? Liyani a yi ri nguvu ya ntumbuluko. Leyi i nguvu ya ximoya. Wa vona? A va tshamela ro famba va ya emahlweni endzhaku kwalahaya, u nga ha va byela. “Oho, ndza switiva! Ndza switiva sweswo, kambe ndzi . . .”

Ndzi ku, “Yana emahlweni, swilulamile hinkwaswo, ntsena ya vulavula . . .” Ma swi tsundzuka, leswaku khombo ro hetelela eEgipta a kuri rifu, ku nga se va na eksoda. Khombo ro hetelela emisaveni i rifu ra ximoya, ku nga se humiwa. Kutani va ta herisiwa va tlhelela eritshurini, kutani lavo lulama va ta kandziyela minkuma ya vona. Kambe xo hetelela i rifu ra ximoya, ku ala Rito.

¹⁵⁸ Sweswi xiyisisani, Xikwembu xi tshinyile munhu un'wana na un'wana leswaku a nga ringeti ku landzelela Muxe eka nguvu ya Ndzilo. Muxe a fanele ku funengetiwa, a fanele ku huma kwalahaya. Muxe u nghenile tani hiloko a ri Muxe, a nghena eka Langavi leri ra Ndzilo; kutani loko a huma, a funengetiwile. Hikuva, u nghenile Kwalahaya, a huma eka mindzhavuko ya yena, mindzhavuko ya vakulukumba. U *vonile* Langavi ra Ndzilo, kambe sweswi wa famba a kongoma *eka* Langavi ra Ndzilo. Wa vona? Amen! Hiloko a humelela, a ti funengetile. Rito ra Xikwembu leri ri funengetiweke endzeni ka munhu, ku funengetiwa! Hi loyi a humaka a ri karhi a famba,

oho, mina, ndzi nga ha swivona. Tshinya un'wana na un'wana loyi a nga ta ringeta ku swi ringeta, ku hava loyi a nga swi encenyetaka Sweswo. Swa antswa mi nga swi endli. Wa vona? Hambi kuri muprista kumbe munhu loyi a kwetsimaka, hambi i mani, bishopo-nkulu, bishopo, un'wana na un'wana, loyi a nga ta ringeta ku nghena eka nguvu yaleyo, i rifu. Xikwembu xi va tshinyile. A hi ngevi na va encenyeti.

¹⁵⁹ Rito ra Xona ri paluxiwile eka un'we. Swi tano minkarhi hinkwayo, muprofeta u ta na Rito ra Hosi, nguva yin'wana na yin'wana, nkarhi wun'wana na wun'wana, ehansi ku famba hi Matsalwa. Rito ri ta eka un'wana. Eka nguva yin'wana na yin'wana, ku fanana, hambi kuri eka tinguva ta kereke, kusukela eka yo sungula kuya fika eka yo hetelela. Van'wana a vari na tindzhawu ta vona, hi swona, xiyisisani, kambe fambelani ekule na Langavi lero ra Ndzilo. Wa vona? I dyondzo yihi hi nga yi dyondza lahwani! Wa vona, un'wana na un'wana u lava kuva Muxe, nakona un'wana na un'wana . . .

¹⁶⁰ Ma tsundzuka leswi swi nga vula hi Dathan na van'wana kwalahaya? Va teri, “Sweswi, Muxe, yima nyana lahwani! U ti tekela ngopfu ehenhla, wa vona. Sweswi, kuna wanuna un'wana lahwani loyi a nga vitaniwa hi Xikwembu.”

¹⁶¹ Walowo i ntiyiso. Vona, un'wana na un'wana, va landzelela kahle ntsena loko va ha famba kun'we, kambe loko un'wana a ringeta ku tlhava goza a teka xiyimo xa Xikwembu lexi Xi nga xi nyika Muxe, loyi a nga hlawuriwa khale a tlhela a xiximeriwa ntirho walowo, ku ringeta ku wu teka, ndzilo wu xikile wu fika wu pfula misava kutani yi va mita. Wa vona? Wa vona? Mi tivonela. Wa vona? Ntsena vanani kahle, Vakreste lava khongelaka va Xikwembu, lava va pfumelaka Rito. Wa vona? Fambelani ekule na Langavi lero. I dyondzo ya njhani!

¹⁶² Xikwembu xi humelerile eka Muxe ro sungula hi xihlahla lexi xi pfurhaka, Xikwembu a xi ti funengetile endzeni ka Langavi ra Ndzilo. Sweswi yingiselani swinene xinkadyana. Xikwembu, xi sungule xi ta eka Muxe, a Xi tifunengetile. Xikwembu a xi ri endzeni ka Langavi ra Ndzilo, xi titumbetile exihlahleni, wa vona; ku kotisa endzhaku ka madzovo, wa vona, xi vuyela eka xitshamo xa ndzivalelo ealtareni. Wa vona? A Xi tifunengetile. Xi tshama xi tifunengetile minkarhi hinkwayo. Kutani loko Xi ta eka Muxe, a Xi ri endzeni ka Langavi ra Ndzilo, xi ti funengetile endzeni ka Langavi ra Ndzilo. Kambe lahwani, emahlweni ka vanhu, Xikwembu xi n'wi tiyisisile hi Langavi reriya ra Ndzilo. Wa vona? Muxe u teri . . .

¹⁶³ Sweswi langutani. Mi le ku hlayeni xana? [Nhlengeletano yi ku, “Amen.”—Muhleri.] Xana mi pfumelela miehleketo ya n'wina leswaku yi kumbiwa yi famba xana? A mi tano xana? Mi nga . . . “Loyi a nga na tindleve, a yingise.” Wa vona?

¹⁶⁴ Loko Xikwembu xi humelela eka Muxe, a xi ri eka Langavi ra Ndzilo, loko Xi ta n'wi vitana leswaku a ta eka ministri wa xona. Kutani Muxe u tile a ta byela vanhu ha swona. A va nga swi pfumeli, hambi leswi a nga endla mahlori na swin'wana. Kambe, eka lowu nkarhi, Xa vonakala, xi humelerile hi xisayense xi ta tiyisisa ministri wa Muxe leswaku xa ha ri Xikwembu xexiya xi nga vulavula na yena, hikuva Xi humelerile hi xivumbeko xa Langavi ra Ndzilo kutani xi veka ntshava endzilweni. Nakona Wu tile eka Muxe exihlahleni, wu vulavula na yena. Hi swona.

¹⁶⁵ Xikwembu xi humelerile ro sungula, eka Muxe, hi xihlahla lexi xi pfurhaka, xi nga xifunengeto. Emahlweni ka vanhu, Xikwembu xi ti funengetile nakambe xi tlhela xi tiyisisa Muxe, hi xifunengeto, hikuva xi tifunengeta xona N'winyi hi Ndzilo waluwa, Langavi ra Ndzilo waluwa wu xikile. Kusuka—kusuka kwalaho... Kusuka eka vona, swingaleswi va nga ha twa Rito ra Xikwembu. Ma swi kuma? Ntsena Rito, vatwile Rito ra Xona. Hikuva, Muxe a ri tano, eka vona, a ri Rito leri ri hanyaka. Muxe! Wa vona, Xikwembu xi khorwisile Rito lero hi Muxe! Wa vona, Muxe u teri... Xikwembu xi teri eka Muxe, “Famba u ya ehansi lahaya. Ndzi tava na wena. U... Ku hava lexi xi nga ta yima emahlweni ka wena. HI MINA LOYI A NGA KONA.”

¹⁶⁶ Muxe u enhlide, a ku, “Swi nga endleka mi nga swi pfumeli leswi, kumbexana, kambe Xikwembu xi tivonakarisile eka mina xi ri eka Langavi ra Ndzilo nakona Xi ndzi byerile swilo leswi.”

¹⁶⁷ “Oho, hina muxaka hinkwawo wa swilo leswi swi yaka emahlweni.” Faro u teri, “Hikokwalaho ka yini!” Mufundhis Faro a ku, “Kunene, u na masalamusi yo chipa. Hikokwalaho ka yini, ndzi na vangoma lahawani lava va nga ta ncinka nyoka ku ya eka... nhonga—nhonga kuya eka nyoka. Tanani lahawani, vangoma.” Kutani va ta kwalahaya va fika va endla swo fana.

¹⁶⁸ Muxe a swi tiva. Ku hava lexi xi nga n'wi karhata. I vaencenyeti vangani lava a vari na vona, a swi kalanga swi hambana na swintsongo. Muxe ntsena u yimile a nga ninginiki. Xo sungula lexi mi xi tivaka, tikasakasile nyana kwalahaya xinkadyana, nakona, hi ku kongoma, nyoka ya Muxe yi mitetela hinkwato ka tona. Wa vona? Hikokwalaho ka yini? Tani hi vaapostola va vona, a va nga swikoti ku Ri hlamusela. Muxe a nga switivi leswaku Xikwembu xi ta swi endlisa ku yini, kambe a Xi ya eku swi endleni.

¹⁶⁹ Tsundzukani, Xi teri Yambre na Yanne va ta tlhela va va kona hi masiku yo hetelela, wa vona, ku encenyeta. “Nakona va ta hambukisa na vona Vahlawuriwa loko swi nga koteka,” Matewu 24:24. Wa vona? Ntsena swa fana, va endla mahlori yo fana na swin'wana. Langutani Rito lero! Langutani Rito lero! Munhu u ri u endla mahlori kambe hambi swi ri tano wa ha lava ku pfumela leswaku ku na Swikwembu swinharhu, kutani kwalahaya ku na maendlelo lawa hinkwawo; mi fambela

ekule ni maendlelo ya lawa. Ha swi tiva leswaku—leswaku swi hoxekile, wa vona, ku hava swo fana na sweswo. Wa vona? Rito, Rito rin'wana na rin'wana, Rito rin'wana na rin'wana leri ri humaka enon'weni wa Xikwembu! Genesa, Rito rin'we! Kona kwalahawani, ri teri, "Mi nga hunguti kumbe ku engetela rito rin'we." Wa vona, Ri fanele kuva Rito lero. Wa vona?

¹⁷⁰ Xiysisani, vanhu va vonile swin'wana leswi swi nga humelela. Muxe a funengetiwile tani hi... A ri muprefeta, nakona Xikwembu xi tiyisisile Rito ra Xona sweswi, ri ya ehansi lahaya. Kutani u vonile masingita na swi hlamariso. Kutani, swi kahle, vanhu lava va ti avile vona hi voxé, va nga kereke. Wa vona, *kereke* swivula "lava va vitaniweke." Wa vona? Endzhaku kaloko va vitaniwile va suka emisaveni kutani va va vanhu, wa vona, swingaleswi Xikwembu xi pfumelela xona hi Xoxe ku ri xi tiveka leswaku hi Xona Langavi lero ra Ndzilo. Xi khorwisile hungu ra Muxe. Wa vona? A Xi ri Langavi ra Ndzilo. Va nga hava va tekile xifaniso xa Rona, ndza bvumba, loko hi leswaku a vari na tikhamera, hikuva a yi ri na Ndzilo hinkwayo. Kambe va—va swi kambisisile sweswo, Xikwembu xi khorwisa leswaku Hungu i ra ntiyiso. Hungu a ri fikile, hinkwaswo a swi ri kona, a va ya eku humeni kwalaho. Xi funengetile muprefeta wa Xona eka vanhu lava va humaka.

¹⁷¹ Vanhu, ehleketa, mi swi vonile leswaku swin'wana swi humelerile eka yena. Sweswi a hambana na Vaisrael lavan'wana. A ri loyi a hambarake, hungu ra yena a ri hambarale, a hambarale kusuka eka vaprista, a hambarale eka swin'wana na swin'wana. Wa vona, a ri munhu loyi a hambarale. Vanhu va vonile swin'wana leswi swi nga humelela. Xikwembu a xi tifunengetile xona hi Xoxe eka muprefeta wa Xona, ku vulavula Marito ya Xona eka vona. Sweswo hi leswi Xi nga swi endla. Muxe a ri Rito lero ri hanyak evanhwi, a funengetiwile hi Langavi ra Ndzilo, a vulavula leswi a swi ta funengetiwa endzhaku ka madzovo ya mintini. Wa vona?

¹⁷² Rito a ri fanele ri ta ri huma eka Muxe, ku sungula. Wa vona? Muxe a ri na Rito. A Ma tsariwile hi Xikwembu, ku hava loyi a ta Ma toloka, Muxe hi yena loyi a fanele ku Ma toloka, kusungula. Hi xona xivangelo xa kuva a tifunengetile xikandza xa yena, hikuva u... Ma Ri vona xana? [Nhlengeletano yi ku, "Amen."—Muhleri.] Wa vona?

Hi Leri *lahawani*. [Makwerhu Branham a tlakula Bibele ya yena—Muhleri.] Hi nga ha Ri tlakula, Ri tlakulen, ni swin'wana kwalahaya, kambe Ri fanele ku paluxiwa. Hi ku endlela ku paluxa, Muxe a fanele a va Xikwembu evanhwi.

Mi ri, "Sweswo i thyaka."

¹⁷³ Hikokwalaho ka yini, Xi vurile, hambi kuri ku byela Muxe, xona hi Xoxe leswaku, "U tava Xikwembu, kutani Aroni u tava muprefeta wa wena!...?" Wa vona? Swingaleswi lahaya

Xi ta, wa vona, a Xi fanele ku ti funengeta xona hi Xoxe, hikuva minkarhi hinkwayo Xikwembu xi tshama endzhaku ka xifunengeto. Oho, mina! Ma Ri vona ke? [Nhlengeletano yi ku, "Amen."—Muhleri.] Xikwembu xi ti tumbetile evanhwini.

¹⁷⁴ A ku, "Tatana, Ndza Ku khensa, U Ri tumbetele lavo tlhariha ni lavo tikukumuxa, kambe u Ri paluxela vona lavantsongo, vona lava va nga ta lava ku dyondza." Wa vona?

¹⁷⁵ Xikwembu xi ti tumbeta endzhaku ka xifunengeto. Muxe u ti funengetile xikandza xa yena. Muxe a ri Rito leri ri hanyaka kwalaho. Vanhu va vonile Langavi lero ra Ndzilo, a ku, "Sweswi hi enerile." Wa vona? "A ku vulavuli Muxe." Wa vona? "U nga xi pfumeleri Xikwembu xi vulavula, handle ka swona hi ta fa." Muxe u fambilie a kongoma Langavi lero ra Ndzilo. Wa vona?

¹⁷⁶ Kutani sweswi xi ku, Xi ku, "Sweswi a Ndzi—Ndzi nga ha vulavuli na vona nakambe tani hi leswi. Ndzi ta va nyika muprefeta." Wa vona? Kutani yaleyo hi yona ndlela leyi Xi yi endlaka minkarhi hinkwayo. Wa vona? Xi ku, "Sweswi a va gonyi ehenhla." Kambe muprefeta loyi u fanele a va na Rito leri. Loko a ti funengetile hi mindzhavuko, Xikwembu xi ngaka xi nga n'wi rhumi. Loko a ti funengetile hi Rito, Xikwembu xi ta Ri tiyisisa. Xikwembu xa ti tolokela Rito Leri ri nga ra Xona. Muxe u Ma vurile; Xikwembu xi Ma toloka. Amen.

¹⁷⁷ Muxe u teri, "Hosi yi vule tano!" Kutani Hosi yi endlile ntseña hilaha Yi nga vula hakona. Sweswo swi Ri endla ri va kahle.

¹⁷⁸ Sweswi Xi teri, "Sweswi, Muxe, wa swi twisia. Vanhu va swi twisia sweswi. Wa vona, Ndzi mi kombisile, Ndzi mi tiyisisile." Xikwembu a xi tifunengetile xona hi Xoxe eka muprefeta loyi, ku ta vulavula Rito ra Xona evanhwini. Muxe a ri Xikwembu lexi xi hanyaka eka vona, Rito leri ri hanyaka ra Xikwembu ri kombisiwile. Hi xona xivangelo xa kuva xikandza xa yena xi funengetiwile. Wa vona?

¹⁷⁹ Kutani ma swi tiva leswaku leswi swi fanaka eka Mukreste wa xiviri swi funengetiwile namuntlha, eka lava va nga pfumeriki? Va vona vavasati va kona va ri na misisi yo leha na swin'wana, va ku... "Langutani eka lava va xikhale." Vavasati va hundzuluxela misisi ya vona endzhaku, va ku, "Va na thayere leri ri nga phya, thayere ra xiphore lahaya." Wa vona, Ri funengetiwile hinkwaro. I mabofu. "Oho," va ri, "Ndzi na Ph.D, L..." A ndzi na mhaka ni leswi mi nga na swona, hambi swi ri tano ma ha honisa Rito. Hi swona hakunene. "Oho, leswaku, sweswo kova swin'wana leswi nga riki nchumu. Ndzi..." Tekani dyondzo leyintsongo kusungula.

¹⁸⁰ Vanhu lava va nge va funengetiwile eVukoneni bya Xikwembu vona ke, va tlhela va chumayela mindzhavuko ya kereke? Oho, tintswalo, nkateko! Lava va engetelaka nikuhunguta, ni swin'wana, hi ku nghenisa tidyondzo ta vona na

mianakanyo ya vona, ku ngari Rito ra Xikwembu, wa vona, i xifunengeto xa njhani? Valava va na xifunengeto xa vufundhisi. Xikwembu xi xi handzurile xifunengeto xexo xi pfuleka!

¹⁸¹ Va teri, “Ku hava leswi va nge i vaprofeta. Kuhava swo fana ni sweswo, eka masiku lawa yo hetelela, tani hi vaapostola na vaprofeta. Kuhava swo fana ni leswi va nge i ku hanyisiwa hi swa Vukwembu. Kuhava swo fana ni leswi va ngeri i va voni, nakambe. Ku hava swo fana na Marka 16 kuva yi hetisekile. Nguva ya xiapostola yi hundzile.” Va Ri funengetile evanhwini. Kambe Xikwembu xi fambile xi huma na Moya lowo Kwetsima wa Xona wa Ndzilo, niku handzula nchumu walowo kusuka ehenhla kuya eha... [Xivati lexi nga riki na nchumu eka thepi—Muhleri.] Xikwembu xi handzurile nguvu.

¹⁸² Muxe a ri xifunengeto, Rito leri ri hanyaka ra Xikwembu ri ti funengetile endzhaku ka nyama ya ximunhu. Langavi ra Ndzilo a ri ri eka Muxe, hakunene, ri vulavula leswi swi nga ta funengetiwa endzhaku ka madzovo, ma swi vona.

¹⁸³ Sweswi, leswaku, Rito, Rito ri tisiwile, nakona Ri tsariwile, kutani Ri vekiwile endzhaku kambe hambi swi ri tano ra ha funengetiwile, hikuva Xikwembu minkarhi hinkwayo xi le ka Rito lero. Amen! Hi Xona Rito, minkarhi hinkwayo. A Xi ri eka Rito lero. Hi xona xivangelo xa kuva Rito lero ri fanele ku funengetiwa.

¹⁸⁴ Oho, buti, sesi, ma Ri khoma xana? [Nhlengelatano yi ku, “Amen.”—Muhleri.] Langutani! A mi swi voni xana? Ri funengetiwile eka tinguva leti, ku ya hilaha Xikwembu xi nga swivula, nakona Ri ta pfuriwa emasikwini yo hetelela, Swilemo leswi swa Nkombo swi ta fayiwa, kutani Nchumu lowu wu hetisekeke wu tava erivaleni wu voniwa hi vanhu, leswi swi nga humelela nkarhi lowun’wana. Awara ya Hungu ra ntsumi ya vunkombo, hinkwaswo swihundla swa Xikwembu swi ta tivisiwa eka Eliya yaloye, eka awara leyi yo hetelela; hilaha Kreste a nga hlongorisawa xiswona eka kereke ya Yena, N’wana wa Xikwembu; hilaha Xi nga tipaluxa hakona tani hi N’wana wa munhu nakambe; hilaha Kereke yaleyo yi nga ta vekiwa hakona hi oda, na hinkwaswo swa siku ro hetelela, ku hava mikhuva, kuhava dinominexini, ntsena Rito hi kuhetiseka ri hanya eka un’we un’we. “Ndzi ta teka un’we, ndzi tshika un’we. Ndzi ta teka *loyi*, kutani ndzi tshika *lon’wana*.” Wa vona? Kuna ntsena... Ku hava swinari, ku hava tidinominexini, ku hava ku tiboho kumbe ku ri hava nchumu; i mbilu leyi yi nga na Xikwembu, kutani Xona xi ri xoxe. Wa vona?

¹⁸⁵ Xiyisisani, ri ti funengetile eka nyama ya ximunhu. Muxe na Rito lero, a vulavula hi leswi endzhaku swi nga ta vekiwa endzhaku ka madzovo ya mintini. Swingaleswi... Swingaleswi Kreste i Muxe wa hina. Kreste i Muxe wa hina. A ri Xikwembu lexi xi nga ti funengeta enyameni ya ximunhu, xi ti funengeta

eka ximunhu, enyameni. Hi swona sweswo. Nakona wa ha ri Yena wa tolo, namunlha, ni hilaha ku nga heriki. A Xi ti funengetile hi madzovo ya mintini. A Xi ti funengetile. Kutani eka lowu nkarhi Xi ti funengetile emunhwini. Wa vona? Sweswi xiyisisani, “la nga wa tolo, namunthha, ni hilaha ku nga heriki,” xitshembisile Rito ra Xona eka nguva *leyi*. Wa ha ri Kreste, Rito leri nga tshembhiswa eka nguva leyti, ri nga tifunengeta enyameni ya ximunhu. Rito i Xikwembu.

¹⁸⁶ Ntoto a wuri munhu. Rito *Kreste* swivula la nga ni ntoto, wa vona, “la nga ni ntoto.” Swingaleswi, Muxe a ri Kreste hi masiku ya yena, a ri mutotiwa. Yeremiya a ri Kreste hi masiku ya yena, na xiphemu xa Rito ra siku lero.

¹⁸⁷ Kambe loko Yesu a ta, U tile tani hi Mukutsuri Loyi a nga Mutotiwa; nakona sweswo a swi ri havumbirhi eka Muxe ni hinkwaswo leswi a swi ri eka Muxe, na Rito hinkwaro, na hinkwawo miri wa vukwembu bya Xikwembu a byi ri eka Yena. Hi xona xivangelo xa kuva nguvu hinkwayo ya tempele yi handzukile, na xitshamo xa ndzivalelo xi humelerile erivaleni, A ri Lowe ntoto.

¹⁸⁸ Xiyisisani sweswi, xifunengeto lexi nga enyameni ya ximunhu, Rito ra xitshembhiso ra nguva leyti ri boheka ku funengetiwa na rona. Xiyisisani. Swirho swa kereke leswi swi rhandzaka vudyoho ni vadyohi va ngaka va nga Ri voni hikokwalaho ka nguvu ya ximunhu.

¹⁸⁹ Hi xona xivangelo xa kuva va nga swikoti ku N’wi vona. “Hikokwalaho ka yini, U munhu. Xana U huma kwih? Xana u na khadi rihi ra xinakulobye leri A nga na rona? Hi yihi kereke leyti A nghenaka kona?” Ndzi lava ku vulavula hi sweswo madyambu lawa, “Hi yihi kereke leyti A nghena yona?” Wa vona? Kutani swingaleswi, wa vona, sweswi, “Hi yihi kereke leyti A nghena yona, i ntawa—ntawa wihi? I xikolo xihii lexi A ri eka xona? Xana U yi kume kwih dyondzo ya Yena? Kunene, Wanuna loyi u tswariwile, kuya hi mindzhavuko, kumbe kuya hi—hi nthyekeketo wa Yena ku rhendzeleka hi kwala, Wanuna loyi a nga tswariwanga hi vukati lebyi katekisiweke. Hikokwalaho ka yini, Yena, hakunene, I wa javulosi. Wa vona, I—I wa javulosi. A nga tswariwanga hi vukati lebyi nga katekisiwa, nakona Yosefa u lo n’wi teka hi ku endlela leswaku a nga fayiwi hi maribye, hikuva a ri muoswi. Nakona Wanuna loyi u ta a ta byela hina vaprista leswi hi fanelaka ku swi endla?”

¹⁹⁰ Nakona a kuri Xikwembu lexi a xi yimile lahaya, xi paluxaka Rito lero, xi huwelelaka, “Xikwembu xa Nga, xana U Ndzi tshikele yini?” Risimu reriya a va ri eku ri yimbeleleni etempeleni, leri Davida a nga va endlela rona malembe lawa ya nga hundza, leri ri fambelenaaka na Kreste. “Hinkwawo marhambu ya Mina ya Ndzi hononerile. Va tlhavile mavoko ya Mina na minkondzo ya Mina.” Kutani kwalahaya a va yimile

kona, va ri karhi va ri yimbelela, na Munhu yaloye a ri ekufeni exihambanweni. Kutani loko va hetile ni ku . . .

¹⁹¹ Loko A fa, Xikwembu xa Matilo xi xikela ehansi, tani hilaha Xi swi endleke eNtshaveni ya Sinai, hi Ndzilo lowo Kwetsima, xi hisa nguvu yaleyo ya tempele kusuka ehenhla kuya fika ehansi, yi handzuka yi va swiphemu swimbirhi. Kutani va nga endla yini xana? Va languta ehandle lahaya hi festere ra tempele, eXihambanweni, kutani kwalahaya a ku ri na Xikwembu xi vonakala erivaleni, xi nga Gandzelo.

¹⁹² Kambe a va Xi voni hambi swi ri tano, na namuntlha. Xikwembu eka siku leri ro hetelela xi handzurile ndlela ya mindzhavuko, kutani xi tisa Rito ra nguvu yaleyi ri vonakala erivaleni, nakona hambi swi ri tano a va Ri tivi. Ntsena vo ka va nga Ri tivi. Swi—swi olovile. Wa bona, ntsena swi olovile. Ri le kule ngopfu na swilo swa misava.

¹⁹³ Ndzi chumayerile siku rin'wana eka nhlengeletano yin'wana, hi, "Kuva nati." Rin'wana ra masiku lawa ndzi lava ku chumayela hi swona, "Kuva nati." Hinkwerhu hi tinatsi ta un'wana, swingaleswi—swingaleswi mina ndzi tava un'wana wa Kreste. Paul u teri "u hlayeriwe kuva xiphukuphuku." Hakunene, mi fanele kuva tano. Wa bona, swi lava nati ku hulela swilo kun'we. Wa bona? Hi swona sweswo.

¹⁹⁴ Swingaleswi xiyisisani nguvu, ya nyama ya ximunhu. Ee, sweswi, vanhu lava va rhandzaka vudyoho va ngaka va nga swi voni sweswo. Vanhu lava va vukhongeri bya ndzhavuko, va ngaka va nga swivoni sweswo, hikuva A ri munhu. Hikokwalaho ka yini? Nyama yaleyo ya ximunhu yi tumbetile Xikwembu.

¹⁹⁵ Sweswi, loko A ri Langavi lerikulu ra Ndzilo leri ri nga xikela ehansi, wa bona, Langavi lerikulu ra Ndzilo ri xikerile ehansi ri fika ri va komba leswi A ri xiswona, leswaku A ri Langavi rona leri ra Ndzilo lerikulu, va nga hava va swi pfumerile sweswo; loko Yehovha a lo famba a jika-jika.

Kambe ma swi bona leswi A nga swi endla, leswaku A nga ha kota ku tsemekanya hinkwavo lava malwandla, vanhu vo tlhariha, ntsena U tipaluxile Yena hi Yexe tani hilaha a tshembhiseke Muxe, wa bona, "Ndzi ta vulavula na bona hi Muprofeta." Nakona A ri N'wana wa munhu, a nga Muprofeta. Kutani van'wana va bona va Ri tivile, kwalomu ka dzana rin'we ra tiphesente ta dzana rin'we emisaveni, va Ri pfumerile; lavo tala va bona a va pfumelanga. Kambe, A ri tano, ntsena kufanana.

¹⁹⁶ Kambe a kuri na Xikwembu xa matimba Hinkwawo erivaleni, lexi xi nga Xitshamo xa Ndzivalelo! Xi file loko vana Lava va nga va Xona va ku... Vana Lava va nga va Xona kwalahaya, va ku, "A hi N'wi lavi! N'wi yiseni ekule!" Va N'wi tshwutela.

¹⁹⁷ Xifananiso, xa le ndzhaku, loko Davida a ha ta siya tempele, hosi leyi ariweke. A famba hi xitarata, kutani lontsongo, nakulorhi wa khale wa xilema a ri karhi a kasa-kasa, a nga kalanga a n'wi tsakela, u n'wi vitanile "mutikukumuxi wa khale" kumbe swin'wana, a n'wi tshwutela exikandzeni. Kutani murindzi yaloye a humesa ripanga, a ku, "Ndzi nga yi tshika nhloko yaleyo ya mbyana yi va ya ha ri eka yena; kutani a tshwutela hosi ya mina?"

¹⁹⁸ Davida a ku, "N'wi tshiki a ri yexe, Xikwembu xi n'wi byele sweswo." Nakona Davida nkarhi wun'wana a ngava a nga swi tivanga leswi a swivula. U fambilé a ya ehenhla ka ntshava, a languta endzhaku, a rila.

¹⁹⁹ Malembe ya nhungu wa madzana kusuka kwalahaya, N'wana Davida a ri eku gonyeni ntshava ya liya, a languta endzhaku, a rilela Yerusalem, Hosi leyi yi ariweke. Kutani va n'wi tshwutela exikandzeni xa Yena.

²⁰⁰ A mi swivoni xana? Swa ha fana. Ma swi vona loko Rito ri xikela ehansi, ra ha landzelela kuya ehansi na namunthia? Minkarhi hinkwayo ri aleriwa hi vunyingi, wa vona, kutani ri pfumeriwa hi lava nga talangiki.

²⁰¹ Sweswi, wa vona, a va swikotanga ku Ri pfumela. Vagriki lava, a va swikotanga ku N'wi vona, A ri tempeleni ya Yena ya ximunhu. "Hikokwalaho ka yini," va teri, "vito ra munhu loyi i Yesu; U huma eNazareta."

²⁰² Sweswi, a va ri na vito rin'we ntsena kwalahaya hi minkarhi ya vona. Ku kotisa, "John, Jim," va teri, "John loyi a humaka eJeffersonville, Jim a huma eNew Albany," kumbe kun'wana ko kotisa kwalaho, ma swi vona.

²⁰³ U teri, "Loyi I Yesu wo huma eNazareta. A swi tollovelekile niku pfumela leswaku manana wa Yena u tikisiwe hi socha." Wa vona? Kutani sweswo hi swona hakunene leswi a va pfumela swona. Hakunene! Kutani va vula leswaku, sweswi, "Loyi i Yesu wa Nazareta." Ma swi vona? "Hi Yena Mani xana?" Wa vona, a va nga swi twisisi Sweswo.

²⁰⁴ Kambe, hikokwalaho ka yini, Rito leri ra siku lero, loko A ri eku chumayeleni, a ku, "Lavisisani Matsalwa. Lawa eka Wona miehleketaka leswaku mi na Vutomi lebyi nga Heriki, kutani hi Wona lawa ya vulaka vumbhoni bya leswaku Ndzi Mani. Loko mi nga Ndzi pfumeli; Ndzi rivaleli, tani hi xifunengeto, pfumelani Rito leri ri taka. Vambirhi i timbboni," U teri, "Ndza vulavula nakona Tatana wa Ndzi vulavulela." Amen. Hi swona sweswo.

²⁰⁵ Ndzi vulavula hi Rito ra siku leri, nakona Tatana wa Ri tiyisisa. Xana sweswo i vumbhoni eka n'wina? [Nhlengeletano yi ku, "Amen."—Muhleri.] Hi byona, wa vona. Sweswo hi leswi swi faneleke ku hetiseka.

²⁰⁶ Xiyisisani eka Vakorinto va Vumbirhi sweswi, i...eka Vakorinto va Vumbirhi, eka kuavanyisa ka vu3, vhesa ya vu6, tempele ya khale leyi a yi ri yindlu ya Xikwembu leyi a yi ri endzhaku ka madzovo ya khale, kusuka eka Mayuda. Loko nguvu ya khale yi tava yi handzuriwile, hambi swi ri tano Mayuda...ma vile mabofu ku tiva leswaku Yena a ri Mani, ni leswaku Yena i Mani sweswi. Kutani Pentekosta yi paluxile leswaku hi xona Mani Xikwembu lexi xi hanyaka xa ntiyiso, loko nguvu yaleyo yi ta kerhiwa yi va swiphemu swimbirhi, hi Xikwembu, kusuka ehenhla. Hikokwalaho ka yini nguvu yi endle sweswo? Hikokwalaho ka yini swi endlekise xisweswo?

²⁰⁷ Hikokwalaho ka yini Hungu ro kotisa lero namunlha ri ta Ri ta endla leswi swi nga endliya xana? Ri tela yini? Hikokwalaho ka yini?

²⁰⁸ A kuri na un'wana loyi a ya eku ndzi vitaneni, siku rin'wana kona kwala kungari khale ngopfu, a lava ku phikizana na mina hi—hi nguvu ya kereke, leswaku, "Xikwembu xi le kerekene ya Xona yo kwetsima," na swin'wana swo kotisa sweswo. Ndzi vuye ndzi kuma leswaku i xichumayeri xa wansati, kutani ndzi swi rivarile. Wa vona, loko hi leswaku a kuri wanuna loyi a ya ekuveni kahle, a swi tava swi hambanile. Kambe, swingaleswi, swi pfuna yini ku ya etikweni rin'wana lahay, loko ndza ha fanele hi ku sukela nhlengeletano ndzi ya endla sweswo, ma swi vona? Swingaleswi ndzi lo va tshika va ri vox. Mabofu ya rhangela mabofu, hinkwavo—hinkwavo va ta wela egojini.

²⁰⁹ Swingaleswi, sweswi eka nguvu leyi, loko nguvu ya khale ya xidinominexini na ndzhavuko yi tava yi handzukile, kusuka eRitweni ra Xikwembu, leswaku Ri ta kota ku vonakarisiwa! Ma swi vona leswi ndzi swi vulaka? Mindzhavuko yi ri, "Hinkwaswo swilo leswi swi hundzile." Mi nge Ri nghenelela nyana swintsongo. "Swilo swi hundzile." Kambe, eka siku leri ro hetelela, nguvu yaleyo ya xindzhavuko yi handzuriwile hi le xikarhi, kutani lahwani ku yimile Langavi ra Ndzilo. Wa vona? Hi Loyi lahwani, a vonakarisaka Rito ra siku leri. Nguvu yi handzuriwile.

Sweswi, misava, hambi swi ri tano a va Ri pfumeli. A swi na mhaka leswaku yini, a va Ri voni. A va Ri voni. A Ri rhumeriwanga vona.

²¹⁰ Tsundzukani, N'wana wa Xikwembu a nga paluxiwanga eSodoma; varhumiwa vambirhi hi vona va nga paluxiwa. Hi swona sweswo.

²¹¹ Kambe, lexi, Xikwembu hi Xoxe endzeni ka nyama ya ximunhu xi ti paluxile eka Abraham, loyi a nga Muhalwuriwa. Nakona langutani leswi Xi nga swi endla loko xi tipaluxa hi Xoxe. Nakona Abraham u swi tivile, loko Xi tava xi tivile leswi a swi ri emianakanyweni ya Sarah endzhaku ka Xona, u teri, u N'wi vitane, "Elohim! Nandza wa Wena . . ."

²¹² Xiyisisani sweswi, leswaku swi nga ha kombisiwa. Rito ri vile na nguvu eka Rona eka malembe lawa hinkwawo, evanhwini, “Swi ngaka swi nga endleki.”

²¹³ Ma wu tsundzuka nchumayelo lowu ndzi nga wu chumayela ni mixo loko ndzi ta suka lahayani ro sungula, wa Goliath na Davida? Ndzi teri, “Langutani muntlhotlhí loyi a nga lahayá, a vulaka leswaku ‘masiku ya masingita ya hundzile.’”

Langutani tithepi ta vona loko ta ha ta, langutani yin’we, leswaku Yi tisa ku yini erivaleni nale rivaleni; loko mi ri na tindleve to yingisa, wa vona, mahlo yo vona.

Yini? Ndzi ku, “Lahaya ku yimile misava leyikulu ya vufundhisi lahayá, leyi yi nga eka nguva leyí ya xisayense, leyí yi nga taka yi nga swikoti.” Kambe ndzi teri, “Xikwembu...” Eka Rivoni lero, leri Ri nga tshama ri tekiwa, kambe kan’we; a ra ha tlhelanga ri tekiwa. A Ri ri ehansi lahayá enambyeni; a va kalanga va teka xifaniso xa Rona nakambe. Wa vona? Ndzi ku, “U ndzi byerile leswaku sweswo swi ta endleka; U ta endla ku vitana loku ku nga ta kukula matiko hinkwawo.”

²¹⁴ Hambi kuri eka Doctor Davis, u teri, “Wena, na mbulavulo wa dyondzo ya xikolo, u paseleke eka gredi ya nkombo, u ta khongelela tihosí na tindhuna, nakona u ta sungula mpfuxelelo lowu wu ngá ta kukula matiko?”

Ndzi ku, “Sweswo hi leswi A nga swivula.”

²¹⁵ Nakona swi endlekile. Wa vona? Wa vona, swi endlekile. Walowo i nchumu wa kona, i ku, A nga kali a lava toloki. U swi endlile. Wa vona, khale A swi endlile, sweswo swa titolokela hi swoxe, wa vona, u vitana Vahlawuriwa va Yena, wa vona, kusuka—kusuka eka ku famba hinkwako ka vutomi. Sweswi swi kombisiwile.

²¹⁶ Ndzi teri Davida u yimile lahayá, lontsongo, a ri ntsanana, nakulorhi wo lala na nhlana wa yena wo govekela endzeni, a khome xipelupelu evokweni ra yena. Kutani, hikokwalaho ka yini, Saul a n’wi languta, murhangeri wa nhlangano wa vafundhisi, a ku, “Hikokwalaho ka yini, wena, no leteriwa a wu leteriwanga!” U teri, “U nge ndzi vona loko hi leswaku ndzi nga ku nyika Ph.D. kumbe swin’wana.” N’wi ambexeni swiambalo leswi swa nyimpi, swi...A kuma leswaku a swi n’wi ringani wanuna wa Xikwembu.

²¹⁷ A ku, “Ndzi suseni swona.” A ku, “A ndzi tivi nchumu ha sweswo.” A ku, “Ndzi tshikeni ndzi fambisa leswi ndzi swi tivisaka xiswona, hilaha ndzi nga lwa na nghala ha kona, hilaha ndzi nga lwa na berhe hakona.” A ri wa muxaka wa munhu wa nhova. U teri, “Ndzi tshikeni ndzi famba hi ndlela leyí.”

²¹⁸ Kutani Goliath loyi wa khale a ku, “Mi ndzi rhumela mbyana leswaku yi ta lwa na mina xana?” A ku, “Ndzi ta ku rhwala hi le

makun'wini ya tlharhi ra mina ndzi hayeka ntshumbu wa wena lahaya ndzi fida swinyenyana ha wona.”

²¹⁹ Davida a ku, “U hlangana na mina tani hi Mufilista, u hlomile na tlharhi, kutani ndzi ta hlangana na wena hi Vito ra Hosi Xikwembu xa Israel.” Langutani muprofeta, Davida, a ku, “Namuntlha ndzi ta tsema nhloko ya wena yi suka emakatleni ya wena.” Amen! Oho, mina! A tiva leswi a ri na swona, leswi a swi pfumelaka, nakona a ti khorwisile a hetiseka leswaku Xa swikota ku hlayisa leswi a nga tiboha ka Xona. Wa vona? Swingaleswi swi humelerile hi ndlela yin’wana.

²²⁰ Vakhale va ri, “Masiku ya mahlori ya hundzile,” makhungumbhi ya handzukile ya wela ehansi! Yehovha wa ha yima a vonakala erivaleni, a kombisa Rito ra Yena, Leri ri nga fununguriwa. Hi swona sweswo. Xiyisisani.

²²¹ Kereke ya Vamatiko na yona yi bofu eka nguvu leyi, endzhaku kaloko yi handzukile yi kombisa Xikwembu, nguvu ya vufundhisi. Njhani? Hi ku funengeta Rito eka xivumbiwa xa ximunhu nakambe. Sweswo hi leswi Israel ri nga hluleka ku swi vona. Loko a kuri Ntsumi yin’wana kumbe swin’wana, Israel a ri tava ri Swi pfumerile. Kambe ku ngaka ku ngavi Ntsumi, ku fanele kuva munhu. Amen!

Xikwembu xi ngaka xi nga tshovi Rito ra Xona. Emasikwini ya makumu swi fanele ku va leswi swi fanaka nakambe. Wa vona? I yini lexi xi pfaleke Vaisrael mahlo? Wanuna yaloye. “I Wanuna loyi A ti endlaka Xikwembu.” Sweswo hi swona leswi va nga N’wi dlayela swona, nakona, namuntlha, hikuva Hungu ri ta hi munhu ku ngari Tintsumi. Wa vona? Xikwembu xi ngaka xi nga ncinci ndlela ya Xona, ku ncinka Rito ra Xona. Xi teri a Xi ncinci. Wa vona? Xiyisisani, xitshembhiso! Kutani Vamatiko ntsena va pfalekile mahlo namuntlha tani hilaha Israel a ri ri xiswona, hikokwalaho ka (yini?) ka nguvu. Xikwembu xi tifunengete endzeni ka xivumbiwa xa ximunhu, Israel ra bofu.

Xiyisisani, hi rin’wana ri nga tshama ri va bofu. Rin’wana, Ri pfala mahlo; hi hala tlhelio, Ri paluxa Ntiyiso. Ri ta pfala mahlo ya van’wana, kutani ri pfula mahlo ya van’wana.

²²² Langutani, Yesu u yimile a ku, “Kunene, vito ra wena hi—hi—hi wena Simon, nakona vito ra tatana wa wena i Yonas.”

A ku, “Hosi Xikwembu!” Wa vona? Filipi . . .

A ku, “U swi tive njhani?”

A ku, “Vonani Muisrael, loyi eka yena a nga riki na xisandzu!”

Hiloko a ku, “Rabi, U ndzi tive rini xana?”

²²³ A ku, “Filipi loko a nge se ku vitana, loko wa ha ri ehansi ka nsinya, Ndzi ku vonile.”

²²⁴ A ku, “Rabi, U N’wana wa Xikwembu. U Hosi ya Israel.”

²²⁵ Kunene, lahaya ku yimile vona valava, va ku, "Hi Yena Beelzebub." Wa vona? Xana Ri endla yini? Ri pfula tihlo ra un'wana, ri pfala ra un'wana. Xana vaprista va te yini? "Hikokwalaho ka yini, Munhu yaloye i Beelzebub!"

²²⁶ Wansati lontsongo u teri, "Ndza switiva leswaku Mesiya wa ta, loyi a vitaniwaka Loyi a nga na Ntoto. Wa vona, Loyi a nga na Ntoto wa ta. A hi kalanga hi va na vaprofeta . . . U fanele u ri yena muprofeta. Kambe Loyi a nga na Ntoto wa ta. Hi langutele Yena. Lawa i masiku yo hetelela eka Vamatiko . . . kumbe eka Mayuda." A ku, "Leri i siku ro hetelela." Wa vona, havumbirhi va Samariya na Mayuda a va langutele Mesiya. Wa vona? A ku, "Lowu hi wona nkarhi wa Yena wo humelela. Ha switiva, loko Yena a ta, u ta endla swilo leswi. U ta hi byela swilo leswi."

Yesu a ku, "Hi Mina."

Mahlo ya yena ya pfuleka; maphorisa, vaprista a va pfalekile mahlo.

²²⁷ Sweswo hi leswi minkarhi hinkwayo Evhangeli yi swi endlaka. Yi pfula mahlo ya van'wana, yi paluxa Ntiyiso eka van'wana, loko Ra ha pfala van'wana mahlo; ri na tinhlamuselo timbirhi. Van'wana va nga ha teka N'wana yaloye va languta ku kongomana na Rona, kutani va famba va pfalekile mahlo; van'wana va nga Ri teka va famba na Rona. Ri hambanile.

²²⁸ Tani hilaha swi endlekeke eka nguva yin'wana na yin'wana, Vukwembu a byi tifunengetile enyameni ya ximunhu. Xiyisisani, U swi endlile. Vaprofeta a va ri va Vukwembu, loku ku tifunengeteke. A va ri Rito ra Xikwembu (a hi swona xana?) ri tifunengete enyameni ya ximunhu. Swingaleswi, a va kalanga va n'wi tekela enhlokweni Muxe wa hina hambi swi ri tano, wa vona, Yesu.

²²⁹ Xiyisisani a ri tifunengete endzhaku ka madzovo ya khale ya mintini eka tempele ya khale, a kuri Rito, a ri ri Rito ri ti kombiseke ematafuleni ya maribye.

²³⁰ Sweswi, ndzi ta ringeta ku hatlisa hi kwalomu ka makume mbirhi wa timinetse sweswi, loko ndzi nga swikota, mi nge ndzi swi vekela hafu ku bile awara ya khume n'we. Xiyisisani, loko mi nga swi xiyisisa, ndzi pfurile mapheji man'wana lahwani, ma swi vona, ku papalata kusuka eka ku ri tsema . . . swingaleswi ndzi ta papalata ku ri tsema . . . ku ri lehisa. Ndza switiva leswaku ma hisa, mi karhele.

²³¹ Endzhaku ka tempele ya khale, eka nguvu, xana a kuri na yini endzhaku kwalahaya? Xana Yehovha a ri mani? I ncini lexi a xi tumbetiwile endzhaku lahaya? Xana nguvu a yi tumbete yini? Oho, haleluya! Xana nguvu a yi tumbeta yini? A yi tumbeta Rito. Nguvu, madzovo ya khale ya mintini, a ya tumbetile, ya tumbeta Rito emahlweni ya vona, hi ntumbuluko. Endzhaku lahaya, nakambe, a kuri na xinkwa xa xikombiso. Kwalahaya endzhaku, nakambe, a kuri na ku Kwetsima ka Shekinah. Kambe hinkwaro

a Ri tumbetiwile eka vona. Hinkwaro a Ri fihliwile. Hinkwako ku Kwetsima ka Xikwembu a kuri endzhaku ka dzovo lero ra khale ra ntini, hi swona sweswo, hinkwaswo a swi tumbetiwile eka tihlo ra ntumbuluko.

²³² Ri tano na namunlha, nakona. Ri vitaniwa “ntlawa wa va vumbuluki lavo kwetsima, vabayizani,” kambe a va switivi leswaku ku tumbetiwi yini halahaya endzhaku. Sweswo hi swona swi endlaka leswaku va nga switivi. Wa vona?

²³³ Kutani loko Xikwembu, hi tintswalo, xi va handzulela nguvu leswaku va ta vona, a va phutseriwile hi mindzhavuko ya vona va... a swa ha tumbetiwile eka vona, hambi kuri ku fika eka siku leri.

²³⁴ Swa fana na sweswi! Ku Kwetsima, Matimba ya Moya lowo Kwetsima, ku Kwetsima ka Shekinah loku ku taka ehenhleni ka mupfumeri, sweswi ndzi vula mupfumeri wa ntiyiso, sweswo swi endlile mintirho ya Xikwembu na ripfumelo leri ri taka eka yena, ku pfumela Rito ra Xikwembu, leswi hinkwaswo swi nga fihliwa emahlweni ya vona. Va ri, “Swilo swa vona swi hundzile.” Ma swi vona, hambi swi ri tano va ha hanya endzhaku ka nguvu.

A ma ha ri endzhaku ka nguvu yaleyo nakambe, N’wina lavantsongo, Xikwembu xi tile eku tivonakariseni erivaleni hi ku hetiseka eka n’wina.

²³⁵ Siku rin’wana, Makwerhu Fred Sothmann, Makwerhu Tom Simpson... A ndzi switivi loko a fikile lahawani kumbe a nga fikangi. Votala va hina a hi ri eka kereke ya Baptist, nakona muministara u vule swin’wana leswi a swi twakalaka swi twala kahle. Hinkwerhu ka hina hi teri, “Amen!” Un’wana na un’wana ekerekenei va yimisile tinhamu ta vona va languta endzhaku. Wa vona? Wa vona? Hi kumile nhlanhla lowu a wu huma endzhaku eka Shekinah kwalahaya, ma swi tiva, nakona a hi languteka hi tsakile ngopfu ku wu kuma. Hi teri, hi marito man’wana, “Ha Ku khensa, Hosi!” Wa vona? Nakona, loko va tava va swi endlile, vanakulorhi lava a va funengetiwile ntsena a vo swi hleka. A va nga switivi leswaku Ri yini. Wa vona? Va ha funengetiwile. Swingaleswi, swingaleswi ku na van’wana endzeni ni van’wana ehandle. Kutani swingaleswi... Kambe Xikwembu xi vonakala erivaleni eka hina, xi tumberile. Swa fana na sweswi!

²³⁶ Swingaleswi loko Xikwembu, eka tintswalo ta Xona, xi handzurile nguvu, Xi tisiwa erivaleni. Kambe, kambe a va phutseriwile hi mindzhavuko ya vona, a Xa ha ti fihlile eka vona.

Swa fana ni sweswi! Hinkwako ku Kwetsima kwaloko, ku tumberile, ku hi tumbeterile eka Kreste, ku nga Rito, Loyi a nga Tempele ya hina.

²³⁷ Oho, sweswi, ndzi ya eku celeni nyana kuya ehansi swintsongo. Ndzi khomeleni eka ku nyanyuka ka mina mixo lowu, kambe, oho, a ndzi—a ndzi lava ku swi nyika hi ku lehisa leswi, ndzi... ntsena swa tiboha eka mina. Wa vona?

²³⁸ Xiyisisani, hinkwako ku Kwetsima loku a kuri eka Xikwembu ku le Ritweni. Minkateko hinkwayo ley a yi ri eka Xikwembu yi le Ritweni. Ri tumbetiwile, eka loyi a nga pfumeriki, hi mindzhavuko. Ma swi vona leswi ndzi swi vulaka xana? Kambe hinkwaro ka Rona ri le ka Kreste. Hinkwaswo leswi Xikwembu a xi ri xiswona, *Xi tichulurile* hi Xoxe, “kenos,” kutani xi ta eka Kreste; kutani hina, eka Kreste, u le ndzhaku ka nguvu.

²³⁹ “Kunene, ndzi le ka Kreste,” mi ri. Kutani swingaleswi pfumela ke leswaku ku na Swikwembu swinharhu? Khuvula hi vito ra “Tatana, N’wana, na Moya lowo Kwetsima”? Pfumela eka mindzhavuko ley i hinkwayo ni leswi u pfumelaka eka swona, swa vakulukumba? Ee, wa ha ri endzhaku ka nguvu. Wa vona? Tana engubyeni. Yena, Kreste, i Rito.

²⁴⁰ “Njhani? A ndzi pfumeli eka ku hanyisiwa hi swa Vukwembu. A ndzi pfumeli eka mahlori ni swin’wana swo kotisa Wona.”

²⁴¹ Kunene, ma swi vona, a mi—mi le ndzeni, endzeni ka nguvu. A mi tivi nchumu ha Rona. Wa vona? Kreste i Rito! Kutani loko hi ri eRitweni, hi le ka Kreste. Nakona ndzi ngava njhani eka Kreste, ni ri karhi ni n’wi tsan’wa Kreste? Hi Yena loyi a nge teri, “Ku nga engeteriwi na rito na rin’we kumbe ku hunguta.” Xana u nga hunguta njhani kumbe u engetela eka rona, kwalaho xana? Wa vona, swi kombisa leswaku n’wina lava nguvu yi nga mi kuma yi mi funengetile. Wa vona?

²⁴² Hina hi nga eka Yena! Kutani hina, kuva hi ri endzeni ka Yena, ha ha funengetiwile eka va vukhongeri na vaprofeta va misava. Wa vona, ku Kwetsima loku hi nga na kona ni ku tiphina, ha ha funengetiwile eka vona ehandle. Va ehleketa leswaku ha “penga, hi nati,” nakambe. Wa vona? Wa vona? Sweswo hi swona. Kambe hina hi nga lahwani, eka Kreste, hi khuvuleriwa eka Yena, (Vakorinto vo Sungula 12), eka Yena, hiva va tekandhawu va ku Kwetsima loku. Wa vona? Kambe ku ngari ehandle; hambi swi ri tano ma ha langutisile endzeni, mi Ri tsan’wa. Wa vona?

²⁴³ Swingaleswi sweswi hi rhambiwa eka Yena, ku tava na xiave xa hinkwaswo leswi Yena a nga xiswona. Hi rhambiwa eka Yena, loyi a nga ti fihla eka lava va nga pfumeriki, hi nguvu ya nyama ya ximunhu. Wa vona? Va switiva leswaku ku Kwetsima kwaloko, va Ku hlhayile ha kona, Ku le Ritweni lahwani, “ku Kwetsima ka Xikwembu” na swin’wana swo kotisa sweswo, ntsena i rito eka vona. Eka hina, i ku vonakarisiwa! Wa vona? A ka hari rito; hi leswi swi humelelaka! Amen!

²⁴⁴ Xikwembu xi teri, “Lahaya a kuve niku vonakala,” lero a ri ri rito. Kambe sweswi ku na ku vonakala. A ka ha ri rito; i ku vonakala. Ma swi vona leswi ndzi swi vulaka?

²⁴⁵ Sweswi kova ntsena Rito leri tsariweke eka hina, ra hanya. Hi le ndzeni ka Yena. Sweswi ha tiphina. Sweswi ha N’wi

vona. Sweswi ha N'wi languta, a nga Rito, a ti kombisaka yena N'winyi. Ri tumbetiwile, ehandle lahaya, hikuva (hikokwalaho ka yini?) Ri funengetiwile enyameni ya ximunhu. Wa vona?

²⁴⁶ Oho, va ri, "Ntlawa walowo wa vanhu, xana vaye eka xikolo xihi? I—i dyondzo yihi ley i va nga na yona? Kwihi, xana—xana va huma kwihi? I—i—i ntlawa wihi lowu va nghanaka eka wona?" Wa vona? Haa! Wa vona, a va Ri kumi.

²⁴⁷ Wanuna un'wana u teri eka un'wana, siku rin'wana, a ku, "U fanele kuva wa dinominexini leswaku u tava Mukreste."

²⁴⁸ A ku, "Ndzi Mukreste; a ndzi ngheni na yin'we ya ton a." Ahaa. A ku, "Xikwembu xi susile mfukuzani ley i eka mina," a ku, "sweswi u ehleketa yini ha sweswo?" A kuri dokodela. U teri, "Ndzi kombi dinominexini ley iyi swi endlaka." Wa vona? Hi swona. Wa vona? Hambi swi ri tano Ra ha funengetiwile.

²⁴⁹ Hi le ndzeni ka Kreste. Sweswi, tani hi sweswo, hinkwavo vapfumeri vantiyiso va N'wi vona, a nga Rito leri ri tshembhisiweke ra siku leri, leri ri kombisiweke erivaleni. Lero i rito lerikulu loko mi nga ri kuma. Wa vona? Wa vona? Hinkwavo vapfumeri va ntiiyiso, lava va nga eRitweni, va vona Xikwembu erivaleni. Nguvu yi handzukile, na Xikwembu xi yimile erivaleni emahlweni ka n'wina, xi ti vonakarisa. Wa vona? Xikwembu, xi tivonakarisa, erivaleni.

²⁵⁰ Hi ku endlela ku endla leswi, nguvu ya hina ya khale ya mindzhavuko ya xidinominexini yi boheka ku handzuka nakambe. Hi ku endlela ku vona hakunene leswaku Ri yini, mi fanele ku huma eka maendlelo ya lawa. Wa vona? Mi ngaka mi nga swi endli; va ta tshamela ku koka nguvu ley i nga emahlweni ka n'wina, nkarhi hinkwawo, "Oho, ku hava nchumu eka Sweswo." Kambe lahawani Ri tsariwile, nakona lahawani Ra vonakarisiwa, ma swi vona. Wa vona?

²⁵¹ Sweswi, ku nga humeleta yini loko nakulorhi a ala ku languta dyambu, a ku, "Oho, lahaya, ndza switiva leswaku Xikwembu xi teri, 'Lahaya a kuve na ku vonakala,' kambe ku hava swo fana na sweswo. Ndzi tlhelela ehansi ekamareni ra le hansi. Ntsena ndza—ndza ala ku ri languta"? Munhu loyi wa vabya. Ku na swin'wana swi nga hoxeka ha yena.

²⁵² Ku na swin'wana swi nga hoxeka hi wanuna kumbe wansati, va nga ha vona xitshembhiso xa Xikwembu, ni ku Ri vona ri vonakarisiwa, kutani va ala ku Ri pfumela hikuva dinominexini yi kokerile nguvu ehansi. Wa vona, ri funengetiwile!

²⁵³ Hi ku endlela ku endla leswi, tinguvu ta mindzhavuko ya xidinominexini tiboheka ku handzuriwa, hi Moya wa Ndzilo wa Xikwembu na Ntlharhi, laha ku nga Rito ra Xona. Minkarhi hinkwayo Rito ra Xona i Ntlharhi ra Xona. Wa vona? Kutani Xi tekile Ntlharhi ra Xona siku lero, leri nga tala hi Ndzilo, kutani xi yi davula nguvu yaleyo kusuka ehenhla ku ya fika ehansi. Xa ha endla swo fana hi Ntlharhi reriya na namuntlha! Ku ngari

"mikhuva ya mina, buku ya mina ya mikhuva, khathechizim ya—ya mina." Kambe Ntlharhi ra Hosi, wa vona, ri davula nguvu kuya ehansi, kutani mi vona Xikwembu xi yimile erivaleni, xi ti vonakarisa eka Rito ra Xona. Xana i ku kwetsima ka njhani loku hi ku langutaka! Wa vona? Swikahle. Moya lowo Kwetsima wa Xikwembu na Ndzilo, Ntlharhi ra Xona, wa yi davula. Rito ri davula nguvu ya xidinominexini.

²⁵⁴ Kunene, loko ntsena i ku, "Rito," nakona Rito a ri tirhi? Hi byihi vukahle bya Ntlharhi kuva ri ri lahawani, niku vula leswaku, "Ri ngaka ri nga davuli xana"? I ku, "Ahaa," nakona ri ngaka ri nga davuli?

²⁵⁵ Kambe loko u veka Ntlharhi ra Xikwembu ehenhla lahaya nakona u hlalela ku davula ka yena, u—u khomiwe hi voko lerri nga xiximiwa ku endla sweswo. Wa vona, ri davuli ri pfuleka, kutani kwalahaya U kona. Lahaya ri kombisa Xikwembu erivaleni, Yehovha lonkulu. Lero i Rito ra Xona ri kombisiwaka, xiphemu lexi xi tshembhisiweke xa siku leri. Ma Ri kuma xana? Wa vona? Loko Ntlharhi, leri nga tshembhisiwa namuntlha, eka siku leri, hilaha ri fanele kuva ha kona, nakona Xikwembu xi teka Ntlharhi ra Xona xi davula nguvu ya xidinominexini xi yi kokela endzhaku, kutani xi ti vonakarisa xona N'winyi niku kombisa leswaku Xi kona, xa ha ri Langavi lero ra Ndzilo. Xiyisisani, lero i Rito leri ri vonakarisiweke eka switshembhiso swa namuntlha.

²⁵⁶ Ha Ri vona tani hilaha Petro a swi endleke loko a te, "Hosi, xana hi taya eka mani, endzhaku ka ku vona Leswi?" Xana hi taya eka mani? Hi yihi kereke leyi hi nga ta yi joyina xana, loko hi tswaleriwile eka Yin'wana xana? Wa vona? Xana u nga... Hi yihi dinominexini leyi u nga ta yi joyina endzhaku kaloko u tivile Mintiyiso leyi, wa vona, loko va (un'wana na un'wana) Ri arile xana? Un'wana na un'wana wa vona! A ndzi kumanga na un'we loyi a nge kumbe endla swin'wana swa Rona. Hi swona. Hi swona sweswo.

²⁵⁷ Ndzi sungurile marendzo lawa ehansi lahawani, laha tikereke ta makume mune-mbirhi ti ri endzhawini yin'we a ti ri vaseketeri; loko ndzi fika kwalahaya, a ndzi ri hava na yin'we. Un'wana na un'wana wa vona u teri, "U pfumela eka xisirhelelo lexi nga riki na Makumu." Sweswo swi endlile leswaku va nawu va huma. Un'wana u teri, "U khuvela hi Vito ra Yesu." Sweswo swi endlile leswaku hi vunyingi bya vona va huma, wa vona. Swinqaleswi, un'wana wa vona u teri, "U pfumela eka mbewu ya nyoka. Nyoka yi hava mbewu!" Sweswo swi...

²⁵⁸ Bibele yi teri, "Ndzi ta veka ku vengana exikarhi ka Mbewu ya wansati na mbewu ya nyoka." Wa vona? Wa swivona kwalahaya?

²⁵⁹ Yi, ngu—ngu nguvu, yi susiwile eRitweni. Wa vona? Sweswo hi swona. Ri paluxeriwela vana. Yi—yi tlakusiwile. Va Ri vona.

Nakona swi tava tano, tani hilaha un'wana a ngeteri... Sweswo hi swona. Swingaleswi swi tava tano, tani hilaha un'wana a ngeteri, "Loko mi swi vona," loko nguvu leyi yi susiwa eRitweni, mindzhavuko yi susiwa eRitweni, tani hilaha Yesu a ngeteri, "loko mi vonile Mina, mi vonile Tatana." Wa vona? Xikwembu na Rito ra Xona i swin'we. Sweswi ma swi twisisa xana? Loko Rito ri kombisiwile, xana Ri yini? Wa vona?

²⁶⁰ Yesu u teri, "Lavisisani Matsalwa, lawa eka wona mi ehleketaka leswaku mi na vutomi lebyi nga H-... Loko mi pfumela eka Xikwembu, pfumelani nale ka Mina. Loko Ndzi nga endli mintirho ya Tatana wa Mina, swingaleswi mi nga Ndzi pfumeli. Kambe loko Ndzi yi endla mintirho, Mina na Tatana wa Mina hi un'we. Loko mi vonile Mina, mi vonile Tatana."

²⁶¹ Kutani loko mi vona Rito ri vonakarisiwa, mi vona Tatana, Xikwembu, hikuva Rito i Tatana. Rito i Xikwembu. Nakona Rito, ri kombisiwile, i Xikwembu hi Xoxe xi tekaka Rito Leri ri nga Xona xi Ri vonakarisa exikarhini ka vapfumeri. Ku hava lexi xi nga Ri endlaka ri hanya handle ka vapfumeri, ntsena vapfumeri. A swi tano... Ri ngaka...

²⁶² U nga ha teka koroni u yi byala eka—eka—ka misava yo hambana, yi ngaka yi nga kuli. Kambe, yini, yi ta fanela kuva na manyoro nyana lawa ya nga ta yi kurisa. Kutani loko kuri hava—loko kuri... loko manyoro emisaveni ma nga ri kona—ma nga ri kona, koroni yi ngaka yi nga mili eka manyoro ya lawa, yi ngaka yi nga kuli. Swingaleswi a swi na mhaka ni leswaku Rito ri wela kwihi, loko Ri nga weli eka muxaka wa kahle wa mbilu...

²⁶³ Yesu u vule tano. "Tin'wana ti wela etlhelo ka ndlela, emisaveni ya maribye, kutani tinyenyani ta tilo ti ta ti dya." Kutani A ku, "Tin'wana ti wela emitwени na mahlwehlwe, laha ti nga kula ti ri karhi ti tlhaviwa," mindzhuvukuo, tidinominexini, swihlaysiwa swa misava swi Ri tlhava. Kambe a ku, "Tin'wana ti wela eka misava ya kahle kutani ti kula ti tswala," a ku, "walowo i Mfumo wa Xikwembu."

Swa ha fana, wa vona, van'wana va ngaka va nga pfumeli eka hinkwaswo.

²⁶⁴ Van'wana va ta pfumela nyana, tani hi vadyondzisiwa. Va N'wi landzerile, votala va vona, va makume nkombo va N'wi landzerile ku ringana malembe, u kuma leswaku; kwalomu ka lembe na hafu, kumbe malembe mambirhi; i kuma leswaku, ku kondza loko va kuma swin'wana eka Yena, swin'wana... tani hi ndlela yin'wana leyi A ri na matimba man'wana yo endla swilo leswi, kumbe kukotisa nkondzo wa mpfundla, un'wana wa masalamusi ya muxaka wun'wana, hilaha A nga endlaka ha kona ku humelerisa swilo leswi, hilaha A swi tivaka hakona leswi swi nga etimbilwini ta vanhu ni leswi va swi ehleketaka. Nakona ekuheteleleni va kume leswaku leswi A nga swivula leswaku U

“huma eMatilweni,” A “ri Rito yena hi Yexe.” Kutani loko va endlile sweswo, sweswo a swi tele ngopfu eka vona. Va teri, “Ku hava munhu loyi a nga ta swi twisia Leswi.” Kutani va fambile va N’wi siya. Valavo hi lava va nga wela emimitweni.

²⁶⁵ Ri vuyisela endzhaku swo fana, eka nhlengeletano yin’wana na yin’wana, mi na lava va ripfumelo ro tiendlisa, lava nga pfumeriki, na vapfumeri. Swi le ka nhlengeletano yin’wana na yin’wana. Wa va kuma nkarhi hinkwawo. Van’wana va vona va ti endla tani hiloko va pfumela, walowo i muxaka lowu nyanyeke. Nakona va na lava kahleakahle va nga riki vapfumeri; a ngaka a nga mi karhati, u ta ti fambela ntsena a ri karhi a ti pfumelela hi nhloko. Kambe lava va ripfumelo ro ti endlisa, va tivulaka leswaku hi vona vapfumeri, walowo i muxaka wun’wana, walowo i muxaka lowu u nga ta wu hlalela, hi vona lava va ripfumelo ro tiendlisa. Nakona ku na van’wana va vapfumeri va xiviri. Ma va vona va ri vanharhu lahaya?

²⁶⁶ Kuna lava va nga pfumeriki. Tani hiloko A ku, “Dyanani Nyama ya N’wana wa munhu,” oho, munhu, sweswo a ku ri swona!

²⁶⁷ Lavan’wana a va ri va ripfumelo ro tiendlisa. Va tshamise xisweswo, ntsena tani hi Yudas a swi endleke, ku ya fika emakumu.

²⁶⁸ Kambe vapfumeri va xiviri, va ngaka va nga Ri hlamuseli, kambe va Ri pfumela, hi ndlela yin’wana. Va yile emahlweni.

²⁶⁹ Nguvu, mindzhavuko ya lava va nga pfumeriki, yi susiwile, u vona Xikwembu. Loko nguvu ya mindzhavuko yi tava yi susiwile, u ta swivona leswaku Xikwembu xa ha ri Xikwembu xa Rito ra Xona. Xa ha hlaysia Rito ra Xona. Hi Xona—hi Xona Xikwembu, Mutsari wa Rito ra Xona.

Leri ri nga tumbetiwa endzhaku ka swifunengeto swa madzovo, eka van’wana. Ina, sweswo hi swona. Eka vona lava va nga taka va nga fiki endzhaku ka nguvu, Xa ha ri endzhaku ka swifunengeto swa madzovo.

²⁷⁰ Xiyisisani. Kutani, hina, hi va xiave xa Yena, tani hiloko mi ri xifunengeto lexi xi nga Xi funengeta. Mi xiphemu xa Xona, ntsena loko Kreste a ri eka n’wina, tani hilaha Kreste a ri wa Xikwembu. Hikuva Xikwembu a xi ri endzeni ka Yena, xi N’wi endla Xikwembu. Nakona tani hilaha Kreste a nga eka n’wina, ku tshembha ka ku Kwetsima, mi va xiphemu xa Kreste. “Loyi a pfumelaka eka Mina, mintirho leyi Ndzi yi endlaka u ta yi endla na yena.” Wa vona? Mi va xiphemu xa Kreste ntsena loko Kreste a tumberile eka n’wina. Swingaleswi swi funengetiwile eka loyi a nga pfumeriki, kambe ma switiva leswaku U le kan’wina. Mi tempele ya Kreste leyi yi nga endzhaku ka xifunengeto, ku nga nhlonge. Kutani hi tano, hiku... Endzhaku, hikokwalaho ka xifunengeto lexi, xifunengeto nakambe eka nyama ya ximunhu, xi ti tumbeta Xikwembu (ku nga Rito) eka loyi a nga pfumeriki.

²⁷¹ Tani hilaha swi tsariweke, wa vona, “Ku tsariwile, mi tsariwile vuapostola,” Bibele yi vule tano. Sweswi, xana *apostola* i yini? I “rito leri nga tsariwa.” Kutani hi n’wina lava “tsariweke.” Hi marito man’wana, mi Yi hlaya hi ndlela ley, “N’wina,” Yi ri, “mi tsariwile vuapostola,” kumbe, “mi Rito, leri ri nga tsariwa, ri kombisiweke,” ku hava lexi xi nga engeteriwaka eka Rona. Mi ngaka mi nga ku, “Ndzi muapostola loyi a tsariweke,” nakona u hanya hi ndlela yin’wana ya swin’wana kambe *Leswi* khale swi tsariweke, [Makwerhu Branham a bambetela Bibele ya yena—Muhleri.] hikuva ku hava leswi swi nga ta engeteriwa kumbe ku hungutiwa.

²⁷² Tani hilaha Doctor Lee Vayle a nga ekutsaleni ka buku ley i ya ndhumu, ndzi mi lava leswaku mi yi vona endzhaku nyana. Makwerhu Vayle u kona kwalahawani, u le timpalen i kun’wana. Ndza n’wi vona ehandle. A ndzi ehlaketi leswaku u ta nghena. Kambe u le ku tsaleni ka buku kwalahaya, nakona—nakona yi hlamarisa ngopfu, i ya Nguva ya Laodekiya. Nakona ndza mi lava . . . Yi ta humesiwa ku nga ri khale ngopfu. Swingaleswi, ha hari eku yi hlayeni ro hetelela sweswi. Nakona a ri eku yi tsaleni, nakona a hi ri eku burisananeni ha Yona kwalahaya, wa vona, hi . . .

²⁷³ Un’wana na un’wana a tshamela kuta eka mina, a ta ku, “Makwerhu Branham, tindlati ta vona ta nkombo laha rito ri nga pfuma, nakona A ku, ‘U nga Ri tsali, wa vona, kambe Ri pfali,’” a ku, “teto i tindlati ta nkombo leti ti nga ta paluxiwa emasikwini ya makumu, wa vona, tindlati ta nkombo leti ti nga ta hi byela?” Sweswi, sweswo swi twakala swi nga twali kahle xana? Wa vona? Kambe languta leswi u vulavulaka hi swona loko u vula sweswo.

A ku, “U ri vona lero leswaku u nga Ri tsali.” Wa vona? Tindlati leti ta nkombo loko ti twakarisa marito ya tona, wa vona, kutani A ku, “U nga swi tsali sweswo, wa vona, kambe Ri faneriwe hi ku lemeriwa eBukwini ku kondza ku fika masiku yo hetelela.”

²⁷⁴ Sweswi un’wana a ri ekuvuleni, votala a vari ekuvuleni eka mina, kutani va ntivo-vukhongeri va teri, “Makwerhu Branham, loko Hosi Xikwembu . . .” A ku, “Loko—loko . . . Na ntokoto wa wena, lowu Hosi yi nga ku nyika wona eka vanhu va Yona,” hi kutitsongahata ndzi vula leswi, a ku, “u tava u ringanerile hi ku—ku tsala Bibele wena hi wexe, Rito ra wena, loko Xikwembu xi tivonakarisile.”

²⁷⁵ Ndzi ku, “Walowo wu nga hava wu ri ntiyiso.” Wa vona, a ri eku ringeten i ka ku ndzi khoma. Wa vona? Kutani ndzi ku, “Kambe, wa swi vona, ndzi ngaka ndzi nga swi endli sweswo.”

A ku, “Hikokwalaho ka yini u nga swi endli? U na swilaveko hinkwaswo musi.”

²⁷⁶ Ndzi ku, “Kambe, languta, rito rin’we ri ngaka ri nga engeteriwi kumbe ku hungutiwa.” Wa vona?

²⁷⁷ Kutani a ku, “Kunene, kutani, tindlati ta kona ta nkombo, ma swi vona,” a ku, “xana hi tona tindlati ta kona ta nkombo ti bulukaka, a hi yona Nhlavutelo yaleyo yi nyikiwaka wanuna un’wana xana?”

²⁷⁸ Ndzi ku, “Ee, nkulukumba, kutava ku ri ku engetela swin’wana eka Rona kumbe ku hunguta Swin’wana eka Rona.”

²⁷⁹ Hinkwaswo swi paluxiwile endzeni Kwalahaya, na Swilemo swa Nkombo swi pfuleriwa nhlavutelo wa leswi Sweswo swi vulaka swona. Sweswo hi leswi a swi ri xiswona. Wa vona, swa ha ri eRitweni. Ma swi vona, u ngaka u nga humi eRitweni lero. Wu ngaka wu nga siyi Rito. Na Moya wa Xikwembu wu ngaka wu nga siyi Rito lero. Wu ta tshama na Rito; wu pfala van’wana mahlo, wu pfula mahlo ya van’wana. Wu ta endla sweswo minkarhi hinkwayo.

²⁸⁰ “Mi tsariwile vaapostola, leswaku mi hlayiwa hi vanhu hinkwavo.” Kumbe, mi tano...Ndzi hundzuluxela Sweswo, ndzi swi hundzuluxa swi va hi ndlela leyi, wa vona, ntsena Ri hundzuluxi, “Mi vaapostola lava va nga tsariwa,” hikuva a mi nge swikoti ku engetela swin’wana eka Rona, “sweswo swi hlayiwa hi vanhu hinkwavo; Rito ra Xikwembu leri ri kombisiweke,” hi marito yan’wana.

Kutani Petro na Yohana, ku swi kombisa, loko va tava va yile ehenhla lahaya, va ti khorwisile leswaku hi lava va nga tiviki nchumu ni kuva va nga dyondzanga, a va ri hava dyondzo, kambe va tekele swin’wana enhlokweni leswaku a va ri na Yesu. Wa vona? A va nga tivi nchumu ni kuva va nga dyondzanga, kambe a va tsariwile vuapostola, wa vona, va hlayile sweswo swa kuri a vari na Yesu. Hikuva, Yesu a ri eku tivonakariseni yena hi Yexe ha vona, Kreste a ti funengetile enyameni ya vona; a ti kombisa, a ti endla la hanyaka.

²⁸¹ Kukotisa loko Xi ri eka Muxe. Loko Rito ri ri eka Muxe, a ri Xikwembu enyameni. Loko ri Ri eka Yesu, a Ri ri Xikwembu enyameni. Wa vona? Nchumu lowu Xi nga wu endla a kuri ku ncinka maska ya Xona, ku ngari Rito ra Xona, ku ngari ntumbuluko wa Xona. Wa ha ri Yena wa tolo, namuntlha, ni hilaha ku nga heriki. Ntsena Xi ti ncinka xivumbeko xa Xona ntsena. Xi ti ncincile kusuka eka Nowa kuya eka Muxe; Xi ti ncincile kusuka eka Muxe ku ya eka Davida; kusuka eka Davida, Yosefa; ku ya ehansi kufikela laha Xi taka eka ku hetiseka ka miri wa vukwembu bya Xikwembu. Wa vona?

²⁸² Xa ha ri Xikwembu xexiya! Amen. Amen. Ndzi pfumela leswaku swa nghena sweswo. Wa vona? Xa ha ri Xikwembu xexiya, kambe ntsena Xo teka xifunengeto xin’wana. Wa vona, Xo ti funengeta xifunengelo xin’wana.

²⁸³ Xi swi endlile eka marhifomas, xi tifunengeta, xi tifunengeta. Ku kondza, ekuheteleleni, Ri xikelaka ehansi hi nguva ya Luther, kuya ehansi eka nguva yin’wana, kutani

ekuheteleleni Ri ta ri humelela eku Hetisekeni. Ntsena loko Ri nga se ta, muprofeta a pfuka nakambe. Xana u endla yini, u kombisa Rito, a kombisa endzhaku lahawani, a paluxa leswi swi nga endleka, leswi swi nga sala, leswi Kereke yi swi pfumalaka...yi ngariki na ku pfumala ku twisia. Kutani loko leswi swi hundza, kutani, tani hilaha Yohana a ngeteri, “Ndzi fanele kuya ehansi, Yena a ya ehenhla,” kutani xikan’we-kan’we swi ta eka Yena. U ti vonakarisile hi ku hetiseka, hi Luther, Wesley, na hi nguva ya Pentekostal, na kuya ehansi, nale hansi, U ti vonakarisile hi ku hetiseka, ma swi vona, ku ta ehansi, ntsena ku ti vonakarisa, Xikwembu xi ti tlharhamula: Mi Xi vona (Sweswi, xiyisisani.) ku hetisisa switshembhiso swa Xona swa siku *leri*, tani hilaha *va* nga na swona.

²⁸⁴ Kutani Muxe a ri Rito hi siku lero, hikuva Rito ri nyikiwe yena hi siku lero; Muxe. Yosefa a ri Rito hi masiku ya yena, a ri xifaniso xa Kreste hakunene. Wa vona, un’wana na un’wana wa vona a ri Rito.

²⁸⁵ Kutani loko Yesu a ta, A ri Rito hi ku hetiseka ka Rona, hikuva makungu hinkwawo ya ku kutsula a ya ri eka Yena. Makungu hinkwawo ya ku kutsula a ya ngari eka Muxe, a ma ngari eka Yosefa, a ya ngari eka Eliya. Wa vona, ntsena a vo va xiphemu xa Rito, va ri karhi va kombetela eka Rona. Wa vona? Sweswi xiyisisani, hlayisani miehleketo ya n’wina; lahawani Ra ta, tani hilaha ndzi vulaka. Wa vona, makungu hinkwawo a ya ngari eka vona. A va kongomisa eka Rona.

²⁸⁶ Swingaleswi, endzhaku ka Yena, ku nga ku Hetiseka, a hi nge he kombeteli eka swin’wana. Ri kombetela endzhaku eka Yena, ku nga Rito. [Makwerhu Branham a tlakula Bibele ya yena—Muhleri.] *Leyi* hi yona Nhlavutelo leyi yi hetisekeke; kuhava lexi xi nga engeteriwaka kumbe ku hungutiwa eka Yona. *Kuna* Nhlavutelo lowu wu hetisekeke. Hinkwaswo sweswo, ndzhuti wa Yena lowu wu nga ta ta; kambe loko A ta, A ri loyi a Hetisekeke. Vaheveru 1, “Xikwembu eminkarhini ya khale xivulavurile na vatatana hi vaprofeta,” Xikwembu xivulavurile xi ri eka swifunengelo, ku nga vaprofeta, “kambe eka masiku lawa yo hetelela xivulavula hi N’wana wa Xona, a nga Yesu Kreste.” Kwalaho mi nga kona. Xi ti funungula lahaya eXihambanweni, N’wana wa Xikwembu, a ti funungula.

²⁸⁷ Xiyisisani, “ri ti endle ri hanya.” Nakona, namuntlha, loko Rito ri vonakarisiwile eka swibye swa ximunhu, swifunengeto, hakunene i Rito ri hetisekaka hi siku lero, laha ri tlhelelaka endzhaku eka Xikwembu. Hi ku khuvuleriwela eka Yena, kuya hi Vakorinto vo Sungula 12, hi va lava hi tiviwaka na Yena. Amen.

²⁸⁸ Ndzi teri hafu ya awara, kambe ndzi nga ha lehisa nyana swintsongo xana? [Nhlengeletano yi ku, “Amen.”—Muhleri.] Wa

vona? Langutani, ntsena a ndzi nge swi siyi leswi swi nga lahawani. Xiyisisani, ku ti xakahata na Yena!

²⁸⁹ Sweswi xiyisisani. Xana i vangani va tshami va Amerika lahawani? Yimisani mavoko ya n'wina. Hi swona, mi va tshami va Amerika, swingaleswi mi ti xakahata na tiko leri. Hinkwaswo leswi tiko leri ri nga xiswona, mi boheka kuva swona. A hi swona xana? Mi ku kwetsima ka rona hinkwaro ni kuva mi ri tingana ta rona hinkwato. Mi xakahatiwe na rona. Mi ma Amerika, swingaleswi mi teka eka Amerika. Haleluya!

²⁹⁰ A ndzi ri na George Washington loko a tsemekanya Delaware. Ndzi tiviwile na yena. Hi swona sweswo. A ndzi ri na Abraham Lincoln eGettysburg Address. A ndzi yimile kwalahaya. A ndzi ri na masocha eGuam, n'wina majaha, loko mi ta yimisa mujekwe walowo. A ndzi ri kona kwalaho. Ndzi mu-Amerika; ndzi xakahatiwa na rona. Amen. Sweswi, kuva mu-Amerika, hambi tingana ta yena ti njhani eka Nhlungo-vuhosi, ndza ti byarha, hikuva ndzi mu-Amerika. Hi swona sweswo.

²⁹¹ Kutani tani hi Mukreste, ndzi tiviwa na Yena. Amen! A ndzi ri na Nowa loko a nghena endzeni ka ngalava. A ndzi ri na Muxe loko a huma eEgipta. Amen! A ndzi ri na Eliya eNTshaveni ya Kamele. Ina, nkulukumba! Ku Kwetsima a kuve eka Xikwembu! A ndzi ri na yena loko a ta endla sweswo. Hi ntiyiso a ndzi ri na Yena, ndza ti xakahata hi vumina eka rifu ra Yena eXihambanweni loko ndzi ta fela swilo swa misava, eka mina nale ka mindzhavuko hinkwayo. Ndzi tiviwile na Yena. Ndzi tiviwile na Yena hi mixo wa Paseka loko A ta pfuka ekufeni. Ndzi tiviwile na Yena hi Siku ra Pentekosta, loko Moya lowo Kwetsima wu ta xikela ehansi kukotisa xihuhuri xa matimba. Ndzi tiviwile na Yena. Hinkwaswo leswi Yena a ri xiswona ndzi xiswona, hinkwaswo leswi ndzi nga xiswona U xiswona; amen, kuva hi fele eka Yena hi tiviwa na Yena. Leswi A nga xiswona ndzi xiswona. Amen!

²⁹² Leswi tiko leri ri nga xiswona ndzi xiswona. Ndza tinyungubyisa ku va xisweswo. Ndzi tilulamiserile ku byarha tingana ta rona. Ndzi tilulamiserile ku byarha kusoriwa ku va ndzi ri mu-Amerika. Hi swona sweswo. Kambe ndzi ha ka mbirhi eka sweswo eka Yesu Kreste! Hinkwaswo leswi A nga tshama a va xiswona ndzi xiswona. Ndzi tsakela ku tiviwa na Yena.

²⁹³ Vaapostola va vona, loko va vuya, a va ehleketa leswaku... a va endliwe swihlekiso, niku vitaniwa hinkwaswo, a va ehleketa leswaku i ku xiximiwa ku byarha swisolo swa Vito ra Yena.

²⁹⁴ Ndzi tsakile namuntlha tani hilaha ndzi nga un'wana wa vona, kuva ndzi tiviwile na Rito, laha ku nga Kreste. Ku tiviwa na Yena! Kuva u khuvuleriwela eka Yena, hi va lava hi tiviwaka; hi tiviwa hi ku fana na Yena, hi tiviwa na Rito ra Yena, leri ku nga Yena. Loko ndzi ri eka Kreste, ndzi Rito ra Yena; hikuva hi Yena Rito, kutani leswi A nga xiswona ndzi xiswona. Amen!

Ma Ri kuma xana? [Nhlengeletano yi ku, “Amen.”—Muhleri.] Hi swona.

²⁹⁵ Rito ri vonakarisiwile, kumbe ri paluxiwile eka Nhlavutelo yaleyo yi nga lahaya, kutani sweswo swi ndzi veka kwihixana? Loko A ri ku Kwetsima kwaloko ka Shekinah, ndzi xiphemu xa Kona. Amen! Oho! Amen! Hi swona sweswo. Rito hi Roxe ri ti paluxile, ri tipaluxile hi Roxe.

Ehleketani! Swihundla swa Xikwembu swi tivisiwile eka hina eka siku leri, hi Murhumwi wo fana ni ya luya wa le Matilweni loyi a nga ti tivisa eka vona emasikwini ya vona; xiyisisani, Langavi leriya ra Ndzilo leri ri nga rhuma Muxe; Langavi leriya ra Ndzilo leri a ri ri eka Muxe ri tsarile Bibele; Langavi leriya ra Ndzilo leri Paul a nga hlangana na rona epatwini ro ya eDamaska.

²⁹⁶ Nakona Paul u tsarile Testamente Leyintshwa. Tsundzukani, Matewu, Marka, Luka, na Yohana, va tsale ntsena leswi a va swivona; kambe Paul a ri na Nhlavutelo. U Yi kokile a yi humessa, hikuva a hlanganile na Langavi ra Ndzilo, yena hi yexe. Nakona ehleketani, ku fana . . .

²⁹⁷ Lahaya, Yosefa, hinkwavo va tsarile leswi a swi ya emahlweni, un’wana na un’wana u tsarile hi siku lero. Kambe loko Muxe a ta eka xivono, a ri na Nhlavutelo. U hlanganile na Langavi ra Ndzilo, nakona Ri paluxiwile eka Muxe hilaha Genesa yi nga hakona. U tsarile tibuku ta mune to sungula ta Bibele, Muxe u swi endlile. A hi swona xana? Hikwalaho u hlanganile na Xikwembu hi xivumbeko xa Langavi ra Ndzilo, xi ti funengetile endzeni ka Langavi ra Ndzilo.

²⁹⁸ Loko Paul a ta hlangana na Yena epatwini . . . Vadyondzisiwa ntsena va tsarile leswi va nga N’wi vona loko a swi endla, kambe Muxe a ri na Nhlavutelo; u yile eEgipta ku ringana malembe ya nharhu yo ya dyondza, ni kuva a vona Xikwembu xexo xa Testamente ya Khale leswaku a ri Yesu wa Leyintshwa, a nga Nhlavutelo! “A ndzi alanga xivono xa le Tilweni.” Hi swona sweswo. Hi swona!

²⁹⁹ Kutani ehleketani ha Rona! Langavi ra Ndzilo reriya ri nga ta ehenhleni ka wanuna loyi a nga tsala Bibele, ra ha ri Langavi reriya ra Ndzilo leri nga lahawani, namuntlha, ri hlamuselaka Bibele. Amen! Hi N’wi khensa njhani ha sweswo! Swa fana! I ku chavezela ka njhani! I vutitivisi byihi! Ndzi tsakile kuva ndzi tiviwa ha sweswo, a ndzi tivi leswi ndzi nga swi endlaka! Swa antswa ndzi tiviwa eka Sweswo kutlula hinkwavo Mabaptist, Methodist, Prebyterian, Lutheran, na hinkwavo ka vona. Va tiviwile eka Rito lero laha ku Kwetsima kwaloko ka Shekinah na Nhlavutelo ku nga kona!

³⁰⁰ Langavi ra Ndzilo ri humelela ri vonakala exikarhi ka hina, ri tivisa leswaku Hungu lero i ra ntiyiso, tani hilaha A swi endleke eNTshaveni ya Sinai. Tsundzukani, loko hungu ra

ntiyiso ri nga se fika, Muxe u chumayerile a tlhela a va humesa eEgipta; kambe kwalahaya, loko milawu ya ntiyiso yi nga se humesiwa (Swilemo a swi nghenisiwile), Xikwembu xi xikele ehansi emahlweni ka vanhu niku khorwisa leswaku Muxe a rhumeriwile hi Xona, (a hi swona xana?) hi Langavi ra Ndziro leri Muxe a nga vula leswaku u ri vonile exihlahleni ri vulavula na yena.

³⁰¹ Oho, eka masiku lawa yo hetelela, ku vona Langavi lero ra Ndziro exikarhini ka hina, ri vulavula Rito reriya; kungari sweswo ntsena, kambe ku Ri toloka hi ku Ri vonakarisa, na ku Ri khorwisa leswaku, Ri Ntiyiso.

Swingaleswi, vanhu va hava na ndlela na yin'we leyi va nga taka va nga pfumeli ha yona, handle kaloko va swi tsakerisa xisweswo. Nakona, kutani, “Loyi a dyohaka hi vomu endzhaku kaloko a tivile Ntiyiso, a ka ha ri na mhamba yo susa xidyoho.”

³⁰² Xiyisani, Langavi reriya ra Ndziro ri nga rhumeriwa eka Muxe na Paul, lava va tsaleke Bibele, sweswi va rhumeriwile ku ya Ri paluxa. Tintswalo ta Xikwembu, Xikwembu lexi xi nga ncinciki, xi hetisisa switshembhiso swa Matewu 28, “Kutani vonani, Ndzi na n'wina hi masiku hinkwawo”; ku hetiseka Mukwetsimi Yohana 14:12, “Mintirho leyi Ndzi yi endlaka, mi ta yi endla na n'wina”; ku hetiseka Mukwetsimi Luka 17:28-29, “Emasikwini ya makumu N'wana wa munhu u ta paluxiwa,” wa vona, wa vona; Malakiya 4, “Vonani, Ndzi mi rhumela muprofeta Eliya, loyi a nga ta tlherisela Ripfumelo ra vanhu ri tlherisiwela endzhaku eka Rito ro sungula.” Wa vona? Hi laha leswi... Wa vona? Oho, mina!

³⁰³ U file, leswaku yena hi Yexe a ta ti paluxela hina. Sweswi a hi feni eka vuinha, leswaku hi N'wi paluxela van'wana. A hi feni eka mindzhavuko na swin'wana, ku ta N'wi paluxela van'wana. Hi fa eka tidinominexini, leswaku hi N'wi paluxela van'wana.

³⁰⁴ Xiyisisani, tempele ya khale a yi ri eka ku Kwetsima ka Shekinah, na ku Vonakala ka Shekinah kuva eRitweni. Rito i Mbewu; Ri tisa xinkwa xa xikombiso eka vapfumeri ntsena. Ngati nakambe a yi ri ehenhleni ka ntwanano; nakona Ngati i mati, mati lawa ya yisaka vutomi eka ndoho, ku nga koroni, mbewu, laha ku nga Rito.

³⁰⁵ Tani hilaha Yesu a ngeteri, “Tani hilaha Muxe a tlakuseke nyoka ya koporo,” kutani nakambe U teri, “Xikwembu xi rhandzile misava swonghasi Xi ko xi nyika N'wana wa Xona loyi a nga tswariwa a ri swakwe; leswaku loyi a pfumelaka eka Yena a nga tshuki a lova.” Muxe u bile ribye emananga, ku ta ponisa vanhu lava va lovaka, kumbe ku tisa mati. Xikwembu xi ba Yesu, leswaku a tisa Moya lowu wu humaka eka Yena, eka vanhu lava va lovoka. Ngati yi huma eka Yena, laha ku nga, “Mati lawa ya nga hlantswiwa hi Rito.” Laha, Mati ya tisaka Vutomi eka Mbewu. Nakona ku tisa ku Kwetsima ka Shekinah;

ku vangamela ehenhleni ka Rito, loku ku tisaka xinkwa xa xikombiso. Nakona xinkwa xa xikombiso ntsena a xi ri xa vanhu lava va nga hlawuriwa. Ahaa. A hi swona? [Nhlenegetano yi ku, "Amen."—Muhleri.]

³⁰⁶ Sweswi ku handzula nguvu, ku nghena eka nguvu, hi nghena eka Vukona bya Yena, laha Rito ri nga kona (ku ngari mikhuva), kambe Rito; kwalahaya ku vonakala ku Kwetsima ka Shekinah, Shekinah, ku nga Matimba, Moya lowo Kwetsima wu hatimelaka ehenhleni ka Rito, ku tisa xitsembhiso, ku mi komba leswaku mi le ndzhaku ka nguvu. Amen!

Ndzi tsemekanyile swifunengelo leswi swi
nga handzuka laha ku Kwetsima ku nga
hlulekiki, (Ah!)

Haleluya, haleluya; ndzi hanya eVukoneni bya
Hosi.

Ndzi tsemekanyile swifunengeto leswi swi
nga handzuka laha ku Kwetsima ku nga
hlulekiki,

Ndzi hanya eVukoneni bya Hosi.

³⁰⁷ Dzovo ra khale ra ntini, tidinominexini, ti davuriwile. Ndzi ri handzurile rero, ndzi nghena eka ku Kwetsima ka Shekinah, nakona ndzi vona Rito. Ndzi vona Langavi ra Ndzilo ri famba-famba. Ndzi vona Rito leri ri vonakarisiwaka. Leswi A nga swivula leswaku U ta swi endla eka masiku lawa yo hetelela, ndza swivona swa kula. Ndzi vona vana vadya Xinkwa xexo xa Shekinah xi taka kusuka eka ku vupfa ka Rito, lava va Ri pfumelaka. Amen! I awara yo saseka njhani leyи hi hanyakа eka yona! Wa vona, Shekinah a yi ri ehenhleni ka Rito; nakona ehansi kwalahaya a kuri na Xinkwa. Nakona kwalahaya a kuri na Ngati, leyи nga haxiwa, leyи yi Ri nyikaka mati. Moya wu nyika Vutomi eka Rito. Nakona . . .

I vangani va hlayaka, va tweke thepi hi *Ku Tenga?* Ina, votala va n'wina mi yi twile. Ma ku vona lahaya, swi teka . . .

Rito lero ri boheka ku kula. Leswaku ri kula, Ri fanele kuva eka misava ya kahle. Wa vona? Nakona Xikwembu xi endlile xitsembhiso, nakona swi ba mbilu yaleyo, ri ngaka ri nga hluleki.

³⁰⁸ Nowa u rindzerile dzana na makume mbirhi wa malembe. Abraham u rindzerile makume mbirhi nthianu wa malembe, eka n'wana. Xikwembu xi vule tano, nakona sweswo swa swi tshamisisa. Wa vona? Xana i yini? Rito a ri ri kwalahaya ri ri karhi ri cheletiwa hi ripfumelo, ku Ri pfumela, swi tisa mbuyelo. Swi tisa n'wana; swi tisa mpfula; swi tisa ndhambhi; swi tisa wanhwana loyi a nga xurhusiwa.

³⁰⁹ Muprofeta u teri, "Wanhwana u ta tika." A swikanakanisi leswaku nhwenyana un'wana na un'wana lontsongo u yile a ya lulamisela n'wana wa yena swiambalo. Kunene, muprofeta loyi

Esaya a ri muprofeta loyi a tiviwa, a tiyisisa hi Xikwembu. Kutani Hosi yi ku, "Wanhwana u ta tika. Ndzi ya eku va nyikeni ka sayini leyi yi nga riki ya ntumbuluko, sayini leyikulu; ya wanhwana leswaku u ta tika."

³¹⁰ Lahaya, vanhu hinkwavo, vafpumeri va vona, ntsena tani hi n'wina hinkwenu. Nakona va swi twile leswaku muprofeta u vule sweswo, nhwenyana un'wana na un'wana lontsongo... Munhu un'wana na un'wana u teri, "Yaloye u tava a ri nhwana wa mina. Ina, nkulukumba." Un'wana na un'wana u fambile a ya xava swibuntswani na xikhapani na swin'wana, a ti lulamisela, hikuva a va switiva leswaku u ya ekoveni na n'wana. Rixaka lero ri hundzile, kutani va ehleketa leswaku, "Muprofeta loyi a tivekaka, loyi a nga tiyisisa hi Xikwembu, xana a nga vula njhani swin'wana leswi swi nga hoxeka xana? Swi fanele kuva tano!"

³¹¹ A ku hundzile nhungu wa madzana wa malembe, kambe u vuye a tswala n'wana. "Matilo na misava swi ta hundza, kambe Rito ra Mina ri ngaka ri nga hundzi."

³¹² "Kutani swi ta humeleta emasikwini ya makumu," ku vula Xikwembu. Wa vona, hi hina lava, ku—ku Vonakala eka Rito. Tani hilaha ku vonakala ka dyambu ku ncineaka mbewu kusuka eku kwetsimeni kuya eku kwetsimeni, nakambe hi va—hi va lava hi fanaka na Yena swinene tani hiloko hi hanya eVukoneni bya Yena; tani hi Yena, hi ku ti xaxameta eka xivumbeko xa Yena lexi katekisiweke tani hiloko hi famba na Yena.

³¹³ Hlalelani leswi dyambu ri swi endlaka. Mi byala mbewu, ku humeleta yini xana? Mbewu yaleyo ya bola. Endzeni ka mbewu ku na vutomi. Vutomi bya ta byi ta humesa xinsinyani. Sweswi, sweswo a swi languteki ku kota ekusunguleni.

Ku na Luther. A ri xinsinyani. Hi swona.

Xinsinyani xi yile emahlweni, nakona xosungula mi xi tivaka, xi tswala xichocho. Wa vona, kwalaho a kuri mpfuxelelo wa Wesley; a wu nga fani ni wa van'wana.

Xikan'we-kan'we ku ta mpfuxelelo wa Pentekosta, wa vona, wu tisa nkhuvulo wa Moya lowo Kwetsima. Hi swona.

Ku humelerile yini? Hi kuma xinkowa endleveni. Wu sungula ku languteka wu hoxekile. Nchumu *lowu*, nchumu *walowo*, a swi kali swi languteka kukotisa Rito. A swi languteki ku kotisa Rona hinkwaro. A swi languteki ku kota Ndoho ya ntiyiso leyi yi nga nghena ehansi.

³¹⁴ Kambe Xikwembu xa hari kwalahaya ku endla sweswo—sweswo kufana. Xiyisisani, xana swi endla yini? Swi hetelela hi ku tlhelela endzhaku eka Mbewu yo sungula nakambe. Loko A tava a tile hi xivumbeko xa Martin Luther; loko A ta hi xivumbeko xa John Wesley; loko A ta hi xivumbeko xa Pentekostal; U fanele ku ti paluxa nakambe yena hi Yexe tani hi Mbewu ya liya yi nga nghena ehansi, N'wana wa munhu. U

tipaluxile yena hi Yexe tani hi N'wana wa Xikwembu, ku famba hi nguva ya xinsinyani ni kuya emahlweni, kambe eka nguva leyi yo hetelela U ta fanela ku ti paluxa yena hi Yexe tani hi N'wana wa munhu nakambe. Ma swi kuma xana? [Nhlengengetano yi ku, "Amen."—Muhleri.] Hi swona, tani hi le masunguleni, a tivumba!

³¹⁵ Nakona xinsinyani xexo xi kurisa ku yini? Xa kula nkarhi hinkwawo. Xinsinyani xexo xa kula, hambi swi ri tano a xi fani na ndoho yo sungula. Hambi kuri hungu ra Luther; ee, hi ku landzelelana ku—ku ta mahungu yan'wana, Finney, Sankey, Knox, Calvin, ku ya ehansi, kuhava na un'we wa vona. A va ha ri hungu hambi swi ri tano kambe, a kuri yini, a ya kalanga va kuma Nhlavutelo lowu wu hetisekeke wa Rona hikuva a wu nga ri nkarhi. U ngaka u nga vekeli ndleve eka vele ku nga se fika nkarhi wa ku va ri mila. Wa vona? Kutani swingaleswi, ekuheteleleni, kwalahaya ku fika Mbewu ya ntiyiso nakambe yi vuyela endzhaku leyi yi nga ya ehansi.

³¹⁶ Ma swi vona leswaku Xikwembu xi landzelela ntumbuluko hakunene. Wa vona, U tswariwe a ri xinyimpfana, hi xona xivangelo xa kuva A tswaleriwe exidyelweni. Swinyimpfana a swi tswaleriwi emibedweni. Wa vona, U *yisiwile* eXihambanweni. Xinyimpfana, nyimpfu ya rhangeriwa. Hi swona sweswo. Timbuti ta ti rhangela ku ya eku dlayiweni, ma swi tiva sweswo, endlwini leyi ti dlayeriwaka kona. Mbuti ya ti rhangela, kambe tifanele ku rhangeriwa. Aha! Hi swona sweswo. Swingaleswi U rhangeriwile kuya eku dlayiweni, wa vona, hikuva A ri Xinyimpfana.

³¹⁷ Xin'wana na xin'wana xi N'wi tiva hi ntumbuluko. Hi xona xivangelo xa kuva A tswariwile hi Nyenyankulu kumbe Dzivamusoko, ku ngari hi N'wendzamhala; A nga ta va tano, kuva ku ri na mpimo wa makume mbirhi wa minkondo ya gamboko lahaya hi nkarhi walowo wa lembe. Ku ngari xikwembu xa dyambu, kambe A ri N'wana wa Xikwembu. Wa vona? Xikwembu xa dyambu xa Marhoma i xa siku ra makume mbirhi-ntlhanu ra N'wendzamhala, loko sola yi hundza tindhawu ta yona lahaya nakona kwalahaya vava va ri na sorokisi ra Rhoma, kutani va ri vitana siku ro tswariwa ka xikwembu xa dyambu, kutani va ri endla riva ra N'wana wa Xikwembu. Ee, ee. A ri N'wana wa Xikwembu. Siku ra Yena ro tswariwa a ri ri na laman'wana ya ntumbuluko. Hakunene.

Sweswi xiyisisani nakambe tani hiloko hi ya emahlweni, ha ha ri na nkarhi wuntsongo wu nga sala.

³¹⁸ Sweswi eka ku hetiseka. Endzhaku ka loko xinsinyani xivumbiwile; endzhaku kaloko tasele yi vumbiwile; endzhaku kaloko ndoho yi tile eka mpupurhu; kutani yi fanele ku ta eka ku hetiseka, yi tlhelela endzhaku eka ndoho ya ntoloveloo nakambe.

Nakona, tsundzukani, ndoho yi boheka ku mirisiwa. Wa vona? Loko yi nga mirisiwi, yi ngaka yi nga hanyi. Wa vona? Ku hava loyi a ri ehandle ka mahungu ya vona a nga ta ta eVuton'wini. Yi ta fanela ku byaleriwela eka Rona. Kambe, tsundzukani, Vutomi byebyiya a byi ri eka nsinya byi le ka ndoho. Ntsena yo tlhela yi vupfa hi yoxe yi tlhelela endzhaku, wa vona. Wa tipaluxa hi Yexe, (yini?) N'wana wa munhu, ndoho leyi yi nga nghena emisaveni. Ma ri kuma Hungu ke? [Nhlengeletano yi ku, "Amen."—Muhleri.]

Magriki ya teri eka Yena, "Hi nga n'wi vona Yesu."

³¹⁹ A ku, "Handle kaloko ndoho ya vele yi nga wela emisaveni." Wa vona? Hi swona.

³²⁰ Xana U paluxile yini xin'wana? Hi xivumbeko xo hambana; nsinya na tasele, na kuya emahlweni, na matluka hinkwawo na hinkwaswo. Wa tipaluxa hi Yexe kwalaho, (yini?) Moya wun'we, kambe hi xivumbeko xo hambana. Wa vona? Kambe hi xihi xo hetelela eka vele lero? Ri tlhelela endzhaku eka ndoho yo sungula. A hi swona xana? [Nhlengeletano yi ku, "Amen."—Muhleri.]

³²¹ Kutani ministri wa Yena wu ta, wu suka eka va rhifomexini, wu tlhelela endzhaku eka Rito ro sungula nakambe. Rito ri ta eka muprefeta. Nakona U swi tshembhisile, eka Malakiya 4, "Nakona ku tlherisela Ripfumelo ra vanhu ri tlhelela eka mbewu yo sungula." Leswi swi nga ya emisaveni hi leswi swa fana. Ndoho yi huma kona kwala. Yi huma tani hi N'wana wa Xikwembu, sweswi Ra ti paluxa hi Roxe lahawani tani hi N'wana wa munhu, ri tlhela Ri ti paluxa hi Roxe tani hi N'wana wa Davida eka Xiluvelo. Wa vona, vana va vona va nharhu, ntsena ku fanana. Oho, mina, nakambe tani hi yo sungula!

³²² Sweswi eka ministri lowu wu hetisekeke wa yena N'winyi; ku ngari munhu un'wana, ku ngari dinominexini yin'wana, tani hilaha va nga tirha kuya ehansi eka nguva lahaya, wa vona; kambe yena N'winyi a ti vonakarisa, a ti vonakarisa yena N'winyi eka xitshembhiso, a endla Mukwetsimi Luka 17:28, Malakiya 4, ni kuya emahlweni, Vaheveru 13:8, ntsena hi swona. Hi nkarhi walowo, i nkarhi wihi swi nga tava ha wona? Loko Mbewu ya vuhosby Abraham yi langutele N'wana wa xitshembhiso. Kutani swifaniso hinkwaswo swi fanele ku hetiseka. Kutani Xikwembu hi Xoxe xi humelela hi xivumbeko xa munhu, xi ya eka mbewu ya ntumbuluko ya Abraham, ku nga se fika ku hlaseriwa, nakona Yesu u vule leswaku swi tava leswi swi fanaka eka Mbewu leyi ya vuhosby N'wana wa xitshembhiso a nge se vuya.

³²³ Xiyisisani nguvu ya khale leyi a yi tumbetile ku Kwetsima. Madzovo ya khale ya mintini, ku hava ku saseka loku u nga ku tsakelaka eka wona, hambi ku ri nyama ya Yena. Hi xona xivangelo xa kuva vanhu va ku, "Nakulorhi wa khale nyana wa

makatla yo vuyevelana tani hi sweswo?" Nkarhi wun'wana wa malembe ya makume nharhu-nharhu hi vukhale, na timpfi, na malebvu ya Yena ya timpfi, a nga languteki ngopfu. Bibebe yi teri, "Ku hava ku saseka loku hi nga ku tsakelaka eka Yena." A nga languteki kukotisa Hosi, dzovo ra khale ra ntini, kambe, oho, kambe endzeni a kuri na yini!

³²⁴ Kutani ntlawa nyana wa "va vumbuluki lavo kwetsima" va tshamile eka muako wo hisa wo kotisa lowu, va va vitanisa sweswo, ku hava ku saseka loku ku nga tsakeriwaka, kambe leswi swi nga endzeni! Ndzi na ntiyiso wa leswaku swi funengetiwile eka timbilu to tala, ma swi vona. Ma swi vona? Hi swona.

³²⁵ Ehandle ka Rona a kuri hava nchumu, kambe hinkwaswo a swi ri endzeni. Loko u kala u va endzeni ka Rona, kutani a wu Ri vona. Xana u nghena njhani eka Rona; hi ku tlhavulana mavoko, hi ku joyina? Ee. U tswaleriwa eka Rona. U fa, u tshika dzovo ra wena ra khale, wa vona, vumina mina bya khale ra ntini, u nghena eka lebyi ntshwa. Wa vona? Ntshika dzovo ra khale ra ntini.

³²⁶ Ku Vonakala ka Shekinah a ku... Yingiselani, tiministara! Tiministara, ndzi mi lava leswaku mi yingisela Leswi. Loko u tshame u va endzeni... Sweswi ndzi ya eku tekeni ka leswi hi ku olova, leswaku mi va ni ntiyiso wa leswaku ma Ri kuma. Kan'we endzeni ka nguvu, ehansi ka ku Kwetsima ka Shekinah, ku Vonakala ka Shekinah a ku teki Rito ra Xikwembu ri paluxa Yesu leswaku i "xingomatanda," ee, tani hilaha tidinominexini ti swi endlaka namuntlha, "ku famberiwela hi miehleketo, va vumbuluki lavo kwetsima, Beelzebub." Ku Kwetsima ka Shekinah a ku N'wi paluxi hi sweswo.

³²⁷ Kambe ku Kwetsima ka Shekinah ku vupfisa Mbewu leyi yi nga tshembhisiwa eka awara yaley, ya Rito, ku N'wi kombisa leswaku wa ha ri Xiluva xa Minkova. Yi tisa Mbewu, ku nga Xiluva xa Minkova, Vuswa bya Vutomi, ku nga Alfa na Omega, la nga yena wa tolo, namuntlha, ni hilaha ku nga heriki. Hi Yena xindhawani xa vapfumeri. Ku Kwetsima ka Shekinah ka paluxa, eka mupfumeri, wa hari Yena tolo, namuntlha, ni hilaha ku nga heriki.

³²⁸ Ku ngari, "Masiku, U hundzile, nakona U file nakona swi herile." Swingaleswi munghana, loko u pfumela sweswo, loko u pfumela sweswo, a wu kalanga u fikelela eka ku Kwetsima ka Shekinah. Xana ku Kwetsima ka Shekinah ku nga N'wi paluxa njhani a va vanhu vanharhu? Wa vona? Xana ku Kwetsima ka Shekinah ku nga N'wi paluxa njhani tani hi ku khuvula, vanhu, hi vito ra "Tatana, N'wana, na Moya lowo Kwetsima," loko ku ri hava na munhu eBibeleni loyi a nga khuvurisa xisweswo? Xana ku Kwetsima ka Shekinah ku nga N'wi pimela njhani leswaku a

va muapostola, loko Yena a ri wa tolo, namuntlha, ni hilaha ku nga heriki? Wa vona?

³²⁹ Ku Kwetsima ka Shekinah ka N'wi paluxa. Ku tisa Rito ra xitshembhiso, ri ta eka n'wina. Hi xona xivangelo xexo xa kuva Xi funengetile xikandza xa Muxe, hikuva eka yena a kuri na Rito. Xi funengetile Yesu, tani hi Wanuna lontsongo wo ti tsongahata, ku va endla leswaku va fambela ekule niku vona Yehovha. Nakona Xi ti funengetile xona N'winyi na namuntlha, eka swibye swa misava, hi Shekinah. Ehandle a ku languteka ku fana na ntlawa wa vavumbuluki vo kwetsima, madzovo ya khale ya mintini, kambe endzeni ku tumbetiwile ku Kwetsima ka Shekinah.

Nakona Ri vupfisa Xinkwa xa xikombiso lexi hi xidyaka, ni ku chayela ku rhendzeleka hi tiko, kuringana madzana ya timayili, wa vona. I Swakudya swa vapfumeri. I swa vapfumeri ntseña. Tsundzukani, Xinkwa xa xikombiso a xi ri xa vapfumeri ntseña, wa vona, Mbewu ya Xinkwa xa xikombiso. Xiyisisani. Xana xi endla yini? Ku Kwetsima kwaloko ka Shekinah, eka Xinkwa xa xikombiso, ku Ri hlayisa leswaku ri nga poyiriwi.

³³⁰ Tsundzukani, mana lawa a ya huma eTilweni, a ya tshama eka ku Kwetsima ka Shekinah, kusuka eka rixaka rin'wana kuya eka rin'wana. Ehandle, ku na swizavana eka wona, vusiku hinkwabyo, ya nyamisiwile. A hi swona xana? [Nhlengeletano yi ku, "Amen."—Muhleri.]

³³¹ Ehandle ka ku Kwetsima ka Shekinah, "Masiku ya masingita ya hundzile. Wa vona, hinkwaswo hi leswi swi nga hoxeka." Kambe endzeni... .

³³² Langutani, va na mbewu ya sanflawa leyi yi humaka edulwini ra le Egupta leyi yi nga vekiwa kwallahaya emasikwini ya Yosefa, ku tshinelela, malembe yo ringana mune wa magidi, lawa ya nga hundza. Yosefa u yi hlayisile edulwini. Va yi byarile. Ti hanyile. Hikokwalaho ka yini? A yi ri na vutomi.

³³³ Hi kwihi ku Kwetsima loku ka Shekinah namuntlha? Ku handzula endzhaku ka nguvu, mi vona leswaku i Xikwembu Xihi lexi xi nga yima lahwani emahlweni ka hina, hi vona leswaku i Xikwembu Xihi lexi xi nga yima emahlweni ka hina, la—la Langavi ra Ndzilo. Xi ti funengetile enyameni ya ximunhu. Kambe Shek'nah yi endla yini, yi endla yini xana? Mbewu ya Xinkwa xa xikombiso, Rito leri ri fanelaka ku hanya ri ya emahlweni namuntlha, hi switshembhiso leswi, ku Kwetsima ka Shekinah ku vupfisa Xinkwa xexo xa xikombiso, ku xi tisa xi humelela, ku xi endla xi va Xinkwa eka mupfumeri; lexi xi nga tshama eka mapheji ya Bibele, lembe na lembe, ku nga Rito ra nguvu leyi.

³³⁴ Eka tidinominexini, Ri va ribye ra xikhunguvanyisi. Eka tidinominexini, va phijeka eka Rona. Ku ya ehansi eka malembe hinkwawo, Luther, Wesley, Martin Luther, na hinkwavo,

Sankey, Finney, John Smith, Knox, hinkwavo va phijekile eka Rona.

³³⁵ Kambe ku fanele ku endliwa yini emasikwini ya makumu? Xana “*ku paluxa*” i yini? “Ku humesela!” Xana Malakiya 4 u ta a ta endla yini? Ku tlherisela vanhu endzhaku kusuka eka ribye lero ra xikhunguvanyisi, ku ta handzulela mindzhavuko, ni ku paluxa Xinkwa na ku Kwetsima ka Shekinah. Kuva hi Ri vona ri vupfa niku tswala hakunene leswi Ri nga swivula leswaku Ri ta swi endla, oho, mina, Xinkwa xa xikombiso xa nguva leyi. Eka dinominexini, ribye ra xikhunguvanyiso, “ntlawa wa vabayizani.” Kambe, eka hina lava li pfumelaka!

³³⁶ Kambe sweswi tani hi Nhlavutelo 10 tani hilaha yi tshembhiseke, “Hinkwaswo swihundla swa Xikwembu, leswi ku nga khale swi tumbetiwile eka mapheji ku rhelela ehansi emalembeni ya vona, swi ta vupfa, swi humesiwa hi Hungu ra nguva ya ntsumi ya vunkombo.” A hi swona xana? [Nhlengelatano yi ku, “Amen.”—Muhleri.]

Xana U teri yini, eka lembe na ntsevu wa tinhweti leti ti nga hundza, a swi kwalomu ka malembe ya mbirhi sweswi? “Famba u ya eTucson; u va en’walungwini wa Tucson, ku buluka lokukulu,” ni leswi swi nga ta humelela, “Swilemo swi ta lemuriwa,” Swilemo leswi swi paluxaka swilo leswi. Swi ta tani hilaha A nga vula hakona.

Xana i yini? Swi kombisa leswaku Ri ngaka ri ngavi munhu. Ri ba hi ku hetiseka, ntsena hi ku kongoma tani hilaha swi ngava hakona, nkarhi wun’wana. Xana i yini? I voko ra Xikwembu, wa vona, emahlweni ka hina. Nakona swi hikokwalaho ka kuva swi ri eka ntlawa lowuntsongo, xi tifunengetile eka nyama ya ximunhu, xi ti funengetile eka misava ya le handle. Xi ti tumbetile eka misava ya le handle. Xa ti paluxa xona hi Xoxe eka lava ntsongo lava va nga ta dyondza. Wa vona? Hi swona sweswo.

³³⁷ Xin’wana na xin’wana, wa vona, xifaniso xin’wana na xin’wana eBibeleni, xifananiso xin’wana na xin’wana xa Bibele, xi vonakarisiwile kona kwala emahlweni ka hina. Xikwembu xexiya, eka Langavi lero ra Ndziilo, leri ri tsaleke Bibele, havumbirhi eka ya Khale na Testamente Leyintshwa, xi kona kwala xa Ri vonakarisa, xi kombisaka hakunene leswi swi nga xiswona, xi ri hlamuselaka, niku vona leswaku hakunene i ku hlamusetiwa.

³³⁸ “Hi na yona nhlamuselo!” Sweswi a hi swivoneni swi humelela. Wa vona, sweswo hi swona, a hi swi voneni swi vonakarisiwa.

³³⁹ Ku vonakarisiwa! Yesu u teri, “Loko Ndzi nga endli mintirho ya Tatana wa Mina, mi nga Ndzi pfumeli.” Wa vona, yi fanele ku kambisisiwa.

³⁴⁰ Kambe sweswi—sweswi, ku hava loyi a nga khorwisisa tani hi Yesu, va funengetile nhloko ya—ya Yena hi lapi va N'wi ba enhlokweni, va ku, “Loko U ri Muprofeta, hi byeli leswaku U be hi mani.” “Nakona loko U ri N'wana wa Xikwembu, hundzula vuswa lebyi.” Wa vona, yaloye i javulosi. “Loko U ri N'wana wa Xikwembu, tichichi kwalaho exi- . . .”

³⁴¹ Ndzi vula leswaku, Nhlavutelo lowu A fanele ku wu endla, hi lowu Ri nga xiswona. Kambe sweswi, tani hi Nhlavutelo 10 yi nga paluxiwa, swihundla swa Xikwembu swi vonakarisiwile, swa tiveka, tani hi Buku ya Xilemo xa Vunkombo yi nga tshembhisiwa.

Sweswi pfumelelani ripfumelo ri va eka Yena Loyi a nga Rito . . . Hikuva, eka Nhlavutelo 10 yi ri . . .

³⁴² Kumbe, Nhlavutelo 19, kumbexani. Ndzi yi tsarile ehansi lahawani, Nhlavutelo 10, kuya eka yona; kambe a hi 10, i 19. Loko Yena a ta, U ta vitaniwa, “Rito ra Xikwembu,” a khandziyile hanci yo basa, na valandzeri va Tilo va tava va ri endzhaku ka Yena.

³⁴³ Handzula nguvu ya dyondzo ya xidinominexini! Handzula nguvu ya mindzhavuko ya xidinominexini! Handzulani tinguvu leti ti mi tumbetelaka Yena! Handzula tinguvu leti ta vu tinyungubyisi, n'wina vavasati. Mi—mi vanhwana va Hosi; mi na maendlelo ya lawa, mi hanyisa xisweswo. Handzulani nguvu yin'wana na yin'wana, a swi na mhaka leswaku Ph.D. na LL.D. swi ri yini. Loko swi hambana na Bibele yaleyo, handzulani mi nghena eka nguvu yaleyo!

Hikuva, hi tsemekanyile nguvu leyi yi nga davuriwa. Hi le ka tlhelo lerin'wana sweswi, eka tlhelo lerin'wana. Kutani mi ta swi vona, loko ntsena mi nga endla sweswo, handzulani mindzhavuko leyi ya khale na swin'wana, kutani mi ta eka Yena, mi ta N'wi vona a yimile, loyi a Hlulaka hi ku Hlurisia, a nga Rito ra xitshembhiso xa nguva leyi, ri vonakarisiwaka. Mi ta vona Xikwembu xa Matimba hinkwawo xi ti funungula, mi N'wi vona a ri exikarhini ka hina kwala, xi ti funungurile, Xikwembu xa Matimba hinkwawo, lexi nga hluriwangiki hi mindzhavuko.

³⁴⁴ Va ringetile ku Xi tumbeta endzhaku lahaya; va swi endlile, malembe yo tala, kambe nkarhi wa xitshembhiso wu tshunele ekusuhami. Xikwembu xi pfuxile Muxe nkarhi wun'wana, kutani u ntshuxile vana eka swilo swa vona. Nakona Xa hari tano . . . Xi ngaka xi nga hluriwi. “Matilo na misava swi ta hundza, kambe Rito ra Mina ri ngaka ri nga hundzi.” Wa hari Yena wa tolo, namunlhla, ni hilaha ku nga heriki.

³⁴⁵ Va ri, “Swi ngaka swi nga endlekile.” Kambe khale swi endlekile. Kutani, loko swi endlekile, va teri, “I swa javulosi.”

³⁴⁶ Kambe sweswo a swi ncinci Rito ra Xikwembu, na swintsongo. Xi tshama xa ha ri “Xikwembu,” eka mupfumeri, “lexi xi Hlulaka hi ku Hlurisia; lexi xi nga xa tolo, namunlhla,

ni hilaha ku nga heriki,” hi ntumbuluko wa Xona, hi Rito ra Xona, Vaheveru 13:8.

³⁴⁷ Ndza pfala, hi kuvula leswi, hikuva i ntlhanu wa timinetse ku nga se ba awara ya khume mbirhi, ntsena hi kuvula leswi. Ndza ha salele hikwalomu ka khume, khume mbirhi wa mapheji. Ndzi ta swi kuma nkarhi wun’wana, kumbexani madyambu lawa.

³⁴⁸ Xiyisisani, xiyisisani leswi. A kuri na okixini nkarhi wun’wana, kutani a vari na xichayiwa xa xikhale. Mi swi twile minkarhi yo tala. Vhiyola ya khale; kutani loyi wa okixini u teri, “Ndzi yi nyika nxavu wihi?” Swi nga endleka ndzi nga yi nyiki wa kahle, kuya hi muphati. I malembe yo hlaya, malembe yo hlaya, kambe swi tile emiehlekeweni ya mina. Kutani va tekile xichayiwa lexi xa khale, a xi nga languteki kahle ngopfu; a xi languteka xi guvukile, hinkwaswo. A nga kalanga a kuma na xindhawani eka yona. Ekuheteleleni, ndzi pfumela leswaku a ri na dolara nyana, kumbe swin’wana swo kotisa sweswo.

³⁴⁹ Kutani a kuri na un’we loyi a yimile lahaya loyi a nga ehleketi leswaku xi nga xavisiwa xexo, swingaleswi u yile a fika a xi teka. A xi mphumundha nyana hi mavoko ya yena, kutani a teka ndhichi a xi susa tirhos, kutani a chaya chuni. Kutani loko a swi endlile, un’wana na un’wana a sungula ku rila. A va nge se tshama va twa vunanga byebyo evuton’wini bya vona.

Kutani muokixini a ku, “Ndzi xi nyika nxavu wihi?”

³⁵⁰ “Magidi mambirhi!” “Ntlhanu wa magidi!” “Khume wa magidi!” Wa vona? Xana a kuri yini? Voko ra n’winyi ri paluxile leswi a swi funengetiwile eka xichayiwa xa khale.

³⁵¹ Swa ha fana na sweswo! Buku ya liya ya khale, Yo khwaxa, Yi hlekewile, yi hisiwa, yi endlawa xihlekiso. Kambe nkarhi wu tile laha va nga kuma okixini ya xidinominexini, yi nga Nhlangano wa Tikereke ta Misava. Va Yi xavisa kutlula hinkwaswo. Kuna okixini ya dinominexini yi taka.

³⁵² Kambe, tsundzukani, ku na swin’wana eka Buku ya khale leswi swi tshembhiseke leswaku ku tava niku hlawuriwa, voko leri ri xiximaka ri tata siku rin’wana, leri nga ta Yi teka niku endla Rito ra Buku ley, hi mbilu ley yi hlawuriweke, eka ntirho lowu Yi nga endleriwela yona, yi paluxa switshembhiso leswi swi nga eka Rona. Ri nga ha languteka, oho, tani hi ntlawa wa vavumbuluki vo kwetsima, kumbe swin’wana; kambe ntsena swi teka voko ra N’winyi, Rito eka Yona, ku paluxa Rito, nakona yi va ley yi tlulaka muvumbuluki wo kwetsima. Yi va sweswo eka un’wana na un’wana wa hina, a hi swona, vanghana? A hi ntlawa wa vabayizani. Swi ya hiku i ndhichi yihi ley voko ri nga eka yona.

A hi khongeleni.

³⁵³ Tatana wa hina wa le Matilweni, hi ripfumelo namunttha ndzi vona N’winyi wa Buku ya khale, ley vaka nga yi ncincela eka

mindzhavuko. Va Yi ncincele eka tidinominexini. Va ringetile ku Yi xavisa. Sweswi va Yi xavisela eka—eka Nhlangano wa Misava wa vanhu, ya tikereke, ya xikhomonisi, ya mikhuva. Okixini yi sungurile, Hosi.

³⁵⁴ Xikwembu, tlhava goza u ya emahlweni! Hakunene, U ta swi endla. Hi rhumeli muprofeta yaloye, Hosi, loyi a nga ta rhwalela ndhichi yaleyo, loyi a nga ta rhwalela Rito leri kutani a khorwisa leswaku Yesu Kreste wa hari yena wa tolo, namuntlha, ni hilaha ku nga heriki. Votala, Hosi, va nga ta xavisa vutomi bya bona, va ta cukumetela ekule mindzhavuko ya khale, va ta handzula swifunengeto. Va Ri lava, Hosi. Va ta nyika hinkwaswo, hinkwaswo, ntsena va nyike Yesu.

³⁵⁵ Hosi, ndzi ehleketa leswaku U va khorwisile ha Rona sweswi. Va ta va huma hinkwako. Va tirhisile swo tihanyisa swa bona. Va endla hinkwaswo, ku ringeta ku fikelela etinhlengetanwini, ku ta endla hinkwaswo leswi va nga swikotaka, hikuva va kumile Perla yaleyo ya xiphemu lexikulu. Leswin'wana hi leswintsongo. Vakatekisi, Tatana.

³⁵⁶ Laha ephulphitini, mixo lowu, Hosi, ku na swidukwana. Kumbexani van'wana va bona va fanele ku famba namuntlha, ku nga se fika xikhongelo xa vavabyi madyambu lawa. O Xikwembu lexi nga riki na Makumu, languta ehansi. Ndza switiva leswaku U kona kwala, U ti funengetile. Kutani ndzi rhumela swifunengeto leswi leswintsongo, Hosi, leswi swi vuriwaka "swidukwana," na "tiapron" letintsongo na "swi buntswana" swa swihlangi leswintsongo. Kutani ndza swi rhumela tani hi mimfungho leyintsongo ya xi funengeto, leswaku Rito ra Wena ri chumayeriwile eka swona mixo lowu, nakona, tani hi mupfumeri, ndzi swi tlhandleka mavoko ya mina, miri wa mina, hi ku kombisa leswaku ndza Ri pfumela. Nakona, hi ripfumelo, un'wana na un'wana eka muako lowu u endla swo fana, Hosi. Leswaku vavabyi va nga ha hola.

³⁵⁷ U nga ha koka ri—ri Rito kusuka lahwani, Hosi, tani hi muchayi wa vhiyola wa khale a swi endleke eka vhiyola, endla tano, Hosi. Yi endli yi chaya chuni ya kahle, yi khinsama emavokweni ya N'winyi wa yona, leswaku hi ta kota ku N'wi bona a yimile erivaleni.

³⁵⁸ Va ngava vanhu lava va hlekete yini hi siku lero, loko va nga ha nyikanga nchumu, loko va nga ha nyikanga nchumu eka vhiyola ya khale. A va yi lavanga. A va nga swi lavi kuva na yona etindlwini ta bona. Kambe loko un'wana a yi teka loyi a yi tokotekе, kutani va xavisile hinkwaswo leswi a vari na swona, leswaku va yi kuma. A va ba pongo va tlhela va yi lwela. Kwalaho nkarhi a wu nga ha ri kona.

³⁵⁹ Swingaleswi swi tava tano nkarhi wun'wana loko Mhalamhala ya Hosi yi ta twakala, nkarhi a wu nga havi kona. Lava va nga ri languta va tlhela va ri hleka, lava va nga yima

lahaya ekusuhi na nguvu ley i nga pfuleka va vona Rito ra Xikwembu loko ri vonakarisiwa (*van'wana* va ta Ri rilela, kambe, tani hilaha U nga vula, “Nkarhi wu tava wu nga ha ri kona kwalaho”), va yile eNkhubyeni wa Vukati; nakona *va* sele laha ku nga na swirilo, maxangu, na ku getsela ka meno.

³⁶⁰ Pfuna munhu un’wana na un’wana ku pfumela, mixo lowu, Tatana; handzula u hundza eka nguvu yin’wana na yin’wana ya ku tirhandzela, nguvu yin’wana na yin’wana ya ku ka u nga pfumeri, kutani u vona la Hlulaka hi ku Hlurisia a tifunungula emahlweni ka vapfumeri. Hikuva, “Vonani, Ndzi na n’wina minkarhi hinkwayo, hambi kuri kuya fika emakun’wini ya misava. Ku ngari kungani misava a yi nga ha Ndzi voni, kambe n’wina mi ta Ndzi vona.” Kombisa vu Wena exikarhini ka hina, Hosi, tani hilaha A wu ri eku swi endleni. A swi tshamisi xisweswo kukondza hi vonakala emahlweni ka Wena, loko en morphé yi tava yi ncincile kutani Wena u va N’wana wa munhu nakambe, na N’wana Davida. Hi nyike swona, Hosi, hi Vito ra Yesu Kreste.

Loko ha ha korhamisile tinhloko ta hina, hinkwerhu ha ha ri exikhongelweni.

³⁶¹ Ndzi nga hlamala namuntlha loko kuri na van’wana lahawani lava...endzeni kumbe ehandle. Ku hava ndlela yo tisa lava va tweke rito lahawani, hikuva ku hava ndhawu. Kambe ndza hlamala, hi ku tshembheka, xana mapfumela leswaku leswi i Ntiyiso xana? Ma pfumela leswaku eka siku leri hi hanyakka eka rona, na hinkwaswo leswi ngariki nichumu na nguvu ya xisayense ku kotisa ley i yi ri eka nguvu ya Nowa, hi masiku ya Muxé, masiku ya Kreste, leswaku Xikwembu, Tatana wa kahle wa hina hinkwenu hina lava hi nga tswaleriwa eka Yena, a yimeke exikarhini xa hina namuntlha?

³⁶² Langavi leri ra Ndzilo leri ri nga voniwa leri ri kamberiweke hi xisayense, malembe yo tala lawa ya nga hundza, tani hi jaha lerintsongo, ri vulavurile na mina ri ri lahaya Ri ndzi byela leswaku ndzi ta tshama lahawani, ni leswi swi nga ta humelela. Leswi a ndzi mi byela hi swona, nakona Ri...Siku rin’wana ehansi enambyeni, loko ministri wu nga se sungula, mpfuxelelo wo sungula, U humelerile eswibakabakeni, a titivisa yena N’winyi ni kuva a nyika xileriso. Hinkwawo malembe lawa a ndzi swi tumbetile embilwini ya mina, Kreste loyi a tifunengeteke, Langavi reriya ra Ndzilo ri hlamuselaka Rito, tani hilaha ri tshembhiseke. Hi le sikwini ro hetelela, ntsena eka ku Vuya ka Hosi. Kutani loko u ti kuma u ri ehandle ka nguvu yaleyo, laha ku nga rifu ku tshama ehandle, xana mi nga swi endla hi ripfumelo, mixo lowu, mi ku, “Hi ku pfuniwa hi Xikwembu. Na hi ku pfuniwa hi Wena, Hosi, ndzi lava ku handzula ndzi nghena eka nguvu yaleyo. Ndzi lava ku nghena laha U nga kona, ku vona Rito ra Xikwembu leri hetisekeke”?

³⁶³ Mi nga ringeti kuva Muxe. Mi nga ringeti kuva Aroni. Mi nga ringeti. Ntsena vanani leswi mi nga xiswona, kambe mi va Mukreste.

³⁶⁴ Mi ta swi endla xana, loko tinhloko ta n'wina ta ha korhamile, yimisani mavoko ya n'wina mi yimisela Xikwembu, mi ku, "Hosi Xikwembu, ndzi pfuni endzeni ka nguvu"? Xikwembu a xi mi katekisi. Xikwembu a xi mi katekisi. Sweswo, ntsena langutani mavoko!

³⁶⁵ Ehandle, tsundzukani, swi nga endleka ndzi nga ya voni mavoko ya n'wina. A swi—a swi ringanelanga eka mina kuya vona, hi ndlela yin'wana; swi tano, Xikwembu. Swi ntsena, eka mina, swi ndzi endla ndzi vona leswaku Mbewu yi—yi wele kun'wana, nakona, kambe Xikwembu xi vona mbilu ya ntiyiso.

³⁶⁶ Loko kuri na van'wana lava va nga yimisangiki mavoko ya vona, va lavaka ku ma yimisa sweswi, ma yimiseni mavoko ya n'wina leswaku mi tsundzukiwa eka xikhongelo. Yimisani mavoko ya n'wina. Xikwembu a xi mi katekisi. Swi kahle sweswo. Xikwembu a xi mi katekisi.

³⁶⁷ Tatana, ha khongela leswaku leswi, Hosi, loyi oka a nga si yaka eka nguvu yaleyo. Va yimile ehandle lahaya kukotisa Israel; va hlalerile. Va pfumela, kambe a va se handzula va nghena eka Leyi sweswi, ku vona Kuvonakala kwaloko ka kahle ka Shekinah, havumbirhi hi ximoya na hi xinyama, hi vunyingi bya tihlo ra mekhanikhali ra khamera ri tshamelaka ku teka xifaniso; ntsena mavhiki mambirhi lawa ya nga hundza, yi Ri khomile nakambe. Wa tipaluxa wena hi Wexe, Hosi, Xikwembu xa Matimba hinkwawo xa ti funungula eka mupfumeri; kambe wa ha tifunengetile eka loyi a nga pfumeriki, kambe u tifunungula eka mupfumeri.

Leswaku va nga ha handzula va nghena, namuntlha, Hosi, va vona vukulu bya vumbhoni bya Wena naku Kwetsima. Leswaku timbilu ta vona ti nga ha ncinciwa hi nga se vuyela nakambe eka kereke leyi madyambu lawa. Leswaku hinkwavo va nga ha tatiwa hi Moya wa Wena, Vukona bya Wena. Leswaku N'winyi a nga ha teka ripfumelo leri va nga na rona, va ri tota ku rhendzeleka hi Rito; leswaku chuni yi nga ha vuyela endzhaku, "Lava va nga hlawuriwa, misava yi nga se va kona, ku ta pfumela swona Leswi. Pfumela, n'wana Mina, kutani u ponisiwa."

³⁶⁸ Tatana, Xikwembu, hi va tisa emavokweni ya Wena sweswi, hi ku tekela enhlokweni leswaku ku hava swin'wana leswi hi nga swi endlaka. Hinkwaswo swi le ka Wena Sweswi, Tatana. Ndzi va nyika Wena. Hi Vito ra Yesu Kreste, N'wana wa Wena. Amen.

Ndza N'wi rhandza, ndza N'wi rhandza
 Hikuva . . . u sungurile a ndzi rhandza
 A xava ku ponisiwa ka mina
 Ensinyeni wa Xihambano.

³⁶⁹ Xana ma N'wi rhandza xana? [Nhlengeletano yi ku, "Amen."—Muhleri.]

Lowa kahle, lowa kahle, i Yesu eka mina,
 Muchaveleri, Hosi ya ku Rhula, Xikwembu xa
 Matimba hinkwawo hi Yena;
 Wa ndzi ponisa, wa ndzi papalatisa eka
 vudyoho hinkwabyo na tingana,
 Lowa kahle i Mukutsuri wa mina, a ku
 dzunisiwi Vito ra Yena!
 A ndzi lahlekile, sweswi ndzi kumekile, ndzi
 ntshuxekile eka ku soriva,
 Yesu u nyika ku tshunxa naku ponisiwa loku
 ku hetisekeke;
 Wa ndzi ponisa, wa ndzi papalatisa eka
 vudyoho hinkwabyo na tingana,
 Lowa kahle i Mukutsuri wa mina, a ku
 dzunisiwi Vito ra Yena!
 Oho, lowa kahle, lowa kahle, i Yesu eka mina,
 Muchaveleri, Hosi ya ku Rhula, Xikwembu xa
 Matimba hinkwawo hi Yena;
 Oho, wa ndzi ponisa, wa ndzi papalatisa eka
 vudyoho hinkwabyo na tingana,
 Lowa kahle i Mukutsuri wa mina, a ku
 dzunisiwi Vito ra Yena!

³⁷⁰ I vangani lava va N'wi vonaka a nga yima, loyi a Hlulaka
 hi ku Hlurisia, Rito leri ri nga ti endla nyama, ri ti funungula
 emahlweni ka hina; loyi a nga Alfa, na Omega; Loyi a ri
 Kona, Loyi a nga Kona, nakona Loyi a nga Tata; Rimintsu na
 Swimintswana swa Davida; a ri N'wana wa munhu, N'wana
 wa Xikwembu, N'wana wa munhu, nakona u tava N'wana wa
 Davida? Xana ma Ri pfumela hi timbilu ta n'wina hinkwato
 xana? [Nhlengeletano yi ku, "Amen."—Muhleri.] Xa ti funungula
 xona hi Xoxe eka nguva yin'wana na yin'wana, xi ti tisa eka
 mupfumeri, xi ti funengeta hi Xoxe enyameni ya ximunhu eka
 loyi a ngariki mupfumeri. Xi ti fihlile endzhaku ka xifunengeto.
 Leswaku Xikwembu xi nga ha handzula xifunengeto xin'wana
 na xin'wana, kutani hi N'wi vona tani hilaha A nga xiswona!

Yesu u fayeleta hlakala yin'wana na yin'wana,
 Yesu u fayeleta hlakala yin'wana na yin'wana,
 Oho, Yesu u fayeleta hlakala yin'wana na
 yin'wana,
 Loko A mi ntshuxa!
 Eka tlhelo lerin'wana ra Yordan,
 Emasin'wini yo nandzika ya Eden
 Laha Nsinya wa Vutomi wu blomaka,
 Kuna ku wisa ka mina.
 Yesu u fayeleta . . .

Xana a mi swi lavi ku tsemekanya Yordan sweswi? A swi ringanelanga emananga xana? A hi yeni eka switshembhiso!

Yesu u fayelela hlakala yin'wana na yin'wana,
Yesu u fayelela hlakala yin'wana na yin'wana,
Oho, loko A mi ntshuxa!

³⁷¹ A hi yimiseni mavoko ya hina sweswi.

Ndzi ta tshama, ku tshama ndzi N'wi dzunisa,
Ndzi ta tshama, ku tshama ndzi N'wi dzunisa,
Ndzi ta tshama, ku tshama ndzi N'wi dzunisa,
Hikuva U ndzi ntshuxile!

³⁷² Amen! Xana sweswo a swi mi endli mi titwa kahle xana?
[Nhlengeletano yi ku, "Amen."—Muhleri.] Oho, swi saseke njhani! Swi saseke njhani, A nga tano, xana? A hi tlhavulaneni mavoko sweswi, hi ku:

Yesu u fayelele hlakala yin'wana na yin'wana,
Yesu u fayelele hlakala yin'wana na yin'wana,
Oho, Yesu u fayelele hlakala yin'wana na
yin'wana, (Xikwembu a xi ku katekisi,
makwerhu.)
Oho, kutani A mi ntshuxa!

Ndzi ta tshama, ku tshama ndzi N'wi dzunisa,
(Xikwembu xa Matimba hinkwawo)
Ndzi... ("Wa tolo, namuntlha, ni hilaha ku
nga heriki," ntsena xo tincinca xivumbeko xa
Xona)... A dzunisiwi,
Ndzi ta tshama, ku tshama ndzi N'wi dzunisa,
Hikuva U (tekile mikhuva a yi susa hinkwayo
eka mina) a ndzi tshamisa... (ku pfumela
Rito ra Yena).

³⁷³ Oho, xana a mi yi twi Vhiyola ya N'winyi yi kokaka yi
tsemekanya, ndhichi ku rhendzeleka hi Rito xana? Wa ha ri Yena
wa tolo, namuntlha!

Ndzi ta tshama, ku tshama ndzi N'wi dzunisa,
Ndzi ta tshama, ku tshama ndzi N'wi dzunisa,
Ndzi... (Yena, a nga Rito!)... ku tshama, ku
tshama ndzi N'wi dzunisa, (xana U endla
yini?)
Hikuva U ndzi ntshuxile (endzhaku ka
khethenisi) a ndzi ntshuxa!

³⁷⁴ A ku dzunisiwi Xikwembu! Ndza N'wi rhandza. N'wina
a mi N'wi rhandzi xana? [Nhlengeletano yi ku, "Amen."—
Muhleri.] Xana leswi a hi swa Tilo xana? ["Amen."] Ndza swi
rhandza swihlawulekiso sweswo swa Rito, wa vona, ntsena
Moya lowo Kwetsima eka ku nandzika kwaloko, hi ndlela yo
titSongahata. Ntsena ndza—ndza swi rhandza Sweswo. Oho,
ntsena ehleketa!

Eka tlhelo lerin'wana ra Yordan, (ndzi le kusuhi na kwalahaya sweswi)

Eka ku nandzika... (leswi nga boliki) swa Eden, . . . (Xana ndzi ta kuma yini kwalahaya?)

Laha Nsinya wa . . . (lowu a wu ri entangeni wa Eden) wu hlukaka,
Kuna ku wisa ka mina.

³⁷⁵ Mi lava ku famba xana? U fayeleta hlakala yin'wana na yin'wana.

Yesu u fayeleta (mindzhavuko hinkwayo)
hlakala yin'wana na yin'wana,

Yesu u fayeleta hlakala yin'wana na yin'wana
(tidinominexini hinkwato, mikhuba hinkwayo),

U tshoveleta hlakala yin'wana na yin'wana,
Kutani A mi ntshuxa!

³⁷⁶ A ku dzunisiwi Xikwembu! Ntsena ndza Xi rhandza. A swi hlamarisi loko Esaya a teri, "Hi Yena Muchaveleri, Hosi ya ku Rhula, Xikwembu xa Matimba hinkwawo, Tatana loyi a nga riki naku Hela, Lowa kahle!"

Lowah kahle, lowah kahle, i Yesu loyi a nga eka mina,

Muchaveleri, Hosi ya ku Rhula, Xikwembu xa Matimba hinkwawo hi Yena;

Oho, wa ndzi ponisa, wa ndzi papalatisa eka vudyoho hinkwabyo na tingana,

Lowah kahle, Mukutsuri wa mina, a ku dzunisiwi Vito ra Yena!

³⁷⁷ Oho, mina! Sweswo swi fambisa mbilu ya mina. U saseke njhani Yena! Ndza mi byela, ku hava makumu eka Leswi. Ri, ndzi tile eka swona Leswi malembe ya makume nharhu-nharhu lawa ya nga hundza, ndzi ti twisa xisweswi. Kutani loko A nga hlwela, siku rin'wana ndzi ta tsipa, ndzi huma hi ndlela yo fana. Amen!

Lowah kahle, lowah kahle, i Yesu loyi a nga eka mina,

Hi Yena Muchaveleri, Hosi ya mina yo Rhula, Xikwembu xa Matimba hinkwawo hi Yena;

Wa ndzi ponisa, Wa ndzi papalatisa eka vudyoho hinkwabyo na tingana,

Lowah kahle, Mukutsuri wa mina, a ku dzunisiwi Vito ra Yena!

³⁷⁸ Ndzi nga ha yima kwala siku hinkwaro, eka Sweswo. Paul u teri, "Loko ndzi yimbelela, ndzi yimbelela ndzi ri eMoyeni." Ahaa. "Loko ndzi chumayela, ndzi chumayela ndzi ri eMoyeni. Loko ndzi famba, ndzi famba ndzi ri eMoyeni. Loko ndzi vulavula, ndzi vulavula ndzi ri eMoyeni." Hinkwaswo a swi

endliwi hi Rito na Moya. Ina, nkulukumba. Amen! Hinkwawo i Ntiyiso wa Xikwembu.

³⁷⁹ Ndza N'wi vona, Xikwembu xa Matimba hinkwawo, lexi xi nga ti funungula. Ndza Xi vona xi kokela mikhuva endzhaku, ku nga tidinominexini; xi kokela endzhaku ku kanakana ka—ka ntiyiso, minonganoko ya dyondzo, na hinkwaswo; yana emahlweni, u yima lahaya. U ehleketa leswaku mikhuva yi nga N'wi hlula xana? U ehleketa leswaku tidinominexeni ti nga N'wi hlula xana? U ehleketa leswaku Nhlangano wa Misava wu nga N'wi hlula xana? U hlurile hinkwaswo, a fayeleta hlakala yin'wana na yin'wana, xi handzula xi pfula tihele; xi handzula xilemo, xi nghena eVukwetsimelweni bya vukwetsimelo; xi ti funungula xona hi Xoxe eka hina, kuva a ri Rito, loyi a nga yena wa tolo, namunthla, ni hilaha ku nga heriki. Amen. Ndza N'wi rhandza.

³⁸⁰ Sweswi, ku kondza hi hlangana hi ndzhengha wa lowu, hi lava ku endla nchumu wun'we, lowu ku nga:

Teka Vito ra Yesu,
N'wana wa mahlomulo na tingana;
Ri ta ku nyika ku tsaka niku ku chevelela,
Oho, Ri teke hinkwako lomu u yaka kona.

Vito ro Hlawuleka, O ri nandzika njhani!
Ku tshembhela misava na ntsako wa Tilo;
Vito ro Hlawuleka... (Ina, ndzi na swona,
khale)... O ri nadzika njhani!
Ku tshembhela misava na... (....?)

³⁸¹ Loko Sathana a ringeta ku mi ringa, loko a ku a mi langutanga nchumu lowu wu nga wa kahle, n'wi kombeteleni eRitweni kukotisa Yesu a swi endleke. Wa vona? Wa vona? Amen!

Evitweni ra Yesu ha khinsama,
Hi wela emikondzweni ya Yena hi ku karhala
ngopfu,
Hosi ya tihosi eTilweni hi ta N'wi ambexxa
xidlodlo,
Loko rendzo ra hina ri hetisekile.

Vito ro hlawuleka, Vito ro hlawuleka!
Ku tshembhela misava na ntsako wa Tilo;
Vito ro Hlawuleka, O ri nandzika njhani!
Ku tshembhela misava na ntsako wa Tilo.

³⁸² Billy u ta fika, hikwalomu ka awara ya ntsevu, a ta phaka makhadi ya swikhongelo eka lava va lavaka ku ta eka layini ya xikhongelo. Ndzi vona swi antswa hi swi endla. A hi ngeyi hi ya, kambe, tani hi ntshungu, swa antswa hi swi endla, ma swi vona.

³⁸³ Sweswi N'wi tsundzukeni! N'wi hlayiseni minkarhi hinkwayo emiehlekeweni ya n'wina, etimbilwini ta n'wina.

Hinkwako laha mi yaka kona, wa vona, hlayisani Yesu emiehlekeweni ya n'wina.

Tekani Vito ra Yesu (sweswi yingisani) n'wina,
Tani hi xitlhangu eka xirimbanan xin'wana na
xin'wana; (ku humelele yini?)

Loko miringo yi mirhendzela, (xana mi boheka
ku endla yini?)

Ntsena hefemulani Vito lero ro kwetsima hi
xikhongelo.

Vito ro hlawuleka, Vito ro hlawuleka, O ri
nandzika njhani!

Ku tshembhela misava na ntsako wa Tilo;

Vito ro hlawuleka, O ri nandzika njhani!

Ku tshembhela misava na ntsako wa Tilo.

³⁸⁴ A hi korhamiseni tinhloko ta hina sweswi. Ndzi ta kombela mufundhisi loko a nga ta a ta ntshuxa vayingiseri. Makwerhu Neville, Xikwembu a xi mi katekisi, Makwerhu Neville.



KU FUNUNGURIWA KA XIKWEMBU TSO64-0614M
(The Unveiling Of God)

Hungu leri hi Makwerhu William Marrion Branham, ri sungurile ri chumayeriwa hi Xinghezi hi Sonto ni mixo, Khotavuxika 14, 1964, eBranham Tabernakale eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org